



RITVALE
AVGVSTINIANVM
CONGR. OBS. LOMBARDIÆ

Ordinis FF. Erem. S. Augustini,

*Ex Constitutionibus, Definitionibus, Ceremoniali,
perpetuoq; usu eiusdem Congregationis*

A P. DONATO CALVO BERGOM. PRIORE,
S. T. L. ac Congreg. Socio
Collectum,

Et iussu Reuerendiss. P.

FVLGENTII ALCHISII CASAL.
VICARII GENERALIS

Ad communem Ecclesiarum, Monasteriorum,
& Patrum dictæ Congreg. vtilitatem
Typis commissum.

Cum Indice Rituum in fine.



BERGOMI, Apud Filios Marci Antonij Rubei. clb lclxj.
De consensu Superiorum.

ВЛАСТЬ
НАША И ТОВАРИЩА

1900

ORIGINALS

Dr. C. J. ...

18. What is the purpose of the study?

ALL INFORMATION CONTAINED HEREIN IS UNCLASSIFIED

2.T.1. as Copyright Photo

Col. 1111

THE JOURNAL OF THE

CONFIDENTIAL

VICARIE GENERALE

At the same time, the Commission has been working to ensure that the Commission's work is as transparent as possible. This includes publishing the Commission's work on its website, as well as holding public hearings and consultations. The Commission has also been working to ensure that its work is as accessible as possible, by providing information in a range of languages and formats.

[illegible]

AMERICAN, 1911

Chas. L. Jones, Secy.

F. FVLGENTIVS ALCHISIVS CASALENSIS³

Congregationis Obseruantium Lombardiæ

Ordinis Eremitarum S. Augustini

VICARIVS GENERALIS.

Dilecto nobis in Christo P. Donato Caluo Bergomen. S. T. Le&ori;
Prædicatori, Priori, necnon Socio nostro Benemerito.



Officij nostri Pastoralis exposulat ratio, ut qui nostræ Reipublice Ecclesijs, viribus licet imparibus, presumus, ea, quæ ad Magni Dei cultum pertinent, Religionis zelo, nedum in usum firmum, ac incorruptum seruari curemus, sed ad pristinum morem, & institutum, si in abusum irrepserunt, redigere satagamus. Enimvero nil tam diuini Numinis gloriam, ac debitum Ecclesiasticarum personarum officium complectitur, quàm veneranda Sacrorum Rituum observatio: Nec magis aliud pios offendit, ministriæque Cleri dedecorat, quàm ceremoniarum, & damnabilis Ecclesiasticorum ignoratio. Quamobrem cum ea plura, quæ in Deo gratias, per diuina ministria, & sacri Altaris cultum, necnon vniuersalis Congregationis directionem persoluenda sunt, formulam pæ olim nostræ Congregationis Primorum Parentum alijs instituerunt, alijsq; reformarunt, temporis diuturnitate ab eorum antiqua institutione deflexisse comperissemus; itaut quot Ecclesiæ nostræ sunt, tot sibi conficerent ceremonias, & quippe sine veris regulis, perindeque in singulis locis perturbatio oriretur hunc dissimilimum modum, varietatemq; hanc inseruiendi Deo formæ grauius ferrentes, nè in posterum nouas ceremonias agendi licentia permitteretur providere operæpretium duximus. Verùm cum ob varias curas, quibus nimirum valde oneramur id Nobis fuerit perdifficile, de tuo zelo, studio, ac deuotione, quinimmo in Ecclesiarum recto seruitio pia inclinatione satis, superque experti, sicut nostri officij Socium benemeritum, & cognouimus, & cum gaudio habuimus; ita in huiusmodi provisionis partem te desumere volentes, ut ex Patrum Constitutionibus, necnon Definitionibus Rituum omnium, ac Ceremoniarum in iisdem expositam Regulam, in libellum vnum diligenter colligres libenter Tibi mandauimus, quod sanè opus, cum nunc egregiè absolutum dignoscamus,

q
mus, omnibus, & singulis Conuentis rem gratiam facturi, Harum pariter virtute Typis committere precipiendo precipimus; Et quidem, ut uni scilicet Deo, una, & eadem cultus, ac ceremoniarum formula in tota nostra Republica maiori decore seruetur. Age igitur, & hilari animo perage: Ita nobis seruatis tamen de iure seruandis placet, & Deus, cuius honorem veneris abundanter retribuat. Vale.

Dat. Roma in Conuentu nostro S. Maria de Populo die prima Ianuarij 1661.

Fr. Fulgentius Alchifius, qui supra manu propria.

F. Franciscus M. Luranus à Cremona Secret.

Reuerendis, ac Honorandis in Christo
PATRIBVS, ET FRATRIBVS
ORDINIS EREM. S. AVGVSTINI
Congreg. Lombardiæ.

F. DONATVS CALVVS BERGOM.
eiusdem instituti Professor, S. T. L. Prior, & Socius.
Sal. & Felic.



ITVALE Augustinianum Congreg. nostræ iam diu à me excogitatum, ac tandem iussu Reuerendiss. Patris Fulgentij Alchisij Generalis eiusdem Congreg. Vicarij, (cui in socij ministerio feliciter deferuire obtinui) ab inuolucris Constitutionum, Definitionum, Ceremonialium, Consuetudinumq; extractum, & Typis consignatum; Nunc primum Vobis PP. RR. ac FF. dilectissimi spectandum, ac obseruandum proponitur; vt qui sub iisdem obseruantia habitum, instituto, legibus, & Regula, *eodem Dei spiritu agimini, & in vno spiritu statis;* (Rom. 8. Phil. 1.) eundem quoque (vt par est) diuini cultus, sacrarum ceremoniarum, religiosarumq; actionum teneatis Ritus, & Ordinem habeatis. Et quidem nullum alium in hoc Rituali ordinem seruauimus, nisi vt Ordinem doceamus; esto enim diuersis, & interdum inordinatis vijs, ad intentum finem peruenire non repugnet; vniformis tamen, ac ordinatus gressus tutius, ac facilius iter parat, & ordinatè procedendo, ad eum qui in cordibus nostris *suam ordinauit charitatem;* (Cantic. 2.) *deditq; Ordinem Luna, & Stellarum in lumine noctis;* (Ierem. 31.) securiori, ac breuiori meatu pertingemus. Ecclesia

ipsa vniuersalis *veluti castrorum acies ordinata*, (Can. 6.) Ordinem in cunctis seruare Nos admonet; & dum illam *unicam* veneramur, *unum Deum, Vnam Fidem, & unum Baptisma* (Ephes. 4.) colentem, Vnitatem in Ordine præsignat, præsignatam proponit, propositamq; seruare suadet, nedum, ore Pauli, hortâdo: *Ut unanimes uno ore honorificemus Deum, & Patrem Domini nostri Iesu Christi*; (Rom. 15.) Sed Ordinum vltius, & Rituum obseruantiam præcipiendo, vt nempe: *Omnia honestè, & secundum Ordinem fiant in Nobis*. (1. Cor. 14. Hunc igitur Ordinem, quo Diuina, & Humana, ad Ecclesiam spectantia, & Monasterium, Chorum, & Claustum, Altare, & Capitulum, animæ Mensam, & corporum, ad Fratres ipsos tum vniuersaliter, tum particulariter, in sacra nostra Republica pertractentur, hoc in opusculo collegimus; Vt quisquis in eo (Aug. in Reg.) *tanquam in speculo* seruanda dignoscatur, & seruando glorificetur Deus, *qui operatus est in Nobis velle, & perficere pro bona voluntate*. (Phil. 2.)

Consultò autem in hoc Rituali ea omittere statuimus, quæ in Romano, vel Missali passim occurrunt, puta *de Processionibus: de de administratione Sacramentorum: de Exequijs: de Benedictionibus, & alijs*. Tum quia vnicius intentionis nostræ scopus fuit, Ritus illos, ac ceremonias, seu Formulas, & Regulas tradere, quæ in Congregatione nostra peculiari coluntur, vel colendæ sunt obseruatione, cum Romani Ritualis Ordines vniuersam complectantur Ecclesiam, & ad omnes se extendant Christifideles: Tum etiam ne absque necessitate entia multiplicare videremur, cum Ritus communes in vnum collecti volumen Romano exarentur Ordinario, quod præ omnium manibus pro libito currit, & sub oculis versatur; Nostri autem hinc inde per Constitutionum, Definitionum, & Ceremonialium folia volitarent dispersi, atque propterea opus fuerit ipsos colligere, & collectos, in vnumque redactos peculiarem Librum, Congregationi donare.

In Ritibus diuinum concernentibus cultum prolixitatem non abhorruimus; quamuis moderatam, & non ad nauseam; à Spiritu Sancto edocti, Religiosos ad hoc censeret electos, vt *Deo seruiant in cultu tabernaculi*; (Num. 16.) & vt inquit Dominus Aaron, & Filij eius: (Num. 18.) *Ut Sacerdotium custodiant, & omnia, quæ ad cultum*
Alta-

Altaris pertinent, atque insuper: Custodiant ceremonias Sanctuarij Dei. (Ezech. 44.) Licet enim vniuersa ferè, quæ in huiusmodi Ritibus exarata conspiciuntur, non Societatis nostræ peculiararia, sed Ecclesiasticis omnibus personis communia videri possint; vtpotè non ex solis Augustinianis codicibus, sed ex Romanis Ceremonialibus, Rubricis, Gauanto, Corsetto, Arnaud, alijsq; dignis Autoribus extracta; non propterea inutilia, aut superflua, imò summo perè necessaria autumare debemus; cum in Dei cultu, & honore summa Ecclesiasticarum consistat rerum, singuliq; siue nostræ, siue alterius Congregationis, & Ordinis Romanum sequentes Ritum religiosi viri, maximo curare teneantur studio, quemadmodum & Fidei, Vnitatem seruare cultus, & Vnanimis: *Dare Domino gloriam nomini eius, leuare sacrificium, venire in conspectu eius, & adorare Dominum in decore sancto. (1. Paralip. 16.)*

Faxit Omnipotens, vt quæ pro Reipub. nostræ tum sacra, tum humana directione exponimus, in Vestrum omnium vtilitatem, & salutem vergantur; Deum ex corde laudantes: *(Num. 16.) Quod separauerit Vos ab omni populo, & iunxerit sibi, vt seruiretis ei in cultu tabernaculi, & staretis coram frequentia populi, & ministraretis ei; Sacrosq; seruantes Vobis traditos Ritus, & laudabiles ceremonias, à Domino cui seruitis retributionem hereditatis accipiat; (Colos. 3.) & pœnam ab eodem contra ignorantes Ritum Dei terra (4. Reg. 17.) immisam, feliciter euitetis.*

The following is a list of the names of the persons who have been appointed to the various positions in the various departments of the Government of the State of New York, for the year 1900.

RITVS I.

*Circa diuini Officij ceremonias in choro
seruandus.*

Ongregati in choro Fratres , & dato à Superiore signo , inceptaque Hora , versus altare faciem dirigant signando se signo Crucis à fronte ad pectus cum dicitur *Deus in adiutorium* ; & pollice dextro labia, dum dicitur : *Domine labia mea aperies*. (*Cerem. Ordinis*). Ad verba autem illa : *Gloria Patri* &c. versis vultibus è regione se inclinabunt vsque ad : *Sicut erat* &c. (*Praxis Sacrorum Rit & Cerem.*). Et hic ordo tam in officio diei , quam Beatæ Mariæ Virginis semper seruandus erit . Communiter autem versa facie ad altare stabunt Fratres in recitatione Inuitatorij : *Venite exultemus* &c. Antiphonarum , responsiorum cum versiculis , item capitulorum , & absolutionum in matutinis orationum , in quibus non est inclinandum ; in illis namq; in quibus fit inclinatio , vertent ad altare vultum ad illa tantum verba : *Qui tecum viuit* ; seu *Qui viuis* , & *regnas* &c. vsq; ad *Amen* . Stabunt pariter versus Altare ad Preces in Prima , & completorio nisi sit genuflectendum , & ad Cantica Euangelica .

2 Standum semper in choro ad initia horarum , Inuitatoria , Hymnos , Capitula , Lectiones breues , responsoria breuia , versiculos , absolutiones , benedictiones , textum Euangelij ante Homiliam , *Te Deum laudamus* , Cantica Euangelica scilicet *Magnificat* , *Benedictus* , & *Nunc dimittis* , Symbolum Athanasij , antiphonam , orationes , Commemorationes , & suffragia communia Sanctorum . Ad antiphonas finales B. Mariæ Virginis tempore Paschali , & in diebus Dominicis à primis Vesperis . Standum pariter erit capite aperto si Sanctissimum Sacramentum sit super altare expositum ,

vel

vel fiat communio, aut missa celebretur.

3 Sedendum, si placuerit, ad Lectiones; ad Psalmos, vel alternatim, vel ad aliquos iuxta usum, ad Martyrologium excepta Vigilia Natiuitatis Dñi, ad officium Defunctorum vsq; ad Psalmum. *Laudate Dominum de Calis &c.*, & ad Psalmos Graduales exceptis precibus &c.

4 Inclinandum profundè caput versis vultibus è regione ad primam orationem siue Missæ, siue Horarum vsque ad *Qui vivis &c.* aut *Qui tecum vivis &c.* *Ad Gloria Patri* vsq; ad *Sicut erat &c.* Quoties pronuntiatur nomen Iesu, B. Mariæ, vel S. Patris Augustini, aut Sanctorum, quorum festum colitur, aut commemoratio fit post primam orationem, Fratres nisi sint è regione versus Altare se inclinabunt, profundius quidem ad nomen Iesu, quàm ad alia. Hæ autem inclinationes non sunt faciendæ pro alijs Sanctis, quorum commemorationes communes fiunt in Missa, Vesperis, aut Laudibus. Item inclinandum est ad nomen SS. D. N. Papæ in orationibus tantum; Ad *Confiteor*, quod dicitur in Prima, & Completorio; vsq; ad *Misereatur*; & generaliter ad subsequencia.

Ad versicul: *Sit nomen Domini benedictum.*

Sanctum, & terribile nomen eius.

Benedictus Dominus die quotidie.

Benedictum nomen Maiestatis eius in aeternum.

Benedicat nos Deus Deus noster, benedicat nos Deus.

Benedicamus Patrem, & Filium cum Sancto Spiritu.

Benedictus es Domine Deus Patrum nostrorum.

Benedictus es Domine in firmamento Calis.

Adiuvame, & saluus ero.

Adiuvame nos Deus salutaris noster.

Pariter ad ultimum versum Hymnorum.

Cum dantur benedictiones à Superiore in Prima, & Completorio. Et ad similia.

Quotiescumque Fratres Psalmos, & Antiphonas inceperint, vel ad pulpitem accesserint profundè inclinabunt, idemque facient antequam inde recedant. Sic versus Hebdomadarium Lector inclinabit caput dum dicit: *Iube domne benedicere.* Tandem qui tardè ad officium venerint facta altari genuflexione, & signo Su-
pe-

perioris expectato, conuerſi vt ad loca ſua vadant, eundem, & chorum inclinatione tanto profundiore ſalutabunt, quanto erunt iuniores, & idem facient à choro diſcedentes ante finem officij.

5 Genuſſectent Fratres in choro exiſtentes, quando ex vna parte chori, vel Altaris maioris ad alteram tranſeunt, vel ad medium Altaris accedunt, vel recedunt. Item ad illud Pſalmi in Matutinis: *Venite adoremus, & procidamus ante Deum*; ad illa pariter verba: *Te Deum laudamus*; & in eodem Hymno ad integrum verſum: *Te ergo quaſumus ſamulis &c.*; & in Epiphania Domini ad antiphonam tertij nocturni: *Venite adoremus &c.* toties quoties repetitur, & ad verba vltimi reſponſorij: *Et procidentes adorauerunt eum*. Genuſſectendum pariter in Hymnis ad ea: *Veni creator Spiritus. Ave Maris Stella. O Crux ave ſpes unica. O ſalutaris hoſtia. Tantum ergo Sacramentum*; ſi coram Sacramento etiam latente in tabernaculo, ſecus non. Qui tamen Hymnos intonant ſtabunt, & poſt intonationem ipſi quoque debitam facient genuflexionem.

Item genuſſectendum erit ad preces feriales in Laudibus, Veſperis, & Horis; ad preces Defunctorum, quamvis non dicantur Pſalmi: *Lauda, & De profundis*. Ad antiphonas B. V., quæ dicuntur in fine officij, & ad orationem Dominicam, Salutationem Angelicam, Symbolum Apoſtolorum, quæ dicuntur in fine completorij, exceptis Dominicis, & tempore Paſchali. In Martyrologio Peruigilij Nat. D. N. Ieſu Chriſti ad verborum prolationem: *In Bethleem Iudæ &c.* vt clariùs dicetur Ritu 3. Lectores denique poſt lectiones in Matutinis, Prima, & Completorio recitataſ verſus Altare genuſſectere debent, dum dicunt: *Tu autem Domine miſereere nobis*.

6 Signum Crucis adhiberi debet pollice ſignando os ad illud initio Matutini: *Domine labia mea &c.* Item manu extenſa ſignando ſe à fronte ad pectus, & à ſiniſtro humero uſque ad dexterum, cum dicitur: *Deus in adiutorium &c.* in initio Horarum (non autem cum dicitur ter ad Primam poſt orationem *Sancta Maria, & omnes Sancti*) Item ad verſum: *Adiutorium noſtrum*, ante confeſſionem in Prima, & Completorio. Sic ad *Indulgentiam*; & adea in fine Primæ. *Dominus nos benedicat*; & in fine Completorij: *Benedicat, & conſervet &c.* Laudabiliter etiam fit ſignum Crucis cum pol-

pollice in pectore ad illa verba: *Converte nos Deus &c.* initio Completorii; sicuti etiam laudabile est fieri ad initium Canticorum Euangelicorum scilicet *Magnificat, Benedictus, & Nunc dimittis*, quia Evangelia sunt; & etiam ad antiphonam de Cruce: *Per signum Crucis* in feriali officio.

7 Cantores cantare debent Inuitatorium cum Psalmo: *Venite exultemus &c.* Initia Psalmorum idest primam versus partem vsq; ad mediationem non ultra; ita initium, seu primum versiculum Hymnorum, versus, & responsoria omnia; Initium Canticorum Euangelicorum; Initium: *Te Deum laudamus*, & ulterius versiculum: *Per singulos dies Benedicemus te*; Pariter *Benedicamus Domino* in laudibus, & Vesperis; intonare debent antiphonas in repetitione post Psalmos, & antiphonas B. M. V. in fine Completorii.

8 Duo sint Cantores in choro, ad quos spectabit antiphonas annuntiare incipiendo à dignioribus, hocq; tantum in Vesperis, Matutinis, & Laudibus, & alternatim, scilicet ex vna parte chori postea ex alia; antiphonas autem Canticorum Euangelicorum semper annuntiabunt Hebdomadario. Circa antiphonas quæ dicuntur maiores ante festum Natiuitatis Domini N. I. C. mos irrepfit illas annuntiare cum aliqua solemnitate puta cum luminaribus &c. & præcipuè primam. *O Sapientia*, quæ communiter annuntiatur Superiori Conuentus, & subsequentes dignioribus. Et hoc idem in multis Conuentibus obseruatur in quinta antiphona Vesperarum Natiuitatis: *De fructu ventris tui*. Semper autem in annuntiando antiphonas Cantores caput inclinent primò versus Altare, deinde versus Sacerdotem, cui antiphona annuntiatur.

9 In duplicibus Cantores simul intonabunt Inuitatorium cum Psalmo, Hymnos, initium Psalmorum, & Canticorum, repetitionem antiphonarum, versus ante lectiones, & post Hymnos, Responsoria breuia Horarum, *Benedicamus Domino*, antiphonas B. M. Virginis post Completorium cum versu sequenti. Ex quibus aliqua stantes in loco suo cantabunt, scilicet Psalmorum initia, repetitionem antiphonarum, & antiphonas B. M. V. in Completorio; aliqua procedendo ante maius Altare cum duplici genuflexione ante, & post intonationem, scilicet Inuitatorium cum Psalmo *Venite*, Hymnos, Responsoria breuia, versus, initia Canticorum, &

Benedicamus Domino. Responsoria autem Marutini in medio chori alternatim recitabunt. Tandem in Commemorationibus, si quæ faciendæ sunt, vnicus Cantor antiphonā, & versum intonabit.

In semiduplicibus omnia sicuti in duplicibus præstanda sunt præterquam quod initia Hymnorum, Psalmorum, Canticorum, repetitiones antiphonarum, antiphonæ B. M. V. in Completorio vnicus intonabit Cantor stans in loco suo. In simplicibus vero, & ferialibus semper in loco suo stabunt Cantores, & primus Cantor solus intonabit Inuitatorium cum Psalmo, Hymnos, Cantica, versus, & responsoria breuia cum *Benedicamus Domino* &c. In reliquis autem puta in intonatione Psalmorum, repetitione antiphonarum, & responsoria vicissim Cantores recitabunt.

10 Hebdomadarij officium erit Horas omnes ad nutum Superioris intonare, absolutiones, & benedictiones ante Marutini lectiones (nisi Superior ipse hoc præstet) facere, capitula, antiphonas, Horarum, item & Canticorum Evangelicorum; orationes pariter omnes, & preces cum versu *Dominus vobiscum*, *Benedicamus Domino*, & *Fidelium* &c. dempto *Benedicamus Domino* in Laudibus, & Vesperis, cantare; aliaq; multa præstare, quæ quotidiana addiscuntur praxi.

11 Ad Priorem, vel chori Superiorem spectabit signum dare, pro Horarum inceptione, & terminatione; *Confiteor* primum in Prima, & Completorio cum *Misereatur*, & *Indulgentiam* incipiendo ab *Adiuutorium nostrum* &c. recitare; In Prima Benedictiones facere dicendo: *Dies*, & *actus nostros* &c. *Adiuutorium* &c. *Dominus nos benedicat* &c. Item in Completorio *Noctem quietam* &c. *Benedicat*, & *custodiat* &c. & in fine Laudum, Horarum, & Vesperarum dicere: *Dominus deus nobis suam pacem*, & antiphonam B. M. V. cum *Sacro sanctæ* submissa voce intonare.

12 Acholiti munus erit Martyrologium cantare, item & lectiones breues Primæ, & Completorij. Lectiones autem Marutini cum *Iube domne benedicere* regulariter incipient iuniores. Sed de his fusius sequenti Ritu.

RITVS II.

*Psallendi, & canendi diuinum Officium
in choro.*

Officium diuinum tam diurnum, quam nocturnum, semper, & vbique siue in nota, siue sine nota distinctè, morosè pariter, & deuotè dicatur, quatenus iuxta regulam: *Hoc versetur in corde, quod profertur in ore.* (*Rubr. Defin. cap. 2.*)

2 In diebus ferialibus, & festis simplicibus Horæ canonicæ dicantur sine nota, & tono, sed nostro modo consueto, nec nimis alte, nec nimis depresso voce æquali, & fiat pausa in medio versiculi; sicq; percipiat silentium in choro, omnes æqualiter finientes, & æqualiter incipientes.

2 Inter officium autem Beatissimæ Virginis, & aliud officium sit differentia vocis, & Psalmodiæ; vocis quidem, vt sit depressior in tertia nota, & ad plus in quarta; Psalmodiæ vero, vt non sit tam morosa, nec pausa tam longa. Vesperæ autem dicantur eodem modo; nisi quod à capitulo, & in antea in nota, & tono omni tempore cantentur, & *Magnificat* cum antiphona in tono currenti, & antiphona festi præcedentis cum debitis orationibus. Aliæ verò Commemorationes (scilicet suffragia) dicantur sine nota. Semper autem antiphona: *Da pacem &c.*, & *Benedicamus Domino* dicantur cum nota. Ad Completorium vero semper cantetur antiphona Beatæ Virginis secundum diuersitatem temporum. Psalmodia fiat, vt superius est expressum sine nota, & tono.

4 Diebus verò Dominicis, & festis semiduplicibus Horæ dicantur vt supra. Si tamen videbitur Priori dici poterint cum nota, & in tono. Vesperæ præcipuè dicantur, si fieri potest, in nota, & tono suarum antiphonarum.

In

In festiuitatibus vero Apostolorum, & duplicibus eodem modo dicantur sicuti in Dominicis diebus. Sed in maioribus duplicibus Hymni, antiphonæ, & Psalmi dicantur per omnes Horas in nota, & tono.

5 Officiū autem nocturnum sic disponatur, quod diebus feriabilibus, ac simplicibus semper Hymni nocturnorum, & laudum cantentur in tono suo; antiphonæ verò nocturnorum non cantentur. Ad laudes verò cantetur *Benedictus* cum sua antiphona.

Diebus verò Dominicis, semiduplicibus, & in festis Apostolorum, & alijs duplicibus maioribus, & minoribus Matutinæ dicantur, & cantentur secundum, quod discretioni Superioris, qui in choro fuerit videbitur expedire. Quodcumque cantatur. *Te Deum laudamus*, vltima Lectio cantetur in tono. Et si videbitur Priori etiam vltimum responsorium cantetur in nota. Hæc ex Rubricis Definitionum Rubr. 11 cap. 2.

6 Ex his in Congregatione nostra præsertimque in maioribus, & insignioribus Monasterijs constans, & laudabilis inoleuit consuetudo, vt semper in Matutinis siue duplicium, siue semidupliciū, siue simplicium, vel feraiū cantentur Hymni cum Canticis *Benedictus* in tono propriæ antiphonæ. In sollemnioribus autem festiuitatibus præter Hymnos, & Canticum cantentur Matutinæ, vt infra videlicet.

In die Natiuitatis Domini N. I. C. dicantur in tono omnes antiphonæ tam Nocturnorum, quam Laudum, item versus, Absolutiones, Benedictiones, & Lectiones; insuper primus Psalmus tertij Nocturni *Misericordias Domini*, *Te Deum* &c. vt fusius infra dicetur in peculiari Ritu.

In Circumcisione Domini cantentur antiphonæ Nocturnorum, tantum, cum tribus vltimis Lectionibus, & *Te Deum laudamus*.

In Epiphania Domini cantentur omnes antiphonæ tam Nocturnorum, quam Laudum cum omnibus Benedictionibus, & Lectionibus; item primus Psalmus tertij Nocturni: *Venite exultemus*, & *Te Deum*.

In tribus diebus hebdomadæ maioris dicantur in tono, & nota omnes antiphonæ Nocturnorum, & Laudum, pariter in proprio cantu Lamentationes, et Lectiones.

In

In triduo Paschatis eodem modo vt supra omnes antiphonæ, et Lectiones.

In Ascensione Domini antiphonæ Nocturnorum tantum cum tribus vltimis Lectionibus, & *Te Deum*.

In triduo Pentecostes cantentur omnes antiphonæ Nocturnorū, & Laudum, Lectiones, & *Te Deum*.

In festo Corporis Christi dicantur in cantu tres vltimæ Lectiones, *Te Deum*, & antiphonæ Laudum.

In Assumptione B.M. Virginis tres vltimæ Lectiones, *Te Deum*, & antiphonæ Laudum.

In solemnitate S. P. N. Augustini omnes Lectiones cantentur cum *Te Deum*, & antiphonis Laudum.

In festo omnium Sanctorum tres vltimæ Lectiones, *Te Deum*, & antiphonæ Laudum.

In cæteris verò solemnitatibus primæ classis, vt Natiuitatis Sancti Ioannis Baptiste, Sanctorum Petri, & Pauli, Sancti Titularis, vel Dedicationis Ecclesiæ. Item in duplicibus secundæ classis cum octaua, vt Sancti Stephani, Sancti Ioannis Euangeliste, Sanctorum Innocentium, si venerint in Dominica, Sanctæ Matris Monicæ, Natiuitatis B.M. Virginis, Sancti Laurentij, Sancti Nicolai de Tolentino, Sancti Thomæ de Villanoua, & aliorum. Pariter in consimilibus festiuitatibus, vt Sanctissimæ Trinitatis, inuentio- nis Sanctæ Crucis, Purificationis, Annuntiationis, & Conceptionis Virginis Mariæ, Dedicationis Sancti Michaelis Arcangeli &c. vltima sola lectio cantetur cum *Te Deum laudamus*.

7. Circa Lectiones autem hic ritus seruandus est, vt semper procedatur à iunioribus ad seniores, ita vt Lectiones primæ Nocturni dicantur à minoribus, & sic ascendendo; præterquam in triduo maioris Hebdomadæ, in quibus Lamentationes cantantur semper à senioribus Conuentus, & descenditur ad minores.

8 Quantum ad cantum Horarum in celebrioribus Conuentibus mos est quotidie canendi (præterquam dum officium celebratur de simplici, vel Feria) vnā ex illis siue Tertiam, siue Sextam, siue Nonam, Tertiam videlicet ante missam præsertim infra octauam Pentecostes, Sextam toto tempore æstiuo, quo Nona dicitur post prandium, & Nonam alijs mensibus. Imo tempore æstiuo inter-
dum,

dum præter Sextam canitur etiam Nona post prandium .s. in solemnitatibus, & festis insignioribus. Vniuersaliter tamen, & in omnibus Monasterijs, in quibus Missa canitur Conuentualis diebus festiuis, siue ex præcepto, siue ex voto, siue ex deuotione semper vel Sexta, vel Nona ante Missam cantare debent. Excipiendo tamen triduum maioris hebdomadæ, in quibus præter Missam, & Matutinas reliquum officij recitatur submissa voce, & sine nota.

9 Ritus canendi Vesperas ex dictis supra manifestè liquet; Hinc fit, quod vbi non cantantur quotidie Psalmi saltem antiphonæ omnes cum Hymno, & Cantico cantentur. In nota autem, & tono Psalmi omnes dici debent in diebus festiuis tum ex præcepto, tum ex voto, tum ex deuotione, in duplicibus primæ classis, secundæ classis cum octaua, & B. Mariæ Virginis, hocq; loquendo tam de primis, quàm de secundis Vesperis, & regulariter in duplicibus maioribus.


10 De Completorio consuetudo docet, quod diebus, quibus cantantur Vesperæ etiam Completorium cantari debeat. Semper tamen siue cantetur, siue non cantetur, antiphona vltima B. Mariæ Virginis in tono dicenda est.

Suffragia Sanctorum, quæ Dominicis diebus, & in semiduplicibus in fine Laudum, & Vesperarum recitantur, laudabile est, quod in Vesperis Dominicarum in nota, & cantu dicantur.



RITVS III.

*Canendi Martyrologium cum alijs, quæ in perui-
gilio Natiuitatis Domini exequantur.*

 **P**N Peruigilio Natiuitatis Domini N. I. Christi com-
pletis Laudibus accedat P. Vicarius ad Sacristiam,
ubi cum superpelliceo, & pluuiali albo se parabit ad
Martyrologium canendum. Adsint quoque duo ce-
roferarij cum luminaribus, & Acolytus cum incenso, & thuribulo.
In medio Sacristiæ sternatur legile, supra quod apertum ponatur
Martyrologium, & circumcirca sedilia Fratrum. Interea à Fratri-
bus in choro dicitur Prima. Completa oratione: *Domine Deus om-
nipotens* &c. cum *Benedicamus Domino*, bini, & bini egrediantur,
Psalmum dicendo: *De profundis* cum *Gloria Patri* &c. et Sacristiam
ingrediantur in loco sibi debito quisque sistendo. Tunc ad Lectu-
rinum P. Vicarius, vel Superior accedet hinc inde adstantibus ce-
roferarijs, & posito in thuribulo incenso ter librum Martyrologij
adolebit. His peractis in tono ibidem descripto Martyrologium
cantabit. Ad illa verba: *In Bethleem Iuda nascitur* &c. Fratres
omnes genua flectant, ad alia, quæ subduntur: *Natiuitas Domini*
N. 1. Christi secundum carnem; ad terram se se prosternant eodẽ
tono respondendo: *Deo gratias.*

2 Exinde surrectis Acholytus reliquum cantabit Martyrologij
ab illis incipiendõ verbis: *Eodem die Natalis Sanctæ Anastasiæ* &c.
& vt de more complebitur Prima. Hac completa, & exutis mini-
stris, sedeant in loco suo Fratres, & tunc qui ex iunioribus, vel Cle-
ricus, vel Nouitius deputatus est ad Christi natalicia annuntianda,
ad pedes Prioris, se conducatur genuflexus dicens: *Iube Domne bene-
dicere*; Prior autem respondeat: *Dominus sit in corde tuo, & in la-
bijs tuis, vt dignè, & competenter annunties Iesu Christi Natiuitatem:*

In


In nomine Patris, &c. eiquè porrigat manum ad osculandum. Surgat deinde iuuenis, & ad paratum locum tendat, vbi latino idiomate breuem habebit de Christi Natiuitate, eiusque fructibus sermonem, quo finito ad propriam redibit sedem.

3 Post hæc Prior stans, simulq; cum eo Fratres dicat: *Adiuutorium nostrum in nomine Domini. R. Qui fecit Calum, & terram. V. Benedicite. R. Deus. V. Dominus nos benedicat, & ab omni malo defendat, & ad vitam perducatur aternam, & fidelium anima per Dei misericordiam requiescant in pace. R. Amen.* Iterum sedent omnes, & Prior materna lingua discursum habeat omnes hortando ad Christi Domini natalitia puro corde, & animo celebranda, & tunc, si quæ sunt admonenda, admoneat, vt digniùs sacrosancta solemnia sanctificentur. Deinde accepta stola absolutionem dabit generalem, vt sit in solemnitatibus, & Sacrista candelam cuiuslibet ex Fratribus in honorem Natalis Domini porriget, & terminabitur ceremonia.



R I T V S I V.

*Matutinas canendi ipsa nocte Natiuitatis
Domini Nostri Iesu Christi.*


1  Acerdos siue Prior sit, siue Vicarius primam cantaturus Missam accensis super Altare Luminaribus, ad aram cum Ministris pluuiali indutis albo, ceroferarijs, & acholito manuale gestante accedent, & dicto: *Pater noster, Ave Maria, & Credo* cantabit: *Domine labra mea aperies &c. Deus in adiutorium &c.* & post *Gloria Patri* chorum de more intrabunt. Hinc stantes omnes respondebunt Inquiratorio à duobus ex ministris dicto, exinde Hymnum cantabunt: *Iesu Redemptor omnium &c.* quo peracto Prior adhuc pluuiali indutus primam antiphonam intonabit: *Dominus dixit ad me &c.* Hac completa deponent ministri sacra indumenta, ceroferarij candelabra, acholitus librum in locis ad hoc paratis, & sellas propias adibunt. Cantabuntur autem hoc ordine Matutinæ, vt saltem antiphonæ Versiculi, Absolutiones, Benedictiones, & lectiones cum integro psalmo primo tertij Nocturni: *Misericordias Domini &c.* vtpotè sublimibus repleto mysteriis, decantentur.

2 Circa Lectiones autem tertij Nocturni hic erit seruandus ritus. Pareatur ante maius Altare in cornu Euangelij Legile, seu Lecturinum panno, seu velo albi coloris opertum, & super Lectionarium, vel Breuiarium aperiatur. Completis versiculis tertij Nocturni, factaque absolutione exeat Diaconus, vel Sacerdos ex iunioribus alba stola ad modum Diaconi, & albo pluuiali indutus, & ante cum ceroferarij cum luminaribus, duo alij superpelliceo ornati cum intortitijs accensis, & Acholitus cum incenso, & thuribulo. Ad Lecturinum peruentus, hinc inde adstantibus luminaribus dicat: *Inbe Domne benedicere.* Superiore ex choro respondente:

Euan.

Euangelica lectio &c. Deinde accepto thuribulo ter librum incensabit, & cantata Lectione ad chorum redibit. Idem ritus tenendus erit in Lectione secunda, vt scilicet alter eodem modo indutus, sed præter ceroferarios cum alijs quatuor intortitia accensa tenentibus ad Lecturinum adeat, & Lectionem decanter. Sic etiam in tertia Lectione, ad quam sex alij cum cereis interesse debent vltra ceroferarios. Peractis omnibus cantabitur; *Te Deum*, in cuius fine Sacerdos missam cantaturus cum ministris è choro egressus ante maius altare stans orationem *Concede* &c. dicat, & post *Benedicamus Domino* ad se pro missa parandum ad Sacrifitiam reuertatur.


3 Poterunt etiam hac nocte Laudes solemniter cantari, & tunc ea omnia exequenda sunt, quæ in Vesperis solemnibus cum incensatione Altaris ad *Benedictus*.





RITVS V.

Vesperas solemniter celebrandi.

I  **D** Vesperas solemniter celebrandas procedet Celebrans de Sacrastia ad Altare pluuiali indutus; (*Cerem. Ordinis. Praxis Sac. Rit. & Cerem.*) præcedentibus duobus ceroferarijs cum candelabris, & cereis accensis, deinde Acholito, seu Thuriferario, postea Cantoribus pariter pluuialibus ornatis mediuni habentibus Celebrantem, si locus paritur, fimbrias anteriores pluuialis eius eleuantibus capite recto, vel manibus iunctis ante pectus. Cum peruenerint ad infimum gradum Altaris ceroferarij omnium postremi hinc inde à lateribus stabunt, Thuriferarius à dextris primi ceroferarij, in eorū medio Cantores, inter Cantores medius Celebrans, simulq; omnes capite detecto genuflectent in eodem gradu parumper orantes, postea surgent, & profundè inclinati Sacerdos versus Altare, Cantores, & Acholiti è regione paululum retro celebrantem dicent; *Pater noster*, & *Aue Maria*; quibus secretò dictis, & omnibus ad Altare conuersis Sacerdos clara, & competenti voce cantabit: *Deus in adiutorium* &c.

2 Alter etiā in Vesperarum solemnium intonatione seruatur ritus, quod facta Altari reuerentia, seu genuflectione Sacramento, Celebrans cum ministris accedunt ad parata scamna in cornu Epistolæ, ita vt Celebrans sedeat altius, puluino saltem supposito, & ibi dicto: *Pater noster*, & *Aue Maria*, Vesperas incipit dicens, *Deus in adiutorium*, &c.

3 Ceroferarij dum dicendum erit: *Pater noster*, collocabunt candelabra super vltimum Altaris gradum, vel super planum Cappellæ, nec prius resument quin: *Gloria Patri* à choro cantatum sit. His peractis si ad Altare inchoatæ sunt Vesperæ completo *Gloria Patri* &c. vsque ad *Sicut erat*; & reassumptis à ceroferarijs candelabris

labris procedet Celebrās cum Cantoribus ad chorum, & in medio sistens, à latere ministris adstantibus primam cantabit antiphonā sibi à Cantoribus annuntiatam, qua resumpta, & finita à choro, & primo versu Psalmi à Cantoribus incepto, deponant ceroferarij candelabra, item Celebrans cum Cantoribus pluuialia, & quisque paratam occupabit sedem, itaut Celebrans primum habeat chori subsellium, lateralia verò, ac inferiora ministri.

4 Si verò in cornu Epistolæ inceptæ sint Vesperæ dicto *Gloria Patri* &c. Præintonatur Celebranti ab vno ex paratis initium primæ antiphonæ cum debitis reuerentijs Altari, & Celebranti ante, & post, qua intonata à Celebrante, & à choro cantata, inchoatur Psalmus à Cantoribus, & sedent omnes post medium versum primi Psalmi capite operto, sed aperiuntur capita, & inclinatur profundè ad *Gloria Patri* &c.

5 Cantores in choro antiphonas dignioribus alternatim annuntiabunt, vt moris est, & versus finem vltimi Psalmi tum ceroferarij candelabra, tum Cantores, & vltimo Celebrans (si nempè sint in choro) pluuialia reassument. Deinde completa antiphona Sacerdos in medio stans tenente librum Thuriferario Capitulum cantabit detecto capite, manibusq; iunctis, adstantibus hinc inde Cantoribus, & ceroferarijs. Dicto Capitulo Thuriferarius ad Sacristiam se conferet ignem, & alia pro incensatione paraturus, & ceroferarij candelabra deponent. Post hæc vel ipse Celebrans, vel Cantores Hymnum intonabunt, in quo si genuflectendum sit, hoc non præstabunt in ipsa Hymni intonatione, sed post. Tandè Hymno dicto Cantores in medio chori versum cantabunt, & ceroferarij candelabra de loco accipient.

6 Cùm verò ad Altare celebrantur Vesperæ Acholiti vnà cum candelabris, & cereis accensis, item ministri accedent ad Celebrantem cum debitis reuerentijs, & Celebrans post vltimam antiphonam surgit, & detecto capite cantat Capitulum manibus iunctis, cui vnus ex ministris præintonat initium Hymni, quod ille cantat, & sic vsque ad finem stat, recedentibus prædictis ad loca sua, Acholitisq; deponentibus sua candelabra. Post Hymnum cantatur versus à duobus ex paratis ministris in medio Altaris, præcedentibus, & subsequentibus consuetis genuflexionibus, & reuerentijs.

7 Completo in choro versu antiphonam ad *Magnificat* sibi à Cantoribus prænuntiata; inchoabit Sacerdos, qua finita, & incepto à Cantoribus cantico, factoq; sibi Celebrans signo Crucis à fiō. te ad pectus vadit ad Altare cum ministris capite tecto præcedentibus inclinationibus ad vtramque chori partem. Exinde facta Altari genuflexione, ascendit, & illud osculatur in medio remanentibus ceroferarijs in plano, & mox vertens se ad cornu Epistolæ, ministrantibus nauculam altero ex paratis, Thuribulum Thuriferario imponit thus, benedicit, & incensat Altare eo prorsus modo, quo fieri solet initio Missæ, sed sine Psalmo: *Dirigatur* &c. Incensato Altari Celebrans reddet Thuribulum Cantori, & Cantor Thuriferario, & facta Altari, quod tunc non osculabitur, reuerentia descendet ante infimum gradum Altaris cum Cantoribus, vbi triplici ductu incensabitur à primo Cantore, vel Thuriferario, versa facie ad parietem in cornu Epistolæ, Cantores duplici ductu singillatim à Thuriferario, chorus triplici in communi, vel singillatim duplici, vel etiam vnico, ceroferarij vno, populus triplici, in medio scilicet, à dextris, & à sinistris tam chori, quam populi; quo facto Acholitus Thuribulum reponet, & librum orationis, seu manuale parabit pro oratione suo tempore dicenda.

8 Idem ritus incensandi Altare seruandus erit si extra chorum maneant ministri in Vesperarum celebratione, cum hoc solum discrimine, quod peracta incensatione Altaris reuertuntur omnes cum debitis reuerentijs ad loca sua, vbi sit Celebrantis, & ministrorum incensatio modo dicto. Quæ incensatio semper cessare debet ad *Ÿ. Dominus vobiscum*; sed ad *Gloria Patri* conuenit pausam facere, & caput inclinare.

9 Si aliud Altare incensandum est, puta Sanctissimi Sacramenti, quod more Almæ Urbis incensandum est priusquam Altare ad quod Vesperæ fiunt, seu alterius Sancti, pro more locorum procedunt Acholiti, & alij parati, vt initio Vesperarum, & celebrans ea omnia facit, quæ in incensatione Altaris fiunt, excepto, quod non ponit incensum in thuribulo, nisi opus sit.

10 In fine vltimi versus Cantici Ceroferarij candelabra deponent, nec reassument quoadusque intonatum fuerit: *Sicut erat in principio* &c. Tunc reassumptis candelabris, & repetita antiphona tenen-

tenentibus librum Cantoribus, vel Acholito (nisi sit positus super legile) stans versus Altare manibus iunctis celebrans cantabit *Dominus vobiscum* cum oratione. Dum Sacerdos dicit orationes Ceroferarij stabant ante illum versis vultibus ad inuicem, quasi è regione donec orationes compleuerit; & dicto vltimo *Dominus vobiscum*; locum suum repetent, nec se inclinabunt dum dicetur prima oratio, sicut cantores, & Thuriferarij inclinent.

11 Pariter Celebrans si sit in loco in cornu Epistolæ cum repetitur Antiphona sedet cum ministris, interim Acholiti cum candelabris, & ministri parati accedunt ad Celebrantem, qui finita antiphona surgit cum alijs, & aperto capite, Ceroferarijsque stantibus versa facie ad inuicem stans versus Altare iunctis manibus cantat: *Dominus vobiscum*, cum orationibus, & commemorationibus, si quæ sunt, & vltimo *Dominus vobiscum*; quo completo recedunt Acholiti, & duo ex cantoribus accedunt ad Altare, vbi cantant: *Benedicamus Domino*; deinde redeunt ad celebrantem, qui demissiori voce addit: *Fidelium anima* &c. postea antiphonam B. M. Virginis stans, vel genuflectens cum reliquis vsque ad finem Vesperarum. Sicque omnes ordine, quo venerunt redeunt ad Sacristiam.

13 Cum vero Celebrans orationes dicit ante Altare vt supra num. 10. peracta prima oratione, si quæ sunt commemorationes fiunt, & cantores dicunt versiculos; omnibus vero completis iidem cantores propius Altari accedentes cantant: *Benedicamus*; & Sacerdos subdit: *Fidelium* &c. cum reliquis vsque ad finem Vesperarum.





RITVS VI.

In choro Missa Conuentuales.

i **A**D missam conuentualem canendam, (*Constit. cap. 6. Rubr. 1. cap. 4.*) quæ quotidie ubi est sufficiens numerus Fratrum cantari debet, omnes, & Clerici stabunt ante librum, vel in locis suis vultibus è regione conuersis ad Introitum, *Kyrie eleison*, *Gloria in excelsis*, *Graduale*, *Alleluia*, *Versum*, *Tractum*, *Credo*, *Offertorium*, *Sanctus*, *Agnus Dei*, & *Communionem*.

2 Mediocriter inclinabunt ad illa verba Hymni Angelici: (*Cerem. ordinis*) *Gloria in excelsis: Iesu Christe: Adoramus te: Gratias agimus: Suscipe deprecationem nostram.* Ad illa Symboli: *Credo in unum Deum: In unum Dominum Iesum Christum: Simul adoratur.* Ad illa Præfationis: *Gratias agamus Domino Deo nostro.* Et generaliter inclinabunt profundè ad ea omnia, quæ ritu primo nominauimus, puta *Gloria Patri*; nomen *Iesu*, *B. M. Virginis*, & *Sancti*, cuius festum colitur, item ad primam orationem &c.

3 Genuflectendum ad illud Introitus missæ votiux de *B. M. Salue sancta parens*; ad illud missæ de Spiritu Sancto: *Veni Sancte Spiritus*; ad illud tractus ferialis *Quadragesimæ: Adiuvā nos Deus*; ad illa verba Epistolæ in Dominica Palmarum: *Ut in nomine Iesu omne genuflectatur*, & quoties in missali notatur genuflexio, vt ad hæc verba: *Procidens adoravit eum. Proidentes adorauerunt eum. Ex Maria Virgine, & Homofactus est. Verbum caro factum est. Emisit Spiritum*, & similia.

4 Item à prima eleuatione Sanctissimi Sacramenti vsque ad *Per omnia ante Pater noster*. In missis vero Feriarum Aduentus, Quadragesimæ, Quatuor Temporum, Vigiliarum. Sic in missis Defunctorum genuflectendum est, dum dicuntur orationes ante Epistolam, & post Communionem, & super Populum in Quadragesima.

ma . Item dicto per Celebrantem *Sanctus*, vsque ad *Pax Domini* exclusiue exceptis Vigilijs Paschæ, Ascensionis, Pentecostes, Natiuitatis Domini, Epiphaniæ, & quatuor Temporibus Pentecostes, in quibus genua tantum flectuntur à prima eleuatione Sanctissimi Sacramenti vsq; ad *Per omnia*, vt supra . Laudabile est etiam flectere genua ad Benedictionem Sacerdotis in fine Missæ .

5 Non flectant genua Fratres ad orationes, quæ præcedunt Prophetias siue vna, siue plures dicantur, sed tantum ad illa verba: *Flectamus genua . Leuate* . Quibus dictis stant erecti versus Altare vsque ad finem orationis . Lector vero Prophetiæ quando immediate post Prophetiam Sacerdos dicturus est . *Oremus: Flectamus genua* prope legibile genua flectat .

6 Signare se debent signo Crucis Fratres ad missæ Introitum; in fine Hymni Angelici ad illa verba *cum Sancto Spiritu*; in fine Symboli ad illa: *Et vitam venturi seculi* . Ad *Benedictus*, qui venit in nomine Domini; ad vltimam benedictionem in fine missæ; & ad vtrumq; Euangelium .

7 In semiduplicibus, vel simplicibus, item in Dominicis, & Ferialibus vnicus Cantor intonabit Introitum, Psalmum, *Kyrie*, & *in terra pax*, Graduale, *Alleluia*, Tractum, *Patrem omnipotentem*, Offertorium, *Sanctus*, *Benedictus*, *Agnus Dei*, & Communionem, & hoc idem in missis Defunctorum, præterquam in die Commemorationis omnium Fidelium Defunctorum, in qua missa à duobus intonanda est . Ceterum in duplicibus duo Cantores omnia prædicta exequentur .





RITVS VII.

A Clericis in Missa solemnī ad Altare seruandus.



ANtequam Ministri exeant de Sacristia, ponet Celebrans incensum in thuribulo sibi à thuriferario ministrato, exinde facta Cruci, vel Imagini inclinatione, hoc ordine procedent, vt Thuriferarius ceteros præcedat, postea Ceroferarij cum candelis accensis, & deinde alij. (*Cerem. ordin.*) Cum ad Altare peruenerint Thuriferarius transsit ad cornu Epistolæ, & ibi se sistit in plano versus cancellos, primus Ceroferarius à dextris eius, secundus ante cornu Euangelij. (*Ritus Sacri*) Facta reuerentia Altari, seu genuflexione, statim Ceroferarij candelabra hinc inde super anteriora credentiæ cornua collocabunt, vel in plano Altaris si credentia desit, ibique manibus iunctis, & facie ad altare conuersa genuflexi, manebunt donec Celebrans ad Altare ascendat, locus enim eorum ordinarius est prope credentiam. Pariter Thuriferarius deposito thuribulo, vel dato alicui extra Altare, qui tempore suo ferat illud cum carbonibus accensis, stabit cum Ceroferarijs prope credentiam genibus flexis. Poterit etiam ipsemet retinere thuribulum, vt sit multis in locis. Interea dum fit confessio Ceroferarij signant se, percutiunt pectus, & non inclinant, nisi ad nomina *B. Mariæ*, & ad *Tibi pater*, & *Te pater*.

2 Facta Confessione, & ascendentibus ministris surgunt, & ipsi, ibidem manendo cum brachijs super pectus positris; Thuriferarius vero accepta nauicula porrigit illam Diacono, deinde offert Celebranti thuribulum, tenens illud, dum ponit incensum, & postea accepta nauicula de manu Diaconi sine osculis dat eidem thuribulum clausum. Dum fit incensatio in cornu Epistolæ, Thurifera-

rius

rius deposita naucula librum accipit cum puluino, & cornu incensato illud reponit. Dum Celebrans incensatur à Diacono, Thuriferarius stat à dextris paululum retro, & cum eo se inclinat prius, & post. Thuribulum autem à Diacono redditum cum naucula, super credentiam ponit, vel in Sacristiam deferit, & rediens stat in plano in latere Epistolæ prope credentiam, vbi locus eius ordinarius est.

3 Ad *Gloria in excelsis* postquam Celebrans cum ministris ad sedendum se contulerit etiam Acholiti in humiliori scamno facie ad Altare versa sedent; & in fine Hymni priusquam cæteri surgunt, & manent stantes versus Altare, dum orationes dicuntur. Circa finem ultimæ orationis, Thuriferarius accipit librum Epistolarum de credentia, deferit aliquantulum ante pectus eleuatum, & tradit subdiacono sine osculis stante in loco suo; qui accepto libro vadit per planum ad medium Altaris ab ipso Thuriferario, vel altero ex ceroferarijs comitatus, vbi facta in infimo gradu, & in plano ab Acholito genuflexione accedit ad partem Epistolæ contra Altare, & cantat Epistolam assistente à sinistris eius eodē Thuriferario aliquantulum retro, qui cum eo se inclinat, & genuflectit, & in fine respondet *Deo gratias*. Finita Epistola post manus Celebrantis osculationem à Subdiacono factam, redditur Thuriferario liber, qui in credentia reponit, & thuribulum cum igne reasumit.

4 Post Epistolam Ceroferarij accipiunt de credentia candelabra, & facta in plano genuflexione, vel reuerentia, ibi expectant, donec Diaconus procedit ad cantandum Euangelium, cui præcedunt & alter à dextris, alter à sinistris subdiaconi stabunt, dum canitur Euangelium, abque eo, quod vsquam genuflectant, vel moueantur. Thuriferarius vero post Epistolam, lecto etiam à Celebrante Euangelio portabit thuribulum in manu dextra, & nauculam in sinistra porrigens Diacono, & thuribulum tenens, dum à Celebrante imponitur incensum. Quo facto præcedit cum acholitis Diaconum Euangelium cantaturum, cui pro incensatione libri, dictis verbis: *Sequentia Sancti Euangelij* &c. illud stans à sinistris porrigit, hoc modo, vt summitatem catenularum illi in sinistra manu exhibeat, easdem vero prope thuribulum in dextera, &
hoc

hoc absq; osculis, vel reuerentijs, quæ solum debentur Celebranti. Reddito Thuriferario thuribulo, dum canitur Euangelium stabit Thuriferarius post Diaconum à sinistris eius, & leuiter agitat thuribulum, eleuata aliquantulum operculi catena, ne ignis extingatur.

5 Ceroferarij finito Euangelio sine mora deponent candelabra super credentiam. Thuriferarius vero tradit Thuribulum Diacono, qui cum incensauerit Celebrantem illud Thuriferario reddit, hic autem deponit in credentia Thuribulum, & stans ibi manet. Cum dicitur *Credo* possunt sedere modo dicto ad *Gloria in excelsis*; & tunc post: *Et incarnatus est* &c. Thuriferarius, vel primus ex ceroferarijs associabit Diaconum ad credentiam, eiq; bursam dabit ad Altare deferendam, non tamen Diaconum ad Altare comitabitur, sed stans remanebit in plano; postquam autem Diaconus ad sedem redierit, ipse quoque loco suo sedere poterit.

6 Ad Offertorium alter ex ceroferarijs comitabitur Subdiaconum cum vadit ad credentiam, illum coadiuuando in regendis sibi humeris cum velo, & sequitur illū vsque ad Altare. Exinde Thuriferarius sumit thuribulum, & peracta oblatione porrigit nauiculam Diacono, & thuribulum Sacerdoti, qui posito in eo incenso de more oblata, & Altare incensabit. Interim Thuriferarius deposita nauicula super credentiam ei reddita à Diacono, amouebit de Altari, & reportabit librum, quando opus erit.

7 Postquam Celebrans incensatus fuerit, ceroferarij cum debitis reuerentijs, & cum quasi osculis ampullæ, & manutergij stantes non genuflexi ministrabunt cum peluicula ampullam aquæ, & manutergiū Celebranti ad *Lauabo*. Interim Diaconus incensat chorum præcedente thuriferario, & se inclinante cum illo, qua incensatione peracta, ipse accipit de manu Diaconi thuribulum, vt illum incenset, deinde Acholitos stantes ante credentiam sine mora, postea populum modo inferius notando.

8 Circa finem Præfationis ceroferarij accendunt intortitia lumen accipiendo non ex Altari, sed ex credentia. Ad *Sanctus* non inclinant, sed ad *Benedictus* se signant, & campanulam pulsan. Post *Benedictus* genuflectunt, & si ipsi tenent intortitia in eleuatione Sanctissimi Sacramenti pariter cereos eleuabunt. Ad eleuationem

tionem ipse Thuriferarius ponet thus in thuribulum, & incensabit ter Hostiam, & ter Calicem (pulsante campanula vno ex ceroferarijs) deinde ad Sacristiam thuribulum reportabit. Surgent etiā ceroferarij, nisi teneant intortitia, & in loco suo stantes manebunt.

9 Versus finem orationis Dominicæ accedunt ceroferarij ad Subdiaconum, à cuius humeris velum amouent, plicant, & in credentia reponunt; si absint, hæc eadem peraget Thuriferarius. Postquam Subdiaconus à Diacono pacem acceperit, vnus acholitorum illum comitabitur ad pacem dandam ijs, quos incensauit Diaconus. Alter deferet sine genuflexione ampullas ad Altare, cum peluicula, quos sine osculis Subdiacono porriget, & referet ad credentiam, ille vero qui comitatus fuit Subdiaconum portabit velum calicis ad cornu Euangelij, vt Subdiaconus calicem regere possit. Exinde ab ijsdem extinguuntur intortitia, vel ministri ea retinentes recedant, & Ceroferarij ad locum suum redibunt, vbi stabunt vsque ad Benedictionem erecti, ad quam genuflexi signo Crucis se muniunt; Si vero Ceroferarij absint vices eorum supplet Thuriferarius ministrando ampullas, & cereos extinguendo.


10 Sub fine vltimi Euangelij Ceroferarij candelabra sua accipiunt de credentia cum cercis accensis, & facta genuflexione Altari, modo quo venerunt, completa missa, cum cæteris ministris ad Sacristiam reuertuntur.

11 In Missa solemnī Defunctorum Thuriferarius procedit sine thuribulo, & nauicula iunctis manibus ante pectus. Ceroferarij more solito deferunt cereos ad credentiā, & accensos relinquunt per totam missam. Ad Euangelium Ceroferarij stant manibus iunctis prope Diaconum. Thuriferarius vero ad credentiam facie versa ad Diaconum. Ad absolutionem post missam præcedit Thuriferarius cum thuribulo fumigante comitatus ab alio acholito cum vasculo aquæ benedictæ, & aspergillo, deinde Subdiaconus paratus cum Cruce, medius inter Ceroferarios cum candelis accensis, cum illisq; stabit ad pedes lecticæ, seu tumuli, & peracta absolutione redeunt modo, quo venerunt.



RITVS VIII.

Subdiaconi in Missa solemni.

1  Tans Subdiaconus à sinistris Celebrantis cum ipso confessionem facit se signando, & inclinando secū. Ascendit cum eodem ad Altare vbi genuflectit, sustinendo fimbrias Sacerdotis ex parte sua. Cum sit incensatio ad Introitum, ipse stat à sinistris celebrantis dextera eleuando eam Planetiæ partem, quæ est circa brachia ipsius celebrantis, vt non impediatur, & sinistram super pectus ponit. Genuflectit semper cum celebrante, & complota thurificatione descendit absque vlla reuerentia ante cornu Epistolæ vbi manet, dum Diaconus incensat Celebrantem. Dum legitur Introitus, Subdiaconus stat à dextris Diaconi; dum dicitur *Kyrie* recedit post Diaconum, & cum Celebrans accedit in medium, vt dicat *Gloria in excelsis*, ipse pariter accedens, stat post Diaconum formando lineam rectam. Intonato Hymno genuflectit, & ascendit ad Altare manens à sinistris Celebrantis, cum quo submissa voce Hymnū dicit, semper se inclinando, & signando tempore debito. Si sedendum est præcedit celebrantem ad paratam sedem, per viam breuiorem, se conducendo, & hic ordo seruandus est etiam in *Credo*.

2 Cum dicitur *Dominus vobiscum*, Oratio, Præfatio, & *Pater noster* stat semper post Diaconum in plano Capellæ, sicuti Diaconus à dextris Celebrantis. Circa finem vltimæ orationis, accipit librū Epistolarum ab Acholito, quem defert ante pectus, & vadit per planum ad medium Altaris, vbi facta genuflectione redit ad cornu Epistolæ, & Epistolam cantat; qua absoluta facta iterum genuflectione in medio Altaris reuertitur ad Celebrantem, & genuflexus in supremo gradu Altaris osculatur eius manum libro superpositā, & ab eo benedicitur, præterquam in missis Defunctorum.

3 Osculata manu Celebrantis, & libro tradito Acholito Subdia-

dia;

diaconus celebrantis defert missale ad latus Euangelij, & ibi ministrat Celebranti, dum Euangelium legit, respondendo in fine: *Laus tibi Christe*. Postea descendit in planum stans à tergo Celebrantis ante missale inter cornu Euangelij, & medium Altaris constituto. Hora debita facta genuflexione procedit ad locum, ubi cantari debet Euangelium, accipit librum à Diacono, eumque ambabus manibus apertum sustinet ante pectus, nec unquam se inclinat, vel genuflectit, quia immobile legile repræsentat. Finito Euangelio tenens adhuc librum apertum nulli se inclinando, neque Altari, offert Celebranti osculandum in loco ubi est principium Euangelij postea librum Acolito reddit.

4. Ad *Credo* ea omnia præstat, quæ ad *Gloria in excelsis*. Dicto *Dominus vobiscum*, & Oremus, genuflectit, & præcedente Acolito accedit ad credentiam, & ab eodem super eius humeros velo sericeo imposito, accipit sinistra calicem de credentia, cum patena, & Hostia coopertum palla, & velo à collo sibi pendente (cum calicis velum super credentiam relinqui debeat) dextera superposita, per viam breuiorem ad Altare accedit, & eum porrigit Diacono, qui accepta patera cum Hostia offert celebranti, & interim Subdiaconus extergit calicem, & tradit Diacono, porrectoq; ei vini vrceolo, accipiens ampullam aquæ, & ostendens celebranti dicit: *Benedicite Pater Reuerende*, à quo super eam facto signo Crucis, ipse paululum aquæ infundit in calicem, & accepta à Diacono patena, quam cooperit velo ab humeris pendente, vadit post celebrantem in medio Altaris, & facta genuflexione ibi stat sustinens eam eleuatam usque ad finem orationis Dominicæ. Et cum Celebrans dicit: *Orate Fratres*, ipse respondet: *Suscipiat &c.*, & cum à Diacono incensatur, conuersus ad illum caput inciinat.

5. Versus finem Præfationis ascendit ad sinistram Celebrantis, cum quo dicit *Sanctus &c.* postea redit ad locum suum post Celebrantem, facta genuflexione. Ad eleuationem Sanctissimi Sacramenti genuflectit super infimum Altaris gradum à sinistris, & completa eleuatione reuertitur ad locum suum. Circa finem *Pater noster* stans in cornu Epistolæ porrigit patenam Diacono, & deposito velo, descendit retro post Celebrantem. Cum dicitur: *Pax Domini* iterum genuflectens ascendit Altare ad sinistram celebrantis,

tis, & simul cum eo prosequitur *Agnus Dei* postea facta genuflexione recedit post celebrantem. Accipit patem à Diacono respondendo: & cum spiritu iuo, & facta genuflexione, comitatus ab Acholito, vadit ad chorum, dat pacem singulis à dignioribus incipiendo; & tandem reuersus ad Altare ipsi Acholito. Pergit deinde ad dexteram Celebrantis, & quando opus est discooperit calicem, acceptaq; ampulla vini ab Acholito vinum pro purificatione ministrat cum debitis osculis, & reuerentijs.

6 Post purificationem vadit ad cornu Euangelij cum debita genuflexione, & calicem aptat, & vestit illum proprijs manibus deferendo ad credentiam, vel ponendo in medio Altaris. Si dicendum est Euangelium non consuetum transfert Librum, & ad Benedictionem genuflectit super gradus à sinistris Celebrantis, & ibi stat erectus donec legatur Euangelium, quo lecto dicit: *Deo gratias*.

7 Cum nulla in missa sit credentia, Subdiaconus desert calicem ad Altare, vbi explicat corporale, & calicem in medio ponit, postea descendit ad confessionem faciendam, & ea omnia omittit, quæ circa credentiam fieri solent.

8 In missis Defunctorum non osculatur manus Celebrantis post Epistolam, nec ei post Euangelium librum offert osculandum. In fundendo aquam non petit Benedictionem, nec accipit à credentia calicem cum velo. Non tenet patenam post Celebrantem, nec respondit ad *Orate Fratres*, sed Diaconus dicit: *Suscipiat*. In elevatione genuflexus in cornu Epistolæ thurificat Sacramentum. Ad *Agnus Dei* non percutit pectus, calicem detegit cum opus, & desert Crucem ad tumulum medius inter Ceroferarios.



RITVS IX.

Diaconi in Missa solemni.

1 Acta à Celebrante confessione, cui Diaconus à dextris assistit, ascendit hic cum illo ad Altare, sinistra fimbriam eius Albæ, & vestimentorum eleuando, & ad Altare genuflectit. Accepta deinde à Thuriferario naucula parum inclinatus dicit Celebranti: *Benedicite Pater Reuerende*, & osculatur coclear, & manum Celebrantis ante & post; sic facit, dum Celebranti porrigit thuribulum, osculando summitatem catenularum, & dexteram eius. In incensatione assistit à dextris eleuando planetam Celebrantis circa brachia. Accepto thuribulo à Celebrante, cum osculis manuum eius, catenularum, eum ter incensat, cum profunda capitis inclinatione ante, & post, & redit Acholito.

2 Ad introitum stat à dextris prope Celebrantem, sic ad *Kyrie Eleison* ei alternatim respondendo. Ad intonationem. *Gloria in excelsis* se ponit à tergo Celebrantis in secundo Altaris gradu; & hoc idem præstat ad *Credo*, *Dominus vobiscum*, orationes, Præfationem, & *Pater noster*. Intonato *Gloria*, facta genuflexione ascendit ad dexteram Celebrantis, & submissa voce cum eo dicit Hymnum, & hoc idem facit ad *Credo*. Si sedendum est de more sedet à dextris Celebrantis. Cum ante orationem dicendum est *Flectamus genua*; primus omnium Diaconus post celebrantem genuflectendo illud intonat, & subdiaconus respondet *Leuate*. Semper cum ascendit ad Altare sine Celebrante, facit in loco suo genuflexionem; inclinat etiam, & signat, cum inclinandum, & signandum est.

3 Dum Subdiaconus cantat Epistolam ipse stat à dextris Sacerdotis vsq; quo Sacerdos compleuerit Graduale cum Tractu, vel *Alleluia*, vel Sequentia. Quibus finitis, & data à Sacerdote Be-

nedictione Subdiacono, dum Celebrans legit Euangelium, Diaconus nullo comite defert librum Euangeliorum in medium Altaris quasi iacentem; quod si calix in Altari positus est, librum prope ipsum collocat ex parte Epistolæ; deinde accedit ad sinistram Celebrantis legentis Euangelium, quo lecto ministrat nauiculam ipsi Celebranti, qui ponit incensum in thuribulo à Thuriferario exhibito. Post hæc Diaconus genuflexus super primum gradum Altaris iunctis manibus dicit: *Munda cor meum* &c. mox surgit, & accipiens librum Euangeliorum de Altari petit benedictionem à Celebrante dicens: *Iube Domne* (non Domine) *benedicere*; & accepta benedictione manū Celebrantis supra librum positam osculatur. Quo facto portans librum clausum ante pectus, ad locum se confert versus Aquilonem contra Altare, .s. vt nec terga vertat Altari, nec populo, vbi tenente Subdiacono librum iunctis manibus dicit: *Dominus vobiscum*; cum dicit *Sequentia*, vel *Initium* signat librum in principio Euangelij, postea frontem suam, os, & pectus. Exinde accepto thuribulo ter librum incensat, .s. in medio, à dextris, & à sinistris, & reddito thuribulo iunctis manibus prosequitur Euangelium; Ad nomen *Iesus* caput inclinans, & si sit genuflectendum, versus librum genuflectens. Terminato Euangelio ter celebrantem incensat, & statim vadit post eum, dum intonat *Credo*, vel *Dominus vobiscum*.

4 Cum in Symbolo cantatum fuerit: *Et incarnatus est* &c. si fiat credentia, per viam breuiorem ad eam accedit, accipit bursam cum corporali intus, quam ad oculos vsq; eleuatam, ambabus manibus portat, & ad Altare ascendens sine vlllo comite, facta prius genuflexione, explicat corporale, & extendit in medio Altaris, collocans Bursam ex parte Euangelij, & redit ad Celebrantem breuiori via. Si non dicitur *Credo* Subdiaconus defert Bursam simul cum calice.

6 Ad offertorium scilicet dicto *Oremus*, accedit Diaconus ad cornu Epistolæ, amouet calicem si est in Altari, vel si est in credentia, accipit eum de manu Subdiaconi, detegit, & dat patenam cū Hostia Celebranti, osculando eius manum; & accepta ampulla vini da manu Subdiaconi sine osculis imponit vinum in calicem, manu sinistra illum per nodum tenens, & infusa aqua de more à Sub-

Subdiacono, illum tradit Celebranti, & pedem calicis tangens seu brachium dexterū Celebrantis sustentans cum eo dicit: *Offerimus* &c. quem postea positum in Altari palla cooperit. Ponit deinde patenam in manu Subdiaconi stantis in cornu Epistolæ, quam cooperit extremitate veli ab eius humero pendentis.

6 Dicto: *Veni Sanctificator* &c. fit incensatio ministrante Diacono nauiculam, tenente manu dextra pedē calicis, dum incensatur oblata, amouente ipsum calicem ad partem Epistolæ (non tamen extra corporale) cum incensatur Crux, & postea reponente in suo loco, cum sinistra vero semper eleuatam tenente Planetam. Finita incensatione Altaris triplici ductu Diaconus Celebrantem incensat, deinde duplici ductu chorum, inclinans caput omnibus ante, & post, ultimo loco Subdiaconum tenentem Patenam, & reddito thuribulo Thuriferario, ipse ab illo incensatur; postea vadit retro post celebrantem in loco suo, ibi stans vsq; ad finem Præfationis, in cuius fine ante *Sanctus* accedet ad Altare, & recitat cum celebrante vsque ad Canonem. Deinde retrahit se ad sinistram Celebrantis ei assistens, dum dicitur Canon vertens folia, & dicenda ipsi indicans.

7 Cum Celebrans dicit: *Quam oblationem* &c. ipse accedit ad eius dexteram, & ibi in superiori gradu genuflexus cum Sacramentum eleuatur simbrias planetæ eleuat, nunquam tamen eam deosculando, & quando opus est se erigans, calicem discooperit, & operit, ac cum Celebrante genuflectit, repositoq; calice redit ad librum: Cum Celebrans dicit: *Per quem omnia* &c. Diaconus facta Sacramento genuflexione accedit ad dexteram celebrantis, & quando opus est discooperit calicem, & cum Celebrante adorat, similiter cooperit, & iterum genuflectit.

8 Ad *Pater noster* vadit retro post celebrantem facta prius genuflexione. Ad illa verba: *Et dimitte nobis* &c. accipit in cornu Epistolæ Patenam à Subdiacono, & purificatorio abstergens dat illam Celebranti illius manum osculando, & quando opus est discooperit, & cooperit calicem, & cum Celebrante adorat signando se signo crucis ad illa verba: *Da propitius pacem* &c. Dicto *Agnus Dei*, in quo inclinatus percutit sibi pectus cum Celebrante, non tamen sinistra cum eo posita super Altare, sed infra pectus, genu-

flexus expectat pacem, & cum Celebrans osculatur Altare ipse se erigens, simul osculatur illud extra corporale, & ab eo dicente: *pax tecum*, complexus, accipit pacem sinistris genis sibi inuicem appropinquantibus, & ei respondet: *Et cum spiritu tuo*. Diaconus accepta pace, dat eam Subdiacono, postea facta genuflexione vadit ad Librum, & dum celebrans se communicat stat profunde inclinatus versus Altare, & nisi subdiaconus adsit, ipse tunc discooperit calicem.

9 Peracta communione Diaconus deferat clausum librum missalis ad cornu Epistolæ, & aperit, deinde vadit retro post celebrantem, dum dicit: *Dominus vobiscum*, & orationes, & cum dicturus est: *Ite missa est* cum Celebrante vertit se ad populum, facta prius genuflexione; Tempore vero Quadragesimæ ad: *Humiliate capita vestra Deo*; pariter vertit se ad populum, sed manet in cornu Epistolæ, nec ullam facit genuflexionem. Ad benedictionem Diaconus genuflectit in eodem gradu cum Subdiacono, sed a sinistris eius, & signat se signo crucis; Benedictione accepta accedit ad Celebrantem stans quasi medius inter ipsum, & Subdiaconum usque ad finem missæ.

10 In missa Defunctorum nunquam Diaconus osculatur manū Celebrantis, non ministrat incensum ad Introitum, non petit benedictionem ad Euangelium, non incensat librum, vel Celebrantem post dictum Euangelium, quem tamen incensat post incensationē oblatorum, sed non alios. Ad *Agnus Dei* non percutit pectus, neque accipit pacem. Ad illa verba in fine sequentiæ: *Oro suppl. & acclimis &c.* accipit missale, super Altare reponit, & genuflectus dicit: *Munda cor meum &c.* Respondet. *Suscipiat* dum Celebrans dicit: *Orate Fratres &c.* Circa tumulum, vel lecticam stat a sinistris Sacerdotis, ministrat nauculam pro impositione incensi porrigit aspersorium, deinde thuribulum, & comitatur Sacerdotem tenens eleuatam anteriorem partem Pluvialis, cum transit ante Crucem genuflectit, & ultimo librum tenet dum Sacerdos orationem dicit.

RITVS X.

*Celebrantis in Missa solemni. Vbi de Incensatione,
& modo dandi pacem, ac celebrandi coram
Sanctissimo Sacramento, Papa,
Cardinali, & Episcopo.*



QUAE ad Celebrantem attinent fusè in Rubricis Missalis exarata reperiuntur; quare in praesentiarum ea tantum adnotabimus, quæ in missa solemni aliquo peculiari ritu sunt exequenda.

2 Postquam igitur facta confessione Celebrans cum ministris, ad Altare ascenderit, & illud fuerit osculatus, subministrante Diacono nauiculam, & Thuriferario thuribulum, sumit Celebrans cochlear ex ea, & ter accipit incensum, & ter ponit in thuribulo dicens verba benedictionis: *Ab illo benedicaris* &c., & deposito cochleari, producens manu dextra signum Crucis super thus in thuribulo, illud benedicit. Incensat postea Altare, quod in duas partes diuiditur in planitiem, seu mensam, & in frontem, seu faciem; Planities est pars superior, seu tabula, frons verò anterior pars. Planities pariter diuiditur in partem posteriorem, quæ est prope candelabra, & anteriorem, quæ est prope faciem; Facies autem non amplius diuiditur. Incensat autem hoc modo, ut facta Cruci reuerentia, vel genuflexione, si adsit Sacramentum, eam ter incensabit nihil dicens, neque in tota hac incensatione. Deinde iterum facta genuflexione incensat Altare, incipiens in cornu Epistolæ, ubi triplici ductu in æquali distantia incensat partem posteriorem planities candelabris proximam (non candelabra, ut aliqui dicunt) usque ad finem cornu Epistolæ, ubi dimissa manu thurificat illius postremam partem inferiorem, mox superiorem bis ducto thuri-

bulo, & conuersus ad Altare eleuans manum incensat eius planitiem, seu mensam in parte anteriori ter ducens thuribulum linea transuersali, quasi per semicirculos vsque ad medium. Item facta reuerentia, vel genuflexione, procedendo thurificat aliud latus Altaris, nempe posteriorem planitieï partem triplici ductu vsque ad cornu Euangelij, & pariter incensata inferiori, & superiori parte ipsius cornu Euangelij duplici ductu, adhuc stans ibidem eleuans thuribulum ter incensat anteriorem planitieï partem linea transuersali quasi per semicirculos versus medium Altaris, vt fecit in cornu Epistolæ. Deinde manu aliquantum demissa incensat frontem Altaris ter ducens thuribulum, dum procedit à cornu Euangelij ad medium Altaris, vbi facta genuflexione, vel reuerentia, incensat pariter triplici ductu reliquam faciei partem vsque ad cornu Epistolæ, vbi reddit thuribulum ipsi Diacono, à quo ipse solus incensatur.

3 Si in Altari fuerint Reliquiæ, vel Imagines Sanctorum, incensata Cruce, antequam incenset Altare, & antequam discedat à medio, primum incensat eas, quæ à dextris stant idest à parte Euangelij prope Crucem, bis ducens thuribulum, & facta reuerentia de more similiter incensat bis alias, quæ sunt à sinistris, hoc est à parte Epistolæ; postea prosequitur incensationem, vt supra. Pro Imaginibus intellige statuas releuatas non pictas in pariete, quibus sicuti & reliquijs non inclinatur caput.

4 Post cantatam à Subdiacono Epistolam, versa facie Celebrans ad medium Altaris, stans in cornu Epistolæ porrigit illi manum super librum Epistolarum, vt eam osculetur, & illum (præterquam in missis Defunctorum) benedicit nihil dicens. Postquam ipse legerit Euangelium ponit incensum in thuribulum, & benedicit, vt in initio missæ; exinde benedicit Diaconum genuflexum ante Altare, manum dexteram osculandam super missali in eius manibus existente ponens, & dicit: *Dominus sit in corde tuo &c.* Dum Diaconus canit Euangelium, Celebrans retrahit se ad cornu Epistolæ, ibiq; stat versus Diaconum iunctis manibus; se signat de more, si inclinandum est caput inclinet versus Altare; in fine osculatur Euangelium sibi à Subdiacono porrectum, & incensatur.

5 Ad Offertorium dicto: *Veni Sanctificator*, Celebrans ministrante

frante Diacono nauculam, & dicente: *Benedicite Pater Reuerende*, ponit incensum in thuribulum dicens: *Per intercessionem &c.* producens signum Crucis super thus in thuribulo, deinde eo accepto, nullam faciens Cruci reuerentiam incensat oblata ter ducens thuribulum super Calicem, & Hostiam simul in modum Crucis, & ter circa Calicem, & Hostiam, scilicet bis à dextera eius ad sinistram, & semel à sinistra ad dexteram, dispensans verba hoc modo: In prima incensatione, *Incensum istud*; In secunda, *A te benedictum*; In tertia, *Ascendat ad te Domine*; In quarta, *Et descendat super nos*; In quinta, & sexta, *Misericordia tua*. Deinde facta reuerentia, vel genuflexione incensat Crucem, & Altare, vt supra dictum est, recitans verba, & distribuens in incensatione: *Dirigatur Domine oratio &c.* & cum reddit thuribulum Diacono dicit: *Accendat in nobis &c.* & incensatur ab eo, deinde alij, vt dictum est Ritu de Diacono num. 6.

6 In reliquis prosequitur Celebrans missam, vt in rubricis missalis: Dicta prima oratione ante communionem videlicet: *Domine Iesu Christe, qui dixisti &c.* & osculato Altari dat pacem Diacono sinistris genibus sibi inuicem appropinquantibus dicens: *Pax tecum*; & Diaconus dat Subdiacono; & hic alijs &c. Deferens tamen pacem, siue per osculum, siue per tabellam sacram, nulli faciet reuerentiam antequam pacem dederit, sed data pace reuerentiam facit iuxta recipientium qualitatem. Laicis per instrumentum datur Pax, singulis per osculum, & illis tantum datur, quos Diaconus incensauerit, qui tamen esse debent personæ valde insignes.

Reliqua, quæ ad Celebrantem, vel huiusmodi ritus pertinere possent à Ceremoniali ordinis anno 1651. Parisijs impresso ad satisfactionem haurire quisquis poterit.

7 Si solemniter contingat celebrari coram Sanctissimo Sacramento exposito sequentia sunt adnotanda. Primò, quod Celebrans quoties accedit ad medium Altaris, aut recedit à medio etiam vt se conuertat ad populum, vel transít ante medium Altaris toties genuflectat cum ministris. Secundò, quod Celebrans populum salutando nunquam terga vertat Sacraménto; sed in cornu Euangelij paulo distans à medio versus populū dicat, *Dominus*

vobiscum &c. & tunc ministri remanent in medio, & si Sacerdos redeat ad cornu Epistolæ ipsi facta genuflexione ipsum comitentur. Ad *Orate Fratres*, Sacerdos non perficiat circulum, sicut neque in Benedictione in fine missæ, & manus lauet in cornu Epistolæ facie aliquantulum versa ad populum. Sic Diaconus dicens, *Ite missa est*, stet extra medium terga vertens Celebranti stanti inter ipsum Altaris medium, & cornu Euangelij factis ab utroque debitis genuflexionibus; Subdiaconus verò non se moueat. Tertiò, circa incensationem Celebrans benedicit incensum sine osculis, & ante incensationem Altaris genuflexus cum ministris in supremo gradu Altaris incensat Sanctissimum Sacramentum triplici ductu. Ad oblationem, incensatis oblati, genuflexus cum Diacono à dextris Sacramentum incensat, deinde surrectus incensat Altare more solito. Cum incensandus est Celebrans descendit extra primum gradum, vel aliquantulum extra Altare in latere Epistolæ facie versa ad populum, non tamen vertendo terga Sacramento. Quartò, nunquam sedendum est exposito Sanctissimo, sed tunc Celebrans stet in medio Altaris cum ministris, qui stabunt retro eum quasi pares ex utroque latere aliquantulum distantes, Quintò, ad ultimum Euangelium non signatur Altare. Ad *Verbum caro* &c. fit genuflexio versus Sacramentum. In fine Celebrans, & Subdiaconus ad latus Euangelij, Diaconus ad latus Epistolæ facta in supremo gradu genuflexione, paululum se retrahentes ne terga vertant Sanctissimo descendant, & iterum facta in plano genuflexione recedant. In missis priuatis idem ritus seruandus erit, demptis ijs, quæ spectant ad ministros, & incensationem.

8 Si autem contingat celebrari coram Summo Pontifice, Cardinali, vel Episcopo loci (loquimur de missis priuatis, quia solemnes peculiare ritus requirunt, ut videre licet in Ceremoniali Episcoporum) Tunc Celebrans, si est coram Papa, sistit se ante infimū gradum Altaris à cornu Euangelij ante ipsum Pontificem, ubi genuflexus petit benedictionem; deinde versus ad Altare incipit missam, & minister stat in cornu Epistolæ. Si est coram Cardinali, vel Episcopo loci stans ante infimū gradum Altaris in cornu Euangelij profundè tantum inclinatur pro licentia celebrandi.

In Confessione, ubi dicitur, *Vobis Fratres, Vos Fratres*, dicere debet

debet, *Tibi Pater, Te Pater*, quod dicens coram Summo Pontifice genuflectit, alijs verò Prælati profunde inclinatur. Si fuerint plures Cardinales debet dici, *Vobis Patres, Vos Patres*, & minister semper dicit: *Tibi Pater, Te Pater*, aliquantulum conuersus ad Sacerdotem: Et finita confessione Sacerdos breuiori via pergit ad Altare.

Post Euangelium Liber deferitur ad Papam, Cardinalem, vel Episcopum pro osculo, & Celebrans non osculatur. Si fuerint plures æquales nulli datur, nec etiam Celebranti. Si inæquales datur digniori.

Minister daturus pacem genuflectit ad dexteram Celebrantis, porrigendo instrumentum osculandum ipsi Celebranti, tum facta genuflectione accedit ad Prælatum porrigens osculandum, facta tantum reuerentia post pacem datam unicuique, tergendolo velo tabellam pro qualibet vice.

Cum velit Celebrans dare benedictionem, dicto *Placeat*, dicit, *Benedicite vos omnipotens Deus*; & conuertens se ad Summum Pontificem genuflectit, ad Cardinalem, vel Episcopum capite inclinatur, quasi licentiam benedicendi petens prosequitur: *Pater, & Filii, & Spiritus Sanctus*, benedicendo stantes, ubi non est Pontifex, vel Cardinalis.

Finita missa coram Pontifice conuertens se ad illum facit reuerentiam cum genuflectione ex parte Euangelij; coram verò Cardinali sine genuflectione; vel accipit Calicem, & in plano conuertens se ad Prælatum profunde inclinatur, & capite cooperto discedit ab Altare.



RITVS XI.

*Processionis, & Stationum super sepulturas in die
Commemorationis omnium fidelium
Defunctorum.*

I N die Commemorationis omnium fidelium Defunctorum completis Laudibus mortuorum, vel missa, fit processio per claustrum, cæmeterium, & Ecclesiam, & loca, vbi sunt Defunctorum sepulcra tali ritu. Sacerdos stans in medio chori induit nigrum pluuiale, assistentibus ministris, quorum alter, scilicet Subdiaconus accipit crucem cum hasta, Diaconus autem librum tenet, & Sacerdoti semper assistit. Aderunt quoque duo Acoliti, quorum vnus vas habeat aquæ benedictæ cum aspersorio, alter autem thuribulum cum incensu. Tunc Cantores incipiunt responsoria mortuorum; puta: *Credo quod Redemptor meus &c. Qui Lazarum resuscitasti &c. Ne recorderis &c. Memento mei &c.* & dicto primo responsorio vsque ad versiculum saltem, subdunt ipsi Cantores *Kyrie eleison. Christe eleison. Kyrie eleison*, & statim Sacerdos dicit *Pater noster &c.* secreto. Interæa accipit aspersorium aqua benedicta humectatum, & aspergit comitante Diacono, & eleuante pluuiale à dextris; deinde accepto thuribulo incensat eodem ordine. Vel absque eo, quod Sacerdos ipse circumeat aspergendo, & incensando, facto cum aspersorio signo crucis super terram, & hoc idem cum thuribulo, relinquit aspersorium, & thuribulum Acolitis, qui circumcumeunt aspergunt, & incensant, ad Sacerdotem tandem se reducentes. Peracta aspersione, & thurificatione dicat Sacerdos.
V. Et ne nos inducas &c. R. Sed libera &c.
V. A porta inferi. R. Erue Domine animas eorum. V. Requiescant &c.
V. Domine exaudi orationem meam. R. Et clamor meus &c.

V. Da-

¶ *Dominus vobiscum. R. Et cum spiritu tuo.*

O R E M V S.

Deus, qui inter Apostolicos Sacerdotes famulos tuos Pontificali seu Sacerdotali fecisti dignitate vigere, presta quesumus, ut eorum quoque perpetuo aggregentur consortio. Per Christum Dominum nostrum. Amen.

¶ *Requiem eternam &c. R. Et lux perpetua &c.*

Cantores autem subdant. ¶ *Requiescant in pace. R. Amen.*
Et hæc erit prima statio.

2 His habitis incipiant Cantores reliquum Responsorij v. g. versiculum: *Qui venturus es &c.* vel responsum novum prout magis videbitur expedire, à Subdiacono eleuata Cruce, choro exeant Fratres omnes bini, & bini, tenentes in manu candelas accensas, & in fine Sacerdos cum Diacono, & Acholitis sistendo, vel in Sacrario, vel in vna ex claustris alijs, vel alio in loco, vbi sunt monumenta ad secundam stationem peragendam. Hic dicto *Kyrie eleison &c.* & omnibus alijs completis, quæ superius posita sunt huiusmodi à Sacerdote cantabitur oratio (*Missale Sancti Ord. S. Aug.*

O R E M V S.

Presta quesumus Domine animabus famulorum tuorum Pontificum seu Sacerdotum misericordie tue implorata clementia, ut eius in quo sperauerunt, & crediderunt æternum capiant te miscrante consortium. Per Christum Dominum &c. ut supra.

Eodem ordine prosequenda erit processio, & complendæ stationes, quæ plus, vel minus erunt iuxta numerum locorum, vbi defuncti in Domino requiescunt.

In tertia autem statione oratio erit.

O R E M V S.

Supplices Domine pro animabus famulorum, famularumque tuarum preces effundimus obsecrantes, ut quidquid conuersatione contraxerunt humana, & clementer indulgeas, & in tuorum sede latantium constituas redemptorum. Per Christum &c.

In quarta statione.

O R E M V S.

Deus fidelium lumen animarum adesto supplicationibus nostris, & da famulis, & famulabus tuis, quorum corpora hic, & ubiq; in Christo
re-

requiescunt, refrigerij sedem, quietis beatitudinem, & luminis claritatem. Per Christum &c.

In quarta statione.

O R E M V S.

Deus, cui soli competit medicinam prestare post mortem, presta quæsumus, ut animæ famulorum, famularumque tuarum, quorum hic in sepulchris collocata sunt ossa, à terrenis exuta contagijs, in tua redemptionis partem numerentur. Qui vivis, & regnas &c.

In sexta statione.

O R E M V S.

Absolve, quæsumus Domine, animas famulorum famularumque tuarum ab omni vinculo delictorum, ut in resurrectionis gloria inter Sanctos, & electos tuos resuscitativi respirent. Per Christum Dominum &c.

In septima statione.

O R E M V S.

Deus cuius miseratione animæ fidelium requiescunt famulis, & famulabus tuis, & omnibus hic, & ubique in Christo quiescentibus da propitiis veniam peccatorum, ut à cunctis reatibus absoluti tecum sine fine latentur. Per Christum &c.

In octava statione.

O R E M V S.


Deus, cui propriam est misereri semper, & parcere, propitiare animabus famulorum, famularumque tuarum, & omnia eorum peccata dimitte, ut mortalitatis vinculis absoluta transire mereantur ad vitam. Per Christum &c.

4 Si plures octo faciendæ sunt stationes poterunt dici orationes, quæ in missali post missas defunctorum, ponuntur: *Animabus quæsumus Domine &c. Deus venia largitor &c.* si minus poterunt omitti prima, vel secunda, altera scilicet ex ipsis, seu aliæ iuxta exigentiam. In Ecclesiæ ingressu si Ecclesia sit capax, tres in ea fieri debent stationes, prima ex parte Euangelij, secunda ex parte Epistolæ, tertia autem in medio circa Lecticam, seu tumulum panis nigro stratum, ut de more; & in hac statione cantabitur: *Libera me Domine de morte aterna &c.* ea peragendo, quæ circa tumulum fieri solitum est, stationem terminando cum oratione:

ORE.

Fidelium Deus omnium conditor, & Redemptor, animabus famulorum, famularumq; tuarum remissionem cunctorum tribue peccatorum, ut indulgentiam, quam semper optauerunt pijs supplicationibus consequantur. Qui vivis, & regnas cum Deo Patre in unitate Spiritus Sancti Deus, per omnia &c.

5. Dicta oratione (si ante missam hæc peracta sunt) incipient Cantores missæ Introitum cum nota, *Requiem* &c. omnesq; Fratres chorum intrabunt, Sacerdos autem cum ministris ad aram accedent. Si post missam, completa oratione, subdet Sacerdos ut de more. *V. Requiem* &c.; Cantores verò dicant, *Requiescant in pace. Amen.* Deinde submissa voce dicatur *De profundis* &c. omnesq; in pace recedant.





R I T V S XII.

Laicorum Diuinum Officium B. Mariae Virginis, & Defunctorum recitandi.

I Ratres Laici præmissis *Pater noster*, quod dicere debent sicuti Clerici ad horas omnes vel flexis genibus, vel inclinati profundè, & reuerentè; (*Const. cap. 2.*) sic diuinum Officium persoluent, vt pro Matutino viginti quinque recitent *Pater noster*, pro Laudibus decem, pro Prima septem, pro Tertia septem, pro Sexta septem, pro Nona septem, pro Vesperis decem, & pro Completorio septem; hoc ordine, & modo. Dicto vno *Pater noster*, Matutinum his verbis incipient.

Domine labia mea aperies. Et os meum annuntiabit laudem tuam. Deus in adiutorium meum intende (signo Crucis se muniendo) *Domine ad adiuvandum me festina. Gloria Patri, & Filio, & Spiritui Sancto. Sicut erat in principio, & nunc, & semper, & in secula seculorum. Amen. Alleluia.* Vel à Septuagesima vsque ad Pascha: *Laus tibi Domine Rex Aeterna gloria.* Deinde successivè dicant vigesies quinquies *Pater noster* sine *Ave Maria*, & in fine cuiuslibet *Pater* addant *Gloria Patri &c.* excepto ultimo quem sic terminare debent. *Per Dominum nostrum Iesum Christum Filium tuum, qui tecum vivit, & regnat in unitate Spiritus Sancti Deus, per omnia secula seculorum. Amen. Domine exaudi orationem meam. Et clamor meus ad te veniat. Benedicamus Domino. Deo gratias. Fidelium anima per misericordiam Dei requiescant in pace. Amen.* Laudes, Primam, Tertiam, Sextam, Nonam, & Vesperas post primum *Pater noster* incipient cum *Deus in adiutorium &c.* rel. quæ prosequendo modo explicato; Completorium autem incipient his verbis: *Converte nos Deus salutaris noster: & averte iram tuam à nobis, Deus in adiutorium &c.* vsupra.


2 De officio B. Mariæ Virginis idem erit ritus, quo ad numerum *Pater noster*, & modum incipiendi officium, & desinendi, sed loco *Gloria Patri* &c. dicitur totum *Aue Maria*, excepto semper ultimo *Pater noster*, quem vt dixi, terminare debent dicendo *Per Dominum nostrum* &c.

3 Pro Matutinis Defunctorum dicant vigesies quinquies *Pater noster*, & pro Vesperis septies, & in fine cuiuslibet dicant *Requiem aternam dona eis* (vel ei, si officium dicatur pro vno) *Domine. Et lux perpetua luceat eis.* Vltimum autem *Pater noster* terminabunt: *Per Dominum nostrum* &c. *Requiem aternam: Et lux* &c. *Requiescant in Pace. Amen.* Incipient vero huiusmodi officium sine *Domine labia* &c. vel *Deus in adiutorium* &c.



RITVS XIII.

Dandi absolutionem generalem in solemnitatibus.

I  **T** deuotius Domini Nostri Iesu Christi, B. Mariæ Virginis, vel Sanctorum solemnitates à Fratribus celebrentur, (*In offic. SS. Ord. S. August.*) Præfules, Priores, ac Superiores locorum absolutionem generalem, ad arbitrium, & beneplacitum, ipsis impartiri possunt; talisq; ritus erit. Vt completis horis matutinalibus, Fratres omnes genuflexi dicere debeant: *Confiteor Deo &c.* Facta cōfessione erigat se cum stola Prælatus, & sedendo dicat. *Misereatur vestri &c. Indulgentiam absolutionem &c.* Postea.

Dominus noster Iesus Christus per suam piissimam misericordiam, & Sanctissimam Passionem vos absoluat, & ego auctoritate, qua fungor, & quatenus mihi concessa est: Absoluo vos à vinculo excommunicationis maioris, vel minoris, & à participatione cum excommunicatis, & à macula apostasie si incurristis, & restituo vos Sanctis Sacramentis Ecclesie, & communioni fidelium, si necesse est. In nomine Patris, & Filij &c.

Eadem auctoritate mihi concessa in quantum possum, & debeo dispenso vobiscum super irregularitate, si teneamini, & restituo vos ad executionem, & administrationem Sanctorum Sacramentorum Ecclesie, & ad alia. Ab apertis culpis, & à communibus transgressionibus regule, & ordinis nostri Dominus Noster Iesus Christus vos absoluat: & ego auctoritate, qua fungor absoluo vos In nomine Patris, & Filij &c. Do vobis auctoritatem meam, ut unusquisque vestrum possit sibi eligere Confessorem admissum huius familia (in capitulo generali dicatur, huius nostræ Congregationis) habentem auctoritatem, à quo infra tres dies valeat absolui ab omnibus peccatis suis, quemadmodum, & à me. In nomine Patris, & Filij, & Spiritus Sancti. Amen.

Pro

Pro speciali pœnitentiâ Sacerdotes dicant semel: Laudate Dominum omnes gentes &c. & non Sacerdotes. Pater noster, & Ave Maria.

2 Aptius autem huiusmodi Generalis absolutio dabitur à Superioribus in Peruigiliò Solemnitatis quàm in Festo die, vt scilicet Fratres ad spirituale beneficium ex hac absolutione capiendum melius se disponere valeant. Nec ita horarum matutinalium limitatur tempus, vt etiam pro libito Superioris, & iuxta opportunitatem non possit ad aliud tempus, & alium locum extra chorum transferri, vt melius videbitur expedire.





RITVS XIV.

*Fratrem absoluendi à censuris in Foro exteriori,
& dispensandi super irregularitate.*

1



Edens Prior, vel auctoritatem habens coram se gressum, (*Ritual. Rom.*) & usque ad camisiam exclusivè denudatum, virga, aut funiculis leuiter percutit Fratrem pœnitentem vinculo excommunicationis innodatum, dicendo totum psalmum: *Miserere mei Deus &c. cum Gloria Patri &c.* Deinde surgit, & aperto capite dicit: *Kyrie eleison, Christe eleison, Kyrie eleison. Pater noster &c.*
V. Et ne nos inducas &c. R. Sed libera nos &c.
V. Saluum fac seruum tuum. R. Deus meus &c.
V. Nihil proficiat inimicus in eo. R. Et filius iniquitatis &c.
V. Esto ei Domine turris fortitudinis. R. A facie inimici.
V. Domine exaudi orationem meam. R. Et clamor &c.
V. Dominus vobiscum. R. Et cum Spiritu tuo.

O R E M V S.

Deus, cui proprium est misereri semper, & parcere suscipe deprecationem nostram, ut hunc famulum tuum, quem excommunicationis sententia constringit misratio tua pietatis clementer absoluat. Per Christum &c.

Mox sedet, & cooperto capite dicit:

Dominus noster Iesus Christus te absoluat, & ego auctoritate ipsius, & Sanctissimi Domini nostri Papa (Vel Reuerendissimi P. Vicarij Generalis; aut alterius Superioris) mihi comissa. Absoluo te à vinculo excommunicationis, in quam incurristi (vel incurrisse declaratus es) propter tale factum &c. Vel causam &c. & restituo te communioni, & unitati Fidelium, & Sanctis Sacramentis Ecclesie. In nomine Patris & Filij &c.

2 Hoc

2 Hoc Ritu vtendum est, quando à Superiore maiori præscripta est forma ; scilicet vt in forma Ecclesiæ, vel forma consueta absoluat, quod si nulla forma præscripta est, poterit tamen delegatus pro rei grauitate illa vti ; quod si res non fuerit adeo grauis, omisiss precibus absolvere poterit : dicens : *Dominus Noster Iesus Christus &c.* vt supra.

3 In Absolutione à suspensione, vel ab interdicto sequens formula poterit ritum præscribere ; Penitens dicat : *Confiteor &c.* (In offic. Sanct. Ord.) Prior, vel Sacerdos : *Misereatur &c. Indulgentiam &c.* Postea pro suspensione : *Auctoritate mihi ab N. tradita ego absoluo te à vinculo suspensionis, quam incurristi, vel incurrisse declaratus es, ob &c.* (hic exprimat causam) *& restituo te executioni ordinum, & officiorum tuorum. In nomine Patris* ✠ *&c.*

4 Pro interdicto hæc erit absolutio : *Auctoritate &c. Ego te absoluo à vinculo Interdicti, quod incurristi* (Hic exprimat causam) *& restituo te ingressui Ecclesiæ, ac diuinorum officiorum, ac Sacramentorum participationi. In nomine Patris* ✠, *& Filij &c.*


5 Si absoluens potestatem habeat dispensandi super Irregularitate addere poterit subsequenter .
Et eadem auctoritate dispenso tecum super Irregularitate (vel irregularitatibus si sint plures) quam (vel quas) incurristi (hic exprimat causam) *& restituo te ad actus legitimos, & vt ad sacros ordines promoueri, & promotus in eis ministrare possis. In nomine &c.*





RITVS XV.

*Absolutionis generalis in articulo mortis tum
Fratribus danda, tum corrigiatis gratiam
habentibus à Sanctiss. D.N. Papa.*

I  Acta confessione ab aliquo ex assistentibus, & dictis à Sacerdote: (*Off. Sanct. Ordin.*) Misereatur &c. Indulgentiam &c. Subdat Dominus noster Iesus Christus per suam piissimam misericordiam te absoluat, & ego auctoritate ipsius, & Beatissimorum Apostolorum Petri, & Pauli, & Sanctissimi Patris, & D. N. Diuina Prouidentia Papæ .N. & S. R. E. in hac parte tibi concessa, & mihi commissa, in quantum possum, & valeo, & debeo, & mihi permittitur absoluo te ab omni sententia excommunicationis maioris, vel minoris, suspensionis, & interdicti, à participatione cum excommunicatis, & restituo te Sacrosanctis Sacramentis, Ecclesiæ communioni, & vnitati fidelium.

Item eadem auctoritate ego absoluo te ab omnibus peccatis tuis confessis pariter, & oblitis, & à penis omnibus tibi in Purgatorio debitis propter culpas, & offensas, quas contra Deum, te ipsum, & proximum tuum commisisti. In nomine Patris ✠ &c.

Et hoc, si hac, qua egrotas infirmitate moriaris, sin autem salua sit tibi, donec fueris in mortis articulo constitutus. In nomine Patris, ✠ & Filij, ✠ & Spiritus ✠ Sancti. Amen.

Forma absolutionis plenissima.

DE plenitudine potestatis Apostolicæ, cuius auctoritatem pro præsentis gero, absoluo te ab omnibus censuris Ecclesiasticis, sententijs, & vinculis excommunicationum, & suspensionum,

num, & interdicti; tam ab homine, quam à iure latis, nec non ab omnibus negligentijs, & defectibus commissis in Sacramentorum administratione, officijs, & actibus tuis, vel nomine tuo factis, sup-
plendo de solita Apostolicæ Sedis clementia omnes defectus eorundem. Aboleo etiam omnem maculam infamiæ, & inhabilitatis vndeque contractam, dispensoque tecum super omni irregularitate, simonia in ordine, & beneficio, actiue, vel passiue quacumque occasione, vel causa, etiam contracta in collatione ordinum, & aliorum Sacramentorum, vel contractis, seu commissis. Restituoque te, & habilito ad statum, famam, honorem, & executionem officiorum Ecclesiasticorum, quorumcumque ad omnes gradus dignitatum, & honorum, ad beneficia Ecclesiastica habita, & habenda, & tibi de his de nouo prouideo, relaxando tibi fructus, quos male percepisti, seu læsa conscientia ex iisdem, & alia, quæ in ludo ex successione, ac alias ad te peruenerunt, quæ subiacent restitutioni vagæ in forma plenissima. In nomine Patris, ✠ & Filij, ✠ & Spiritus ✠ Sancti. Amen.

Pro Corrigiatis autem Pater Spiritualis vti poterit sequenti formula, quæ consimilis est illi, quæ in fine Ritualis Romani pro Confratribus Rosarij impressa conspicitur anno 1652. Et quæ in Libello Corrigiatorum Taurini per extensum legitur, vide-
licet.

Dicto Confiteor, Misceatur, & Indulgentiam &c. (*Ex Libro Taurini*) Addat Sacerdos. Dominus Noster Iesus Christus filius Dei viui, qui B. Petro Apostolo suo dedit potestatem ligandi, atque soluendi per suam piissimam misericordiam te absoluat, & ego auctoritate Apostolica corrigiam ferentibus indulta, & de speciali gratia concessa, & mihi commissa à S. D. N. Eugenio IV. & alijs Summis Pontificibus, & à Gregorio XV. confirmata absoluo te ab omnibus excommunicationibus, & vinculis interdicti, si teneris, in quantum possum, & indiges, & restituo te Sacrosanctis Sacramentis Ecclesiæ, communioni, & vnitati Fidelium. In nomine &c.

Item eadem auctoritate absoluo te ab omnibus peccatis tuis, quæcumque toto decursu vitæ tuæ, quomodocumque commisisti, de quibus corde contritus, & ore confessus, & quorum memoriam

non habuisti, & non habes vsque in præsentem diem, & restituo te illi innocentiae, in qua eras quando baptizatus fuisti, ac puritati eidem, in quantum clauis Sanctæ Matris Ecclesiæ se extendunt. Remitto tibi etiam pœnas Purgatorij, quas propter culpas, & offensas contra Deum, & proximum, & te ipsum commissas incurristi, claudio tibi portas Inferni, ianuam aperio Paradisi; & bona per te facta, & fienda sint tibi in remissionem peccatorum, in augmentum gratiæ, & præmium vitæ eternæ. Amen.

Et hoc si hac qua egrotas infirmitate morieris, sin autem salua tibi sit, donec fueris in articulo mortis constitutus. In nomine Patris &c.



RITVS XVI.

Depositionis Fratris Defuncti.

NON relinquantur agonizantes sine custodia die, ac nocte, donec anima egressa fuerit de corpore, ea omnia peragendo, quæ circa grauiter, & sine spe ægrotantes, pro ipsorum salute exequenda sunt. Cum primum autem Frater è vita migrauerit signum dabitur iuxta locorum consuetudinem modo eo noctis tempore non moriatur, quod non conueniat campanas pulsari, & tunc signum dabitur paulò ante Auroram.

2 Mortuus spoliatur, & lauetur ab aliquibus, (*Const. cap. 14.*) quibus Prior iniunxerit reuerenter, & deinde cuculla indutus, & caligis calceatus, & corrigia cinctus ponatur in feretro, si fuerit Sacerdos ad eius collum imponatur stola coloris violacei, & ad pedes in stalle apertum. Inter manus defuncti figatur crux cum imagine Crucifixi, quæ pectori super ponatur.

3 Deinde conuocatis Fratribus à quatuor eiusdem gradus, & conditionis deferatur feretrum ad Capitulum, vel ad Ecclesiam, si Capitulum non fuerit, præcedente aliquo crucifero; & alio cum vasculo aquæ benedictæ (qua prius quam feretrum eleuetur ad antiphonam *Si iniquitates*, et Psalm. *De profundis*, cadauer erit aspergendum per manus Superioris, vel Hebdomadarij superpellico, & stola nigri coloris induti), recitando interim omnes grauiori voce Psalmum *Miserere mei Deus*. Deposito feretro, Fratres bini, et bini prout iussu fuerint ipsi cadaueri assistent, donec deferatur ad Ecclesiam, vel si in Ecclesia fuerit donec exequiæ celebrentur, interim recitando preces pro defuncto, et debitum soluendo iuxta statuta congregationis, Clerici nimirum integrum recitando psalterium cum *Requiem*, et laici quingenties *Pater noster*, et *Aue Maria*. Nec vnquam sine luminaribus relinquantur feretrum,

trum, sed ad minus duo sint cerei accensi, vnum ad caput, et aliud ad defuncti pedes.


4 Dum ad Ecclesiam defertur cadauer in ingressu Ecclesiæ canitur : *Subuenite Sancti Dei* etc. vt in Rituali Rom. Si fuerit Sacerdos ita feretrum deponatur, vt caput cadaueris maius Altare respiciat; Fratribus omnibus cum candelis accensis adstantibus Completo respontorio dicatur officium defunctorum cum tribus Nocturnis, et Laudibus sub ritu duplici, deinde (si fuerit tempus congruum) missa solemnis pro ipso defuncto cantabitur, sine qua non deberet sepeliri, et erit potius in sequentem diem reseruandum corpus, vt omnes cum missa sepeliantur iuxta canones.

5 Finita missa Sacerdos deposita casula induit pluuiale nigri coloris, et subdiaconus accipit Crucem, et accedit ad feretrum, medius inter duos Ceroferarios cum candelabris, et candelis accensis, comitantibus Fratribus, binis, et binis pariter cum candelis accensis; et vltimo loco Sacerdos cum Diacono, et Acholitis. Aduertendum autem, quod sicuti Sacerdotes defuncti pedes habent versus populum, ita et Celebrans sistere se debet ad pedes illius contra Crucem subdiaconi, qui eo casu renes vertit Altari, vt Crux in medio sit cum Acholitis hinc inde; Fratribus post Crucem procedentibus, et feretrum circumdantibus cum cereis accensis, ita vt minores sint prope crucem maiores prope celebrantem. Si vero defunctus Sacerdos non fuerit, cum Cruce stat ad caput eius versis humeris portæ Ecclesiæ, et Sacerdos ad pedes contra Crucem. Tunc Sacerdos absoluitè incipit : *Non intres in iudicium* etc. et prosequitur Ritus tumulationis vsq; ad finem modo, quo describitur in Rituali Romano.



R I T V S XVII.

*Communions Generalis Fratrum
in solemnitatibus.*

 N solemnitatibus dicto Agnus Dei missæ conuen-
tuali, & data pace, accedunt Fratres ad Altare,
(*Cerem. Ord.*) procedentes cum debitis reuerentijs
ex utraque parte hinc inde, vel per latus Euangelij,
primo qui sunt in Sacris constituti, secundò Clerici etiam Nouitij,
deinde Conuersi. Cum ad Altare peruenerint, qui in primo or-
dine fuerint, bini simul genuflectunt in plano, ante, vel circa Al-
tare parum ab infimo gradu distantes, sicq; successiuè omnes re-
manent donec bini ascendant ad Altare sacram communionem
accepturi.

2 Sumpto sanguine à Celebrante, ante purificationem Subdia-
conus palla tegit calicem, & eum à parte Euangelij intra corpo-
rale, & aram consecratam collocat, Diaconus vero extrahit pixi-
dem, ponit in medio corporalis, discooperit cum genuflexioni-
bus solitis, Celebrante, & Subdiacono interim in cornu Euange-
lij, & alijs circumaltare genuflexis. Post hæc Diaconus descen-
dit in planum per cornu Epistolæ, & profundè inclinatus versus
Celebrantem dicit iunctis manibus. *Confiteor* &c. alta voce. Ce-
lebrans pixide aperta surgit, & genuflectens paululum se retrahit
ad cornu Euangelij, Subdiacono post ipsum stante versa facie ad
Altare. Confessione facta dicit Celebrans versus Diaconum.
Misereatur vestri &c. *Indulgentiam* &c. (semper in plurali) facto
super communicandos signo Crucis dextera manu.

3 Interim Ceroferarij, vel duo primi Clerici in supremo Alta-
ris gradu genuflexi conuersa ad inuicem facie linteum à Thurife-
rario allatum tenent, sustinentes ante pectus vsque ad finem Com-
mu-

munionis, ad quam bini, & bini Fratres accedere debent reuerenter, & deuotè incipiendo à Diacono, & Subdiacono (etiam si adsint Sacerdotes communicandi), & alij per ordinem prosequentes. Post Diaconum, & Subdiaconum communicandi sunt Thuriferarius, & Ceroferarij (interim alij duo tenentes linteum), & omnes post communionem per latus Epistolæ ad chorum tendant, prius adorato Sacramento, vel hinc inde modo, quo venerunt.

4 Omnibus communicatis Sacerdos redit ad Altare, et excussis in pixidem fragmentis genuflectit, et cum Subdiacono se retrahens paululum ad cornu Euangelij manet genuflexus, vt supra, donec Diaconus pixidem reposituerit. Tunc enim Celebrans surgens purificat, et missam complet. Fratres verò, qui sacram communionem perceperunt genibus flexis dicere poterunt orationem: *Deus omnium fidelium Pastor* etc. (*Rub. 1. cap. 10.*), aut orationem Dominicam, qui prædictam nescirent, pro conseruatione status Sanctæ Matris Ecclesiæ, ac Romani Pontificis pro tempore existentis, tunc enim ex gratia, et concessione Sedis Apostolicæ plenariam omnium peccatorum suorum Indulgentiam consequi possunt.



RITVS XVIII.

*Benedicendi Panem S. Nicolai de Tolentino,
& eo utendi.*



Vando proceditur ad panem benedicendum, tunc in primis procedant Ceroferarij, & Thuribularius cū incenso: deinde Subdiaconus cum Cruce, & Sacerdos cum pluuiali, & Diaconus indutus Dalmatica. (*Missale Sanctorum Ord. S. Augustini*) Fratres verò cum cappis nigris bini, & bini incedant processionaliter, & cantent hymnum in tono, *Ut queant laxis.*

HYMNVS.

TE canunt omnes Nicolae gentes,
Te p̃j patres, simul atque matres
Voce te laudant pueri canora,
Votaque soluunt.

Efferunt caci, resonantque muti,
Quos tua cunctos ope liberaſti,
Mira decantant tua facta claudi,
Laude perenni.

Eruti per te maris ex periclis,
Quosque tu morbis varijs grauatos,
Mille sanasti, tua dona cuncti,
Magna faſentur.

Quosque vexatos pius expiaſti,
Dæmonum dira feritate, quosque
Conſequi rurſum veteris dediſti,
Lumina vita.

Dine, celeſtisq; habitator aule,
Dine cui tantum tribuunt ſuperni;

Poſſe,

*Posse, quem totum dominator alti,
Auxit olympi.*

*Laus Patri summo, Genitoq; semper,
Quique procedis Deus ex utroque,
Spiritus Sancte, Deus unus idem,
Laus tibi semper. Amen.*

2 Cùm autem peruenerint ad locum, ubi panis est benedicendus: tunc Subdiaconus incipiet cantare Epistolam.

Leſtio libri Regum.

IN diebus illis. Factus est sermo Domini ad Eliam Thèsbitem, dicens. Surge, & vade in Sarephta Sidoniorum, & manebis ibi. Præcepi enim ibi mulieri vidua, ut pascat te. Surrexit, & abiit in Sarephta. Cumque venisset ad portam ciuitatis, apparuit ei mulier vidua colligens ligna, & vocauit eam, dixitque ei. Da mihi paululum aque in vase, ut bibam. Cumque illa pergeret; ut afferret, clamauit post tergum eius, dicens: Affer mihi obsecro, & buccellam panis in manu tua. Quæ respondit. Viuit Dominus Deus tuus: quia non habeo panem, nisi quantum pugillus capere potest farina in hydria, & paululũ olei in lecytho. En colligo duo ligna, ut ingrediar, & faciam illud mihi & filio meo, ut comedamus, & moriamur. Ad quam Elias ait. Noli timere: sed vade, & fac sicut dixisti. Verumtamen mihi primum fac de ipsa farinula subcinericiũ panem paruulum, & affer ad me: tibi autem, & filio tuo facies postea. Hæc autem dicit Dominus Deus Israel. Hydria farine non deficiet: nec lecythus olei minuetur, vsque in diem in qua daturus est Dominus pluuiam super faciem terræ. Quæ abiit, & fecit iuxta verbum Elia. Et comedit ipse, & illa, & domus eius; Et ex illa die, hydria farina non defecit, & lecythus olei non est imminutus, iuxta verbum Domini, quod locutus fuerat in manu Elia.

Cantores verò incipiant.

Respexit Elias ad caput suũ subcinericiũ panem, qui surgens comedit, & bibit. Et ambulauit in fortitudine cibi illius vsque ad montẽ Dei.

3 Interim Diaconus accipit benedictionem, & cantat Euangelium cum luminaribus, & incenso.

✱ *Sequentia Sancti Euangelij secundum Ioannem.*

IN illo tempore: Abiit Iesus trans mare Galileæ, quod est Tiberiadis; & sequebatur eum multitudo magna, quia videbant signa, quæ facie-

faciebat super his, qui infirmabantur. Subijt ergo in montem Iesus, & ibi sedebat cum Discipulis suis; Erat autem proximum Pascha dies festus Iudaorum. Cum subleuasset ergo oculos Iesus, & uidisset, quia multitudo magna venit ad eum, dicit ad Philippum: Vnde amemus panes, ut manducent hi? Hoc autem dicebat tentans eum; ipse enim sciebat quid esset factururus. Respondit ei Philippus: Ducentorū denariorum panes non sufficiunt eis, ut unusquisque modicum quid accipiat. Dicit ei vnus ex discipulis eius, Andreas frater Simonis Petri: est puer vnus hic, qui habet quinque panes hordeaceos, & duos pisces, sed hac quid sunt inter tantos? Dixit ergo Iesus: facite homines discumbere. Erat autem fenum multum in loco. Discubuerunt ergo viri numero quasi quinque millia. Accepit ergo Iesus panes, & cum gratias egisset distribuit discumbentibus. Similiter & ex piscibus quantum volebant. Vt autem impleti sunt, dixit discipulis suis: Colligite, quae superauerunt fragmenta, ne pereant. Colligerunt ergo, & impleuerunt duodecim cophinos fragmentorum ex quinque panibus hordeaceis, quae superfuerunt his, qui manducauerant. Illi ergo homines, cum vidissent quod fecerat Iesus signum, dicebant: quia hic est verus propheta, qui venturus est in mundum.

4 Completo Euangelio Sacerdos dicat. *V. Dominus vobiscum &c.*

O R E M V S.

Domine Iesu Christe, qui benedixisti quinque panes in deserto, multiplica super fideles tuos misericordiam tuā pietatis, quemadmodum fecisti cum patribus nostris in tua misericordia sperantibus: & bene ✠ dicere, & sancti ✠ ficare digneris hanc creaturam panis, quem ad subsidium tuorum fidelium tribuisti, quatenus à quocunque sumptus fuerit bene ✠ dictionis tuae opulentia repleatur, & gratiarum actione per te in visceribus ipsorum sanctificetur. Per Christum Dominum nostrum &c.

O R E M V S.

Domine Sancte, Pater Omnipotens, sempiternus Deus, qui per potentiam tuam panem istum in forma visibili tribuisti, & magnitudine largitatis tuae humanis vñibus emanare de segete iussisti, te suppliciter exoramus, ut hunc panem, quem negligentia nostra polluit, Sancti Spiritus gratia ad munditiam reuocet, & sancti ✠ ficet, mundet, ac puri-

rificet, & turpitude callidi hostis abscedat, ac familia tua deinceps cum benedictione comestibilis tribuatur, & comedentiū mundentur corda, & corpora ipsorum per tuam gratiam sanctificentur. Per Christum &c.

O R E M V S.

Precamur Domine Deus, tua pietatis clementiam, ut panem istum caelesti benedictione (sanctifices, & ita ex hoc fugare digneris omnem diabolicæ temptationis incursum, ut quicumque ex hoc comederit, totius virtutis, & sanitatis dulcedine perfruatur, & tibi sanctificatori, ac Saluatori omnium gratias cum gaudio, & letitia agere mereamur. Per Christum &c.

O R E M V S.

Te igitur suppliciter deprecamur, ut bene ✠ dicere, & sanctificare digneris hanc creaturam panis, ut quicumque ex eo gustauerit, per intercessionem dilecti filij tui Nicolai de Tolentino consequatur vitam aternam, & extingue ab omnibus dignè sumentibus, si quid veneni, si quid mortifera operationis fuerit, & clementer eos defende. Per Christum Dominum nostrum. Amen.

O R E M V S.

Deus, & Pater Domini nostri Iesu Christi, cuius verbo celi firmati sunt, cui omnia subdita sunt, cui omnis creatura deseruit, & potestas subiecta est, & metuit, & expauescit, nos te ad auxilium pronocamus, cuius audito nomine serpens conquiescit, & Draco fugit; silet Vipera, & omnia venenata, & adhuc fortia animalia reptantia noxia terrentur, & omnes aduersæ salutis humanæ radices arescunt: Te ergo Domine, suppliciter deprecamur, ut bene ✠ dicere, & sanctificare digneris hanc creaturam panis, ut quisquis ex hoc comederit, per intercessionem dilecti filij tui Nicolai de Tolentino, vitam aternam consequatur per Dominum nostrum Iesum Christum &c.

5 Completis omnibus aspergantur, & incensentur: postea fiat distributio; Fratres vero bini, & bini humiliter accedant ad Sacerdotem cum deuotione, & suscipiant panem; Laici vero postea, & istum ponant in aliquo panno linteo mundo cum reuerentia, et deuotione. Interim quod fit distributio populo Sacerdotes, seu Fratres, cantant hymnum Sancti Nicolai in tono. *Ut queant laxis.*

HYMNVS.

L Audibus summis celebremus omnes
 Regis aeterni memoranda dona:
 Mentibus latis modulemus eius.
 Grandia facta.

Qui dedit quondam fidei coruscans
 Sydus ex altis, oriensque calis
 Sancta quem mundo peperit beatum
 Monica Patrem.

Ex suo te nunc grege procreatum,
 Multa post tandem reuoluta secula,
 Contulit dignum, Nicolae nobis.
 Eius alumnum.

Cuius ingentes, memoresque gestas,
 Res queat nemo satis explicare:
 Cuius excelsas, celebresque laudes
 Nemo referre.

Dive, caelestisque habitator Aula,
 Dive, qui tantis meritis opimis
 Viuis, & gaudens super alta calis
 Astra triumphas.

Laus patri summo, genitoque semper:
 Quique procedis Deus ex utroque,
 Spiritus Sancte Deus unus idem,
 Laus tibi semper. Amen.

6 Canterur postea Antiphona. *Nicolaus verus Christi pauper,
 Virgo à Deo electus, obedientiam iugiter seruans, Eremitarum Ordinem
 signis, & virtutibus decorauit.*

V. Ora pro nobis Beate Nicolae.

R. Vt digni efficiamur promissionibus Christi.

Si fiat ante missam, vel in Quadragesima hæc Benedictio dici tunc
 debet sequens Oratio.

O R E M V S.

*Concede quesumus omnipotens Deus, vt Ecclesia tua, qua Beati
 Nicolai Confessoris tui virtutum, & miraculorum gloria coruscat, eius
 intercessione, & meritis perpetua pace, atque unitate lateatur. Per*

E

Chri-

Christum Dominum nostrum. Amen.

Si autem post Missam dicatur.

O R E M V S.

Populum tuum Domine, quæ sumpsimus Sacramenta custodiant, ut qui Sancti Nicolai de Tolentino Confessoris ingiter implorant auxilium, petitionum suarum salutarem consequantur effectum. Per Christum Dominum nostrum. Amen.

7 Si contingat huiusmodi panis benedictionem non solemniter fieri, Sacerdos cum stola panem benedicat incipiendo à prima oratione *Domine Iesu Christe*, & reliquas omnes prosequendo postquam dicet antiphonam *Nicolaus* cum oratione, et aqua benedicta aspergat. Seruetur autem hic panis benedictus cum omni munditia reuerentia, & deuotione, quippe qui utilis admodum, & mirabilis in multis necessitatibus experitur, ut quotidiana ostendit praxis; & huiusmodi benedictio, laudata, & approbata fuit à Summo Pontifice Eugenio IV. qui Sanctum Nicolaum canonizauit.

8 Modus autem eo utendi sequens erit. In febribus, aliisque hominum infirmitatibus immergatur aqua, ut mollescat, deinde dictis tribus *Pater noster*, & totidem *Aue Maria* in honorem Trinitatis Sanctissimæ, & *Salve Regina* ad laudem Virginis Mariæ subdatur antiphona S. Nicolai. *Nicolaus uerus* &c. cum versiculo, & oratione *Concede*, supra positis. Deinde dicatur.

O R E M V S.

Domine Iesu Christe, qui benedixisti quinque panes in deserto, multiplica super fideles tuos in te sperantes tuæ pietatis clementiam, quem admodum cum dilecto filio tuo Nicolao de Tolentino misericorditer fecisti, & præsta, ut eiusdem meritis, & precibus corda eorum, qui dignè gustauerint ex pane in ipsius honorem benedicto ab omni contagione, ac sordè peccati mundeantur, corporis sanentur membra, si quid veneni, aut mortificæ operationis fuerit extingatur, languores recedant, perficetæque redeat valetudo, ut tibi denique omnium medico, ac Saluatori perennes rependentes gratias, vitam æternam consequantur. Qui uis &c.

O R E M V S.

Deus, qui Beato Nicolao Tolentinati graui laboranti morbo assististi, in corporisque medicinam, Gloriosissima Virginis Mariæ consilio, panem aqua

aqua intinctum prastitisti tribue famulo tuo, ut sicuti in panis asu Beatus imitatus est Nicolaum, ita reddita sibi sanitate immensa tua pietatis cum eodem magnificator existat; Per Christum &c.

Quibus habitis lumatur cum deuotione ab infirmo panis, vel tumori, seu offensæ parti applicetur ad morbos expellendos, & Deus in Sancto suo laudabitur.

9 Ad aeris tempestates sedandas, proijciatur contra turbines, vel grandines panis, & dicatur antiphona, siue ante, siue post projectionem *Nicolaus &c.*

O R E M V S.

Omnipotens sempiterne Deus, & misericors, parce metuentibus, propitiare supplicantibus, & da, ut per intercessionem dilecti filij tui Nicolai de Tolentino post noxios nubium, & procellarum ventos, post aeris terrificas agitationes, ac minas in materiam laudis transcas comminatio tempestatis. Per Christum &c.

O R E M V S.

Precibus, & meritis Beati Nicolai de Tolentino largiri, & conseruare fructus terra dignare Domine Deus noster, ut temporalibus gaudemus auxilijs, & proficiamus spiritualibus incrementis. Amen.

10 Ad Ignis incendia retundenda, iaciatur pariter contra ignem panis, & siue ante, siue post iniectionem, siue eodem tempore dicatur antiphona *Nicolaus &c.* ut supra. Postea.

O R E M V S.

Defende Domine Iesu Christe à dira ignis voracitate locum istum, ut omnia, quæ in eo seruantur, meritis, & intercessionibus Beati Nicolai de Tolentino, cuius pane ad vim incendiij retundendam in presentia usi sumus, intacta, & illasa permancant, sisque Deus huius loci habitator, & custos, qui semper foueat, & à quocunque periculo prosegat, atque defendat, qui uiuis, & regnas &c. Amen.

11 Ad inundationes, et aquarum incurfus dicta solita antiphona *Nicolaus* cum cæteris, et proiecto pane subdantur Orationes.

O R E M V S.

Domine Deus omnipotens cuius spiritus super aquas ferebatur, supplicationem populi tui clementer exaudi, ut aquarum procellis, & inundationibus per intercessionem Sancti Nicolai de Tolentino repressis, gratiarum tibi perpetuo referamus actiones, dignasque laudes nomini tuo

decantere valeamus . Per Christum etc.

O R E M V S .

Omnipotens sempiterne Deus , qui famulo tuo Nicolao de Tolentino aquam e loco arido per arundinem educendi gratiam contulisti , concede propitius , ut huius Dni precibus aquarum tempestatem evitare valeamus , fructusque terra ab inundationis incursum inoffensi permaneant . Per Christum Dominum nostrum . Amen .

12 Iumentis etiam , et animalibus irrationabilibus solet magno cum fructu tribui , et tunc post consuetas Orationes , antiphonam , et Orationem , dicitur .

O R E M V S .

Misericordiam tuam Domine supplices exoramus , ut hac animalia , qua graui infirmitate vexantur , tua benedictionis virtute , & intercessionibus dilecti filij tui Nicolai de Tolentino perfecta gaudeant sanitate . Per Christum etc.

13 Tandem in quacunque necessitate , qua vi necesse fuerit benedicto hoc pane , et recitata antiphona cum versiculo , et oratione consuetis subdatur .

O R E M V S .

Tribulationem nostram , qua sumus Domine , propitius respice , atque pro nobis Sancto Nicolao de Tolentino exorante iram tuam indignationis , quam iuste meremur , auerte .


O R E M V S .

Subsidijs , & precibus Beati Nicolai de Tolentino Confessoris tui prorege Domine famulos tuos , & à cunctis hostibus , & periculis redde securos . Per Christum Dominum nostrum . Amen .



RITVS XIX.

*Orationis Serotina, quæ vulgo dicitur
Asperges.*

I  *Post cœnam intervallo factò vnus horæ, (Constit. cap. 3. num. 4.) ad mandatum, & beneplacitum Prioris antequam Fratres pergant dormitum, (Rubr. 1. cap. 10.) ad sonum campanellæ omnes (nullo excepto) in Ecclesia coram Altari maiore, vel in capitulo congregentur, & ibi genibus flexis aliquantulum mentaliter orent. (Declar. 1592. num. 4. & seq.) Deinde surgat superior, & aqua benedicta eos aspergendo dicat: Asperges &c. cum Psalmi versiculo Miserere &c. Gloria &c. iterum antiphonam repetendo: Asperges &c. Vel tempore Paschali: Vidi aquam. Postea alta, & clara voce dicat: Noctem quietam, & finem perfectum concedat nobis Dominus omnipotens Pater, & Filius, & Spiritus Sanctus. R. Amen.*

2 His habitis in loco proprio genuflectat, & Psalmum incipiat pro felici conseruatione Sanctæ Romanæ Ecclesiæ, & Summi Pontificis pro tempore existentis: *Exaudiat te Dominus in die tribulationis, vt habetur in tertio nocturno Matutini Dominicæ, quem alternatim prosequi debent Fratres vsq; ad finem illum terminando cum Gloria Patri &c. Deinde dicat Superior: Saluum fac seruum tuum. R. Deus meus sperantem in te.*

V. Mitte ei Domine auxilium de Sancto. R. Et da Sion tuere cum.

V. Domine exaudi orationem meam. R. Et clamor meus &c.

V. Dominus vobiscum. R. Et cum spiritu tuo.

O R A T I O.

Deus omnium fidelium Pastor, & Rector famulum tuum. N. quem Pastorem Ecclesia tua præesse voluisti propitiis respice; da ei quesumus verbo, & exemplo, quibus præstet proficere, vt ad vitam vna cum

grege sibi credito perveniat sempiternam. Per Christum &c. Amen.

Et hic ritus pro Summo Pontifice orandi quolibet die observandus est, ex Apostolicæ enim Sedis concessione, centum annos Indulgentiarum per Leonem Papam X quoties id fecerint singuli consequentur.

3 Præter huiusmodi orationis serotinæ ritum, quem semper Congregatio tenuit, in declarationibus diffinitionum de anno 1592. emanatis, aliæ iuxta dierum hebdomadæ distributionem additæ fuerunt preces, quas ordo sequens demonstrat.

Die Dominico rogent Fratres pro conservatione Summi Pontificis modo supra explicato nihil aliud hac die addendo; sed peracto Psalmo *Exaudiat* cum oratione: *Deus omnium &c.* orent modicum in silentio pro commendatis, & ad signum Prioris surgant, & ad proprias vadant cellas. Qui ordo in fine orationis serotinæ semper servandus est.

4 Die Lunæ post commemorationem Summi Pontificis ut supra, pro omnibus orent defunctis dicendo psalmum: *De profundis &c.* cum *Ps.* & *R.* consuetis, & in fine orationem: *Fidelium Deus omnium conditor &c.*

5 Die Martis post memoriam Pontificis, pro pace, & vnione Principum Christianorum dicendo Psalmum: *Ecce quam bonum, & quam iocundum &c.* qui habetur in Vesperis feriæ V. deinde *Ps. Saluos &c. R. Deus meus &c. Ps. Mitte eis &c. R. Et de Sion &c. Ps. Domine exaudi. R. Et clamor &c. Ps. Dominus vobiscum. R. Et cum Spiritu tuo.*

ORATIO.

Deus largitor pacis, & amator charitatis; da famulis tuis veram cum tua voluntate concordiam, ut ab omnibus, qua nos pulsant tentationibus liberemur. Per Christum &c.

6 Die Mercurij peracta commendatione Papæ orent pro Rege, Principe Legato, vel Domino loci. Psalmus erit *Domine in virtute tua letabitur Rex &c.* qui habetur in tertio Nocturno Dominiæ. *Ps.* & *R.* ut supra.

ORATIO.

Quæsumus omnipotens Deus, ut famulus tuus. N. Rex noster (mutantur nomina Regis, & Regni in Ducem, & Ducatum, Principem, &

& Principatum &c. iuxta qualitatē Dominorum) qui tua miseratione suscepit regni gubernacula virtutum etiam omnium percipiat incrementa, quibus decenter ornatus, & vitiorum monstra decuitare, & ad te, quia veritas, & vita es graciosus valeat peruenire. Per Christum &c.

7 Die Iouis commendato Pontifice, pro Protectore, & Superioribus ordinis, & Congregationis, pro Episcopo loci, Gubernatore, Prætorē, Conseruatore Conuentus, ac pro omnibus Benefactoribus viuīs rogent, dicendo psalmum: *Ad te leuavi oculos meos* &c. qui habetur in Vesperis feriæ tertiæ. *Ps. & R. vt supra.*

ORATIO.

Præstende Domine fidelibus famulis, & famulabus tuis dexteram celestis auxilij, vt te toto corde perquirant, & qua dignè postulant consequi mereantur. Per Christum &c.

8 Die Veneris post commemorationem Papæ orent pro peccatoribus ad pœnitentiam venientibus cum psalmo: *Miserere mei Deus* &c. *Ps. & R. vt supra.*

ORATIO.

Deus, cui proprium est misereri semper, & parcere suscipe deprecationem nostram, vt nos, & omnes famulos tuos, quos delictorum catena constringit, miseratione tua pietatis clementer absoluat. Per Christum &c.

9 Die Sabbati post commendationem Sanctæ Sedis, rogent pro infirmis pauperibus, & tribulatis, & dicant psalmum: *Vsq̃quo Domine obliuisceris me in finem* &c. qui habetur in primo Nocturno Maturini Dominicæ *Ps. & R. vt supra.*

ORATIO.

Deus, qui nos in tantis periculis constitutos pro humana scis fragilitate non posse subsistere da nobis salutem mentis, & corporis, vt ea qua pro peccatis nostris patimur te adiuvante vincamus. Per Christum &c. & vt protectione B. Mariæ Virginis coadiuuentur dicatur.

ORATIO.

Concede nos famulos tuos, quæsumus Domine Deus, perpetua mentis, & corporis sanitatē gaudere, & gloriose B. Mariæ semper Virginis intercessione à præsentī liberari tristitia, & æterna perfrui lætitia. Per Christum &c.

Hic ordo orandi describatur in tabella quadam lignea, siue scheda pendenti ob oculos in capitulo publicè orantium.

10 Scias tamen, quod in triduo maioris hebdomadæ completis Laudibus currentis officij, Superior in choro accepto asperforio cum aqua benedicta Fratres aspergit dicens : *Asperges etc. sine Gloria Patri*. Et deinde media voce. *Noctem quietam etc.* absque illo psalmo, vel alia oratione.

11 Mos est etiam in aliquibus Monasterijs post Psalmum *Exaudiat*, et orationem *Deus omnium etc.* antiphonas quotidie, & orationes addere B. Mariæ Virginis, S. Nicolai de Tolentino, ac S. Thomæ de Villanoua; dicendo nempe pro B. Maria Virg. antiph. *Sub tuum præsidium etc.* V. *Ora pro nobis etc.* Orat. *Concede nos famulos etc.* Pro S. Nicolao antiph. *Nicolaus verus etc.* V. *Ora pro nobis &c.* Orat. *Concede quasumus &c.* Pro S. Thoma antiph. *Dispersit dedit &c.* V. *Ora pro nobis &c.*

O R A T I O.

Deus, qui Beatum Thomam Pontificem insignis in pauperes misericordie virtute decorasti, quasumus, ut eius intercessione in omnes, qui te deprecantur, diuitias misericordie tue benignus effundas. Per Christum &c.

Qui mos valde laudabilis est, & obseruandus, sicuti etiam ille nonnullorum Conuentuum, qui quotidie orant pro benefactoribus viuis, atq; defunctis cum Psalmis : *Ad te leuavi &c. De profundis &c.* Modo descripto in Ritu 21. num. 4. & 5.



RITVS XX.

Disciplinam faciendi in sextis Ferijs.

B reuerentiam, (*Constit. cap. 10. num. 5.*) deuotionemq; Passionis D. N. I. C. & carnis macerationem omni sexta feria post *Asperges* à Priore datū, Fratres omnes ad sonum Campanellæ in dormitorium conueniant, & vnusquisq; in cella sua, vel priuato loco disciplinam faciat per spatium trium psalmorum: *Miserere* &c. ad minus, & quinq; ad plus secundum discretionem Prioris, vel eius locum tenentis. Qua completa Superior egrediens de cella stans, signum faciat, ad quod omnes Fratres venientes singuli super limen ostij cellæ suæ genuflectant versis vultibus e regione. Tunc Superior dicat alta voce: *Pater noster*; reliquum in silentio prosequendo. Postea respondentibus Fratribus.

V. Et ne nos inducas in tentationem. R. Sed libera nos à malo.

V. Saluos fac seruos tuos. R. Deus meus sperantes in te.

V. Mitte eis Domine auxilium de Sancto. R. Et de Sion tuere eos.

V. Domine exaudi &c. R. Et clamor meus &c.

V. Dominus vobiscum. R. Et cum Spiritu tuo.

O R A T I O.

Dens, cui propitiū est miseriui semper, & parcere suscipe deprecationē nostram, ut nos, & omnes famulos tuos, quos delictorū catena constringit misratio tua pietatis clementer absoluat. Per Christum &c.

Deinceps aliam orationem Passionis Dñi dicat. (*Declar. 1592.*)

O R A T I O.

Respice quæsumus Domine super hanc familiam tuam, pro qua D. N. I. C. non dubitauit manibus tradi nocentium, & Crucis subire tormentum. Per eundem Christum &c. Amen.

Quibus actis in cella se introcludant Fratres, & vadant dormitum.

RITVS XXI.

Agendi de culpis in sextis Ferijs, & benefactores commendandi.

Ritus frequens erat Congregationis publicè dicendi culpas in capitulo, (*Const. c. 3. num. 2. 3. c. 4. & c. 21.*) & præcipuè sextis ferijs, ubi quilibet Fratrum surgens humiliter, & purè confitebatur culpam suam Priori, vicissim etiam se proclamando; cautum est modo repetitis definitionibus, ut semel saltem in hebdomada, præcipuè sextis ferijs ante prandium de culpis agatur, quod sequenti modo fieri solet. (1592. *Decl.* 13. 1619. 12. 1644. 1. 1621. 15.)

2 Congregatis in Capitulo Fratribus post sonum Campanellæ in loco proprio sedeant, tunc si à Priore sermo habendus est, quod ex officio frequenter facere debet, surgens ipse Prior, & cum eo Fratres omnes, dicat, respondentibus illis.

V. Adiutorium nostrum in nomine Domini.

R. Qui fecit Cælum, & terram.

V. Benedicite.

R. Deus.

V. Dominus nos benedicat, & ab omni malo defendat, & ad vitam perducatur aeternam, & fidelium anima per Dei misericordiam requiescant in pace. R. Amen.

3 Deindè iterum cum Fratribus sedendo sermonem habeat iuxta exigentiam, & necessitatem, quo peracto subdat. *Agamus de culpis.* Et tunc omnes genuflectant, & ille, qui pro omnibus culpas recitare debet siuè nouitius sit, siuè Clericus, siuè Sacerdos ad pedes Prioris se prosternat humiliter, purè, & deuotè culpas his verbis confitendo.

Pater Adm. Reuerende dico meam culpam Deo, & Tibi de omnibus
vi-

virijs, & negligentijs meis. In primis, quod Deum toto corde, tota mente, tota anima mea non dilexerim, proximumque meum sicut me ipsum non sim amore prosequutus. Deinde dico meam culpam, quod diuinis officijs diurnis, atq; nocturnis deuotè, & attentè non astiterim mandatis regule, & Superiorum non obediuerim, constitutiones, & diffinitiones non obseruauerim, sensus, & potentias meas in Dei seruitio non custodierim, vota, & omnia, & obligationes non adimpleuerim. Denique si aliquem Patrem, vel Fratrem dictis, vel factis offendi dico meam culpam, & peto veniam.

Tunc Prior salutarem singulis imponat penitentiam dicens. Dicant Sacerdotes pro commissis culpis semel: Laudate Dominum omnes gentes, cum Gloria Patri &c. non Sacerdotes autem semel recitent vnum Pater noster, cum Ave Maria.

4. His habitis redeat, qui culpam dixit ad locum suum, omnibusq; surrectis, & stantibus, commendet Prior, si qui sunt commendandi, Benefactores tam viuos, quam mortuos, vt pro ipsis Fratres affectuose orent dicendo: Retribuere dignare Domine Deus omnibus nobis bona facientibus propter nomen Sanctum tuum vitam aternam. R. Amen. (Const. cap. 27. num. 7. 8.) Psal. Ad te leuavi oculos meos &c. quo finito in communi cum Kyrie eleison. Christe eleison. Kyrie eleison dicat Superior: Pater noster (totum in silentio cum Fratribus recitando) postea subdat.

V. Et ne nos inducas &c. R. Sed libera nos &c.

V. Saluos fac seruos tuos.

R. Deus meus sperantes in te.

V. Domine exaudi orationem meam. R. Et clamor &c.

V. Dominus vobiscum. R. Et cum Spiritu tuo.

O R E M V S.

Pratende Domine fidelibus famulis, & famulabus tuis dexteram celestis auxilij, vt te toto corde perquirant & qua dignè postulant consequi mereantur. Per Christum Dominum nostrum. Amen.

5. Deinde immediatè pro Defunctis dicatur Psalm. De profundis cum Requiem aternam &c.

Postea Pater noster.

V. Et ne nos inducas &c. R. Sed libera &c.

V. A porta inferi. R. Erue Domine animas eorum.

V. Re-

V. Requiescant in pace. R. Amen.

V. Domine exaudi &c. R. Et clamor &c.

V. Dominus vobiscum. R. Et cum Spiritu tuo.

O R E M V S.


Fidelium Deus omnium conditor, & redemptor animabus famulorum, famularumq; tuarum remissionem cunctorum tribue peccatorum, ut indulgentiam, quam semper optauerunt pijs supplicationibus consequantur. Qui vivis, & regnas cum Deo Patre in Unitate Spiritus Sancti Deus per omnia secula seculorum. Amen.

6 Tandem Superior his verbis actionem terminet. Adiutorium nostrum in nomine Domini. R. Qui fecit calum, & terram. Et omnes bini, & bini ad refectorium tendant. Quod si contingat Priorem ad Fratres nolle sermonem habere, ingressus capitulum cum Fratribus ad locum sedeat; & incipiat ab actione culparum dicendo: Agamus de culpis; reliqua vsque ad finem modo explicato prosequendo. Si pariter eueniat Benefactores viuos, vel mortuos non esse commendandos, peracta actione culparum dicat Prior. Adiutorium nostrum &c. & hoc dicto inclinent se omnes Fratres ad Crucem bini cum silentio, & bini egrediantur.



RITVS XXII.

*Accedendi ad capitulum ante, & post mensam,
de benedictione eiusdem, & gratiarum actione.*

I  Ora competenti ante prandium, & coenam audito signo campanellæ omnes Fratres cum silentio intrent capitulum secundi claustri (hocq; præsertim in insignioribus Monasterijs, & saltem ante prandium) *Const. cap. 21.* ibi honestè sedentes, donec signum audierint à Superiore intrandi refectorium. Tunc si quis habet dicere culpam dicat. (1596. 24.) Hinc Prior dato signo Fratres introducat in refectorium, qui ad Crucem inclinato capite, bini, et bini ad refectorium ibunt, vbi hinc inde versis vultibus ordinatè astantes ex tunc ad benedictionem mensæ procedant, sicut in rubrica de benedictione mensæ posita in fine Breuiarij Romani per omnia continetur.

2 Peractis pariter prandio, et cæna ad Superioris nutum dicat Lector: *Tu autem Domine miserere nobis*; et tunc Fratres discooperto, et inclinato capite respondeant *Deo gratias*. Et statim omnes egrediantur de mensis, et ipsis astantibus, sicut in benedictione mensæ fecerunt, Cantor, seu Lector incipiat versum Gratiarum vsque ad punctum, et Fratres prosequentes communiter totum compleant, sicut in ordinario continetur. Qualibet autem die in Gratiarum actione post prandiū dicatur Psal. *Miserere mei Deus* etc. quo intonato à Lectore statim Fratres omnes versus capitulum processionaliter euntes (saltem, vt dixi in principalioribus Monasterijs, in alijs namq; poterit dici Psalmus in ipso refectorio) alternatim complebunt; et hic pariter omnia, quæ ad Gratiarum actionem spectant finem habebunt. In cæna vero loco *Miserere* dici poterit Psalmus: *Laudate Dominum omnes* etc. qui item diceretur in om-

omnibus diebus ieiuniorum, et tunc ad Capitulum ire non est necesse, sicuti nec dum alij Psalmi, dempto *Miserere*, recitantur; vt in Natiuitate Domini: *Cantate Domino &c.* In Epiphania: *Deus iudicium tuum &c.* & sic de alijs.

3 In diebus ieiuniorum ad collationē ibunt Fratres facto signo à Superiore, cum magno silentio. Ad propria peruentis loca, stantibusq; omnibus dicat Superior: *Ps. Benedicite. R. Deus. Ps. Collationem seruatorum suorum benedicat Christus Rex Angelorum. In nomine Patris &c. R. Amen.* Et tunc omnes sedebunt ad reficiendum. Completa refectōe, dicat Superior: *Sit nomen Domini benedictum. R. Ex hoc nunc, & vsque &c.* & statim omnes surgent, & à refectorio exhibunt.

4 In priuata mensæ benedictione, & gratiarum actione, hoc breuiori ritu quisquis vti poterit, si in prandio dicatur.

Ps. Benedicite. R. Benedicite.

Ps. Oculi omnium in te sperant &c. Gloria Patri &c. Kyrie eleison. Christe eleison. Kyrie eleison. Pater noster &c. Ps. Et ne nos inducas &c. R. Sed libera &c.

O R E M V S.

Benedic Domine Nos (signat se signo Crucis), & hac tua dona ✠ (benedicit mensam) qua de tua largitate sumus sumpsuri. Per Christum &c. Amen.

Ps. Iube Domne benedicere.

R. Mensa celestis participes faciat Nos Rex aterna gloria. Amen.

Tunc minor omnium dicet: *In nomine Domini Nostri Iesu Christi benedicti. Amen. Deus charitas est, & qui manet in charitate in Deo manet, & Deus in eo.*

5 In cēna dicto: *Benedicite*; subditur. *Ps. Edent pauperes, & saturabuntur &c.* Reliqua, vt in prandio præter benedictionem, quæ erit.

Ps. Iube Domne benedicere.

R. Ad cēnam vite aterna perducatur nos Rex aterna gloria. Amen. In nomine Domini Nostri Iesu Christi &c. vt supra.

Verum in Natiuitate Domini Nostri Iesu Christi, Epiphania, Tri-duo hebdomadæ mai. Paschate, Ascensione, & Pentecoste, loco versiculorum: *Oculi omnium &c. Edent pauperes etc.* dicendi sunt

sunt versiculi harum solemnitatum proprij, quique in fine Breuiarij ponuntur.

6 Pro gratiarum actione in fine prandij, et cœnæ dicere debemus.

Ps. Sit nomen Domini benedictum.

R. Ex hoc nunc, & usque in seculum.


ORÉMVS.

Retribuere dignare Domine omnibus nobis bona facientibus propter nomen tuum vitam aeternam. Amen.

Ps. Benedicamus Domino. R. Deo gratias.


Ps. Fidelium anima &c.

Deinde *Ps. Dominus det nobis suam pacem. Amen.*



RITVS XXIII.

Legendi in prima, & secunda mensa.

1  Via in regula dicitur: *cum acceditis ad mensam*, donec inde surgatis, quod vobis secundum consuetudinem legitur, sine tumultu, & contentionibus audite; (*Rub. 8. cap. 4.*) discreta legendi in mensa consuetudo seruanda est, quod vbi fuerint octo Fratres ad minus in mensa sedentes, et duo extra mensam, vnus videlicet legens, et alter seruiens, per totum prandium, et cœnam, donec inde surgatur, (*Confl. cap. 21.*) primo latinè, postea in fine lingua vulgari ad arbitrium Prioris, de Biblijs maximè, siuè alijs libris Sanctorum, semper legatur. Cui lectioni omnes cum silentio summo intendere debent, nec panem discooperire donec primò lectio incipiat, et signum à Priore fiat. Vbi autem non fuerint octo Fratres huiusmodi, sufficiet legere parum in principio, et parum circa finem, sicut discretioni Prioris videbitur expedire.

2 Ritus autem legendi huiusmodi erit, vt in Sabbati refectione vespertina, legi, vel cantari (vt moris est) incipiat liber ille scripturæ sacræ, qui in sequenti Dominico die ponitur in Matutinis; qui liber in prima lectione mensæ prosequendus erit tam in prandio, quam in cœna vsq; ad feriam sextam exclusiue. Feria verò sexta legi debet Regula tota Sancti P. N. Augustini, et in prandio Sabbati, vel expositio ipsius Regulæ, vel definitiones Congregationis ad arbitrium Superioris. In sero ieiuniorum nihil legitur, saltem in principio refectionis.

3 Verum ab hoc ordinario ritu sequentes excipiuntur dies Dominica Palmarum, in cuius prandio legitur sine cantu. *Passio D. N. I. C. S. Mattheum*, prout describitur in Missali; in cœna vero cantatur de Ieremia Propheta cap. 2. *Obstupescite celi* etc. quæ ponitur in Matutinis eiusdem diei. F. 2. mai. hebdom. pariter cantatur de

Iere-

Jeremia Propheta cap. 11. *Quid est, quod dilectus meus in domo mea &c.* vt legitur in matutinis feriæ tertiæ eiusdem hebdomadæ. Feria tertia legitur *Passio D. N. I. C. secundum Marcum*, vt iacet in missali. Feria quarta *Passio D. N. I. C. secundum Lucam*. Feria quinta Euangelium illius diei Io. 13. *Ante sex dies &c.* sed legi debet in Biblijs, vt lectio possit protrahi etiam ad sequentia adlibitum superioris. Feria sexta in Parasceue *Passio D. N. I. C. secundum Ioannem*. Sabbato verò canitur Euangelium: *Vespere autem Sabbati*; & post illud legitur regula S. P. N. Augustini.

4 Sic in die sancto Pascatis lectio in prandio erit Euangelium illius diei: *Maria Magdalene &c.* Marc. 11. quod cantabitur in tono mensæ. In cœna verò erit de Epistola prima B. Pauli Apost. ad Corint. cap. 5. *Expurgate vetus fermentum &c.* Hæc autem lectio, sicut, & aliæ omnes huius generis, legi debet ⁱⁿ in Missali, sed in Biblijs, vt diuturnior, si opus fuerit, protrahatur. Feria secunda in prandio erit Euangelium diei: *duo ex discipulis Iesu &c.* Luc. 24. In cœna de actibus Apost. de cap. 10. *Stans Petrus in medio plebis &c.* Fer. tertia in prandio Euangelium: *Stetit Iesus in medio &c.* Luc. 24. in cœna de act. Apost. de cap. 13. *Surgens Paulus, & manu silentium &c.* Feria quarta in prandio Euangelium: *Manifestauit se iterum Iesus &c.* Io. 21. in cœna de act. Apost. de cap. 3. *Aperiens Petrus os suum &c.* Feria quinta in prandio Euangel. *Maria stabat ad monumentum &c.* Io. 20. in cœna de act. Apost. cap. 8. *Angelus Domini locutus est ad Philippum &c.* Fer. 6. in prandio Regula S. P. N. Augustini; in sero autem (nisi sit ieiunium) de Epist. 1. B. Petri Apost. de cap. 3. *Christus semel pro peccatis &c.* Sabbato in prandio expositio regulæ, vel definitiones; in sero autem incipietur liber actuum Apost. qui ponitur in feria 2. post Dom. in Albis, & de eo legetur vsque ad statutum tempus.

5 Idem ordo seruabitur in tota octaua Pentecostes, vt in ipsa die Pentec. cantetur Euangelium in tono mensæ: *Si quis diligit me &c.* Io. 14. in cœna de act. Apost. cap. 2. *Cum complerentur &c.* Feria secunda in prandio Euangelium: *Dixit Iesus Nicodemo &c.* Io. 3. in cœna de oct. Apost. de cap. 10. *Aperiens Petrus os suum &c.* Fer. tertia in prandio Euangel. *Dixit Iesus Fariseis amen amen &c.* Io. 10. in cœna de act. Apost. cap. 8. *Cum audissent Apostoli &c.*

&c. Fer. 4. Euang. *Dixit Iesus turbis nemo potest venire etc.* Io. 6. Cum autem hac die sit ieiunium, si breue videbitur Euangelium, addi poterit de act. Apost. de cap. 2. *Stans Petrus cum undecim* &c. Fer. 5. in prandio Euangel. *Conuocatis Iesus duodecim, Philippus descendens etc.* Fer. 6., vt de more, Regula S. P. N. Augustini, et Sabbato Expositio, vel definitiones. Dominica autem Trinitatis incipiendus est liber primus Regum.

6 In Natiuitate pariter D.N.I.C. hic ordo erit lectionis mensæ, vt ipsa Natiuitatis die cantentur in prandio, et cœna lectiones primi nocturni ex Isaia cap. 9. *Primo tempore alleniata etc.* & cap. 40. *Consolamini, consolamini etc.* In festo S. Stephani de act. Apost. cap. 6. *In diebus illis crescente numero discipulorum etc.* In die S. Io. Apost. et Euang. Epistola prima S. Io. Apost. cap. 1. *Quod fuit ab initio etc.* In festo SS. Innocent. de Ieremia Proph. cap. 31. *Hæc dicit Dominus vox in excelsis etc.* Deinde initium erit Epistolæ B. Pauli Apost. ad Romanos, vt in ordine Breuiarij.

7 Alij adfunt dies festus priuilegiati, in quibus peculiare cantari poterunt lectiones, vt in Epiphania Domini de Isaia Prof. cap. 55. *omnes sitientes etc.* et cap. 60. *Surge illuminare Ierusalem etc.* In Ascensione Domini, Principium libri actuum Apost. *Primum quidem etc.* In festo corporis Christi, de Epistola prima B. Pauli Apostoli ad Corinthos cap. 11, *Conuenientibus vobis in vnum etc.* In Assumptione B. M. V. initium Cantici canticorum: *Osculetur me osculo etc.* In festo omnium Sanctorum, ex lib. Apocal. B. Ioannis Apost. cap. 4. *Et ecce sedes posita erat in caelo etc.* et etiam in solemnitate S. P. N. Augustini, de libro Ecclesiastici cap. 59. *Ecce Sacerdos magnus, qui in vita sua suffulsi etc.*

8 Talis itaq; erit legendi, seu cantandi ritus in prima mensa; in secunda namque vsq; ad finem mensæ legendi sunt sine cantu libri spirituales italica lingua conscripti, puta de vitis Sanctorum: (1596. 24. 1619. 12. 1621. 15.) de vitis Pont. B. Iordani de Saxonia: de mundi vanitate: de exercitijs religiosi: de oratione, et consimiles; et in triduo maioris hebdomadæ de Passione Christi: de Dei misericordia etc. et interdum pro libito superioris legendæ sunt definitiones Congregationis ad præscriptum legum nostrarū. Hæc autem lectio secundæ mensæ durare debet vsq; ad finem, ita

vt

ut statim lectione terminata ad nutum Prioris dicatur: *Tu autem* etc. (*Const. cap. 21.*)

9 Præter Superius dicta aliqua sunt decreta à Summis Pontificibus edita, quæ in communi mensa, vel Capitulo Conuentus semel, vel bis in anno legenda sunt. Et

Primò Decretum Sanctæ Inquisitionis Urbani VIII. incipit: *Sanctiss. Dominus noster sedulo incumbens* etc. Fer. 6. post oâ. Assumptionis B. M. V. vel saltem in mense Augusti.

Secundò Decretum de Largitione munerum Clement. VIII. incipit *Religiosa Congregationes*; cum declarat Urbani VIII. *Nuper à Congregatione* etc. semel saltem in anno videlicet mense Ianuarij.

Tertiò Decretum de celebratione Missarū. Urbani VIII. incipit: *Cum sepe contingat* etc. Fer. 2. post Dom. 1. Aduentus, et Fer. 6. post oâ. corporis Christi; Vel saltem in vno ex decem sequentibus diebus.

4 Decreta Sacr. Congreg. sub Urbano VIII. de Apostatis, et eiectis; incipiunt: *Sacra Congregatio* etc. bis in anno pro libito Superiorum.



RITVS XXIV.

Itinerarij Fratrum.

I VM Fratres debent aliquò ire die sequenti non reuerfuri accedant ante altare maius, & pofitis genibus dicant Pfal. *Beati immaculati in via &c.* (Conft. cap. 9. nu. 5. & 6.) vsq; *Retribue; cum Gloria Patri &c.*
Kyrie eleifon. Chriſte eleifon. Kyrie eleifon. Pater noſter. Totum.
V. Et ne nos inducas &c. R. Sed libera &c.
V. Saluos fac ſeruos tuos. R. Deus meus &c.
V. Mitte eis Domine &c. R. Et de Sion &c.
V. Domine exaudi &c. R. Et clamor &c.
V. Dominus vobifcum. R. Et cum Spiritu tuo.

O R E M V S.

Adeſto Domine ſupplicationibus noſtris, & viam famulorũ tuorũ in ſalutis tuæ proſperitate diſpone, vt inter omnes via, & vita huius varietates tuo ſemper protegantur auxilio. Per Chriſtum &c. Amen.

2 Cum verò redierint poſitis genibus ante maius Altare dicant Pſal. *Leuani oculos meos &c.* cum Gloria Patri &c. *Kyrie eleifon. Chriſte eleifon. Kyrie eleifon. Pater noſter. Totum.*
V. Et ne nos inducas &c. R. Sed libera &c.
V. Saluos fac ſeruos tuos &c. cum alijs verſiculis vt ſupra.

O R E M V S.

Omnipotens ſempiternus Deus miſerere his famulis tuis, & quidquid eis in via ſurripuit viſus, auditus, vel cogitatus male rei, aut otioſi ſermonis, totum ineffabili pietate abſerge. Per Chriſtum &c.

3 Ritùs hic itinerarium recitandi ex conſtitutionibus deſumitur. Aliud in Breuiario Romano reperitur pro Clericis Itinerarium, quo pariter ad placitum vti poterunt Fratres Congregationis cum quiſque præ manibus illud habere poſſit, nec propterea opus ſit in hoc Rituali tranſcribere.

RITVS XXV.

Induendi mantellatum, vel mantellatam.

Congregatis Patribus in Capitulo, vel Sacristia. (*Compend. Priuileg.*) P. Prior cum alba stola in medio sedens ad ipsius pedes ducere faciet deuorum illū, qui mantu S. P. Augustini vestiri cupit; & dicto *V. Adiuutorium &c. Quisfecit &c.* obligationes, ac debita legat, quibus mantellati, & mantellatæ Cōgregationi nostræ adstringuntur, scilicet semper deferendi cinturam, quoridiē recitandi tredecim *Pater noster*, & totidem *Aue Maria*, cum *Salve Regina* in honorem D. N. I. C., Sanctorum Apostolorum, ac Beatissimæ Virginis consolationis, & pro felici conseruatione S. Matris Ecclesiæ, sæpē confitendi peccata sua, & communicandi præcipuē in solemnioribus diebus, nec non in festis Sanctorum Patris Augustini, Monicæ, Nicolai de Tolentino, ac Thomæ de Villa noua; item in quartis Dominicis mensis, & die processionis generalis cincturatorum; interueniendi ad processiones diebus solitis, & indulgentias acquirendi, ieiunandi in Vigilia S. P. Augustini; in morte cuiuscumque Fratris sex *Pater noster*, & sex *Aue Maria* cum *Gloria Patri* recitandi, exemplum bonorum operum præbendi &c. Quod si promiserit omnia obseruare, tunc P. Prior pallium, vel Mantum benedicet dicens.

V. Domine exaudi &c. R. Et clamor &c.

V. Dominus vobiscum. R. Et cum Spiritu tuo.

O R E M V S.

Deus æternorum bonorum fidelissime promissor, & certissimè persolutor, qui vestimentum salutis, & indumentum iocunditatis tuis fidelibus promissi, clementiam tuam humiliter exposcimus, ut hoc indumentum mortificationem corporis, & contemptum mundi significans propitiū benedicas, ✠ & quem vestibus Confraternitatis nostræ induere volumus, beata facias immortalitate vestiri, Per Christum &c.

2 Aspergatur deinde pallium aqua benedicta. Postea si deustus ille, vel deuota ex numero non fuerit corrigiatorum, ac consequenter cinctura benedicta canonicè præcinctus, etiam cinctura benedicatur dicendo.

O R E M V S.

Omnipotens sempiternæ, & misericors Deus, qui pietatis tuæ peccatoribus misericordiam quærentibus veniam, & misericordiam tribuis, oramus immensam clementiam tuam, ut hanc corrigiam benedicere, ✠ sanctificare digneris, ut omnis persona, quæ pro peccatis suis illa præcincta fuerit, atq; eam portauerit, grata tibi contineatur, mandatorumq; tuorum obedientiam seruet; & intercedentibus B. M. semper Virgine, Beatoq; Patre Augustino, atq; Matre Monica veniam peccatorum suorum obtineat, & vitam consequatur æternam. Per Christum &c. Amen.

O R E M V S.

Precamur te Domine Sancte, Pater omnipotens, æternæ Deus, ut hanc corrigiam in signum puritatis benedicas ✠ ad restringendos lumbos, & renes, & voluntatem sub tua lege comprimendam, ut quicumq; illam deuotionis studio semper portauerit, misericordiam tuam implorauerit, veniam, & indulgentiam tuâ sanctissimæ misericordiæ consequatur. Per Christum &c. Amen.

Postea aspergatur corrigia aqua benedicta, quam manibus accipiens P. Prior, ea præcinget personam dicens.

Accipe corrigiam super lumbos tuos, ut sint lumbi tui præcincti in signum castitatis, & temperantiæ. In nomine Patris, & filij &c.

3 Si autem cincturatorum Confraternitati persona hæc aggregata fuerit, omnibus omissis, quæ circa corrigiam præstantur, post pallij, seu mantus benedictionem, illum super humerum personæ imponet his verbis.

Accipe pallium nigrum in signum penitentiae, & mortificationis, ut in nostra Fraternitate Deo uiuas. In nomine Patris &c.

Ex inde ei porriget paruam crucem in manu subdens.

Accipe crucem, ut post Saluatorem ad cælestia regna per ipsam peruenire merearis. In nomine Patris &c. Amen.

4 His habitis, omnibus genuflexis dicantur Litanæ.

KYrie eleison. *Christe eleison. Kyrie eleison.*

Christe audi nos

Christe exaudi nos

Pater de cælis Deus

Fili redemptor mundi Deus

Spiritus Sancte Deus

Sancta Trinitas vnus Deus

Sancta Maria

Sancta Dei genitrix

Sancta Virgo Virginum

Mater Christi

Mater Consolationis

Mater Clementissima

Virgo Sanctissima

Virgo Castissima

Speculum sine macula

Domus Sapientie

Porta Cæli

Ciuitas refugij

Causa nostra latitie

Salus in te confidentium

Auxilium Christianorum

Consolatrix afflictorum

Regina Sanctorum omnium

Propitius esto semper ei Domine

Ab omni malo

Ab omni peccato

Ab omni spiritu impuritatis

A transgressionem mandatorum Dei

Ab insidijs Diaboli

A peste, fame, & bello

A cunctis periculis

Per immaculatam Conceptionem tuam

Per Sanctam Natiuitatem tuam

Per venerabilem Praesentationem tuam

Per admirabilem Annuntiationem tuam

miserere nobis

miserere

miserere

miserere

ora pro eo, vel ea

ORA

ORA

ORA

ORA

ORA

ORA

ORA

ORA

ORA

ORA

ORA

ORA

ORA

ORA

ORA

ORA

libera eum Domine

libera

libera

libera

libera

libera

libera

libera

libera

libera

libera

libera

Per

Per mundissimam Purificationem tuam libera
Per gloriosissimam Assumptionem tuam libera
 Peccatores te rogamus audi nos

Vt Ecclesia Sancta, cunctoq; populo Christiano simul cum isto famulo
tuo pacem, & veram concordiam impetrare digneris te rogamus
Vt omnes societates, & confraternitates tibi peculiari obsequio deuotas
conseruare, & augere digneris te rogamus

Vt fidei, spei, & charitatis augmentum famulo tuo, ac nobis impe-
trare digneris te rogamus

Vt animā huius, ac nostras, Fratrum, Sororum, Propinquorum, & Benefactorum
nostrorum ab aeterna damnatione eripi impetrare digneris te rogamus

Vt hunc famulum tuum nobis associatum, ad salutem mentis, & cor-
poris custodire digneris te rogamus

Vt ad salutem aeternā per bona opera eum perducere digneris te rogamus

Vt omnibus defunctis requiem aeternam impetrare digneris te rogamus

¶. Ora pro eo Sancta Mater Consolationis.

R. Vt dignus efficiatur promissionibus Christi.

¶. Ora pro eo B. Pater Augustine.

R. Vt dignus efficiatur promissionibus Christi.

¶. Ora pro eo B. Mater Monica.

R. Vt dignus efficiatur promissionibus Christi.

Tunc Superior surgens dicat

O R E M V S.

Defende quesumus Domine B. Maria semper Virgine, B. Patre no-
stro Augustino, atq; Matre Monica intercedentibus istum ab omni ad-
uersitate Fraternitati nostra aggregatum, & toto corde tibi prostratum
ab hostium propitiis tuere clementer insidijs. Per Christum &c.

5. Deinde si per literas patentes Patris Vicarij Generalis fuerit
 hæc persona Congregationi aggregata, Pater Superior ei dictas
 literas porrigens dicet: *Accipe literas Rev. Patris nostri Vicarij Ge-*
neralis auctoritate, cuius, & virtute prædictarum literarum aggrego te
ad societate, & Fraternitatem Congregationis nostre, & participem
te facio Indulgentiarum, ac aliorum omnium bonorum spiritualium Con-
gregationis nostre. In nomine Patris &c.

Tandem aspergat aqua benedicta, & benedicens subdet.

Benedictio Dei omnipotentis descendat super te, & maneat semper.

R I-

RITVS XXVI.

Induendi Pizocheras.

Benedictio Corrigæ.

Prior dicat *V. Adiutorium &c. R. Qui fecit &c.*
V. Domine exaudi &c. R. Et clamor &c.
V. Dominus vobiscum: R. Et cum Spiritu tuo.
 (Compend. Priuilg. Bonon. & Veron.

O R E M V S.

Omnipotens, sempiterna, & misericors Deus, qui pietatis tue misericordiam peccatoribus querentibus veniam, & misericordiam tribuisti, oramus immensam clementiam tuam, ut has corrigias benedicere, & sancti ✠ ficare digneris, ut quacumq; pro peccatis suis cincti fuerint, & misericordiam tuam implorauerint, veniam, & indulgentiam tue sancte misericordia consequantur. Per Christum Dominum nostrum. Amen.

Benedictio Veli.

Benedic quasumus Domine Velamina ista famula tue capiti imponenda: ut in ea bene ✠ dictio tue benignitatis descendat, ut sit in ea sanctitas, castitas, virtus, & victoria, sanctimonia, humilitas, bonitas, & mansuetudo legis, plenitudo obedientia; Dei, & Patris, & Filij, & Spiritus Sancti adsit semper bene ✠ dictio. Per Christum Dominum &c.

Benedictio Clamidis.

Deus, qui vestimentum singulare ad indumentum aeternæ iocunditatis tuis fidelibus promisti, clementiam tuam suppliciter exoramus, ut hæc indumenta humilitatem cordis, & contemptum mundi significantia, quibus famula tue in sancto, ac firmo proposito vestiri desiderant, propitiis bene ✠ dicas, & castitatis habitum, quem te inspirant suscipiunt, te protegente custodiant, ut quas venerandis professionis vestibus induis temporaliter, beata facias immortalitate vesti. Per Dominum nostrum &c.

O R E-

RITVALE OREMVS.

Domine Iesu Christe, qui tegumen nostra mortalitatis dignatus es inducere, obsecramus immensa largitatis tuae abundantiam, ut hoc genus vestimentorum, quod Sancti Patres ad humilitatis inditum ferre sanxerunt; ita bene ✠ dicere digneris, ut haec famulae tuae, qua coarsa fuerint, te inducere mereantur. Qui vivis &c.

Benedictio Coronae.

OREMVS.

Domine Iesu Christe, qui Discipulos orare docuisti, suscipe quaesumus benedicendo orationes famularum tuarum, ut illarum oratio, à te semper incipiat, & per te capta finiatur. Qui vivis &c.

Completa benedictione asperguntur tam vestimenta, quam ipsae Mulieres.

Postea exuendo dicitur sequens

ORATIO.

Exuat te Dominus veterem hominem cum actibus suis, & renouato spiritu mentis tuae, induat te nouum hominem, qui secundum Deum creatus es in iustitia, & Sanctitate veritatis. In Christo Iesu Domino nostro.

Postea dicuntur orationes sequentes.

Adesto Domine supplicationibus nostris, ut haec famulas tuas bene ✠ dicere digneris, quibus in tuo nomine habitum Sanctae Religionis imponimus, ut te largiente deuote in Religione persistant. Per Dominum nostrum &c.

ORATIO.

Deus misericors, Deus clemens, cui cuncta bona placent, sine quo nullum bonum inchoatur, nullumq; bonum perficitur: adsint nostris humillimis precibus tuae pietatis aures; Et haec famulas tuas, quibus in tuo Sancto nomine Religionis habitum imponimus, à mundi impedimento, & seculari desiderio defende, & concede eis in hoc sancto proposito deuote persistere, ut remissione peccatorum percepta, ad Electorum tuorum valeant peruenire consortium. Per Christum Dominum nostrum. Amen.

Deinde cingitur vnusquisque corrigia dicendo.

Accipe corrigiam super lumbos tuos: ut sint lumbi tui praecincti in signum castitatis, & temperantiae. In nomine Patris, & Filij, & Spiritus Sancti. Amen.

Po-

Postea distribuatur candelas Sororibus dicendo.

Et sit lucerna ardens in manibus vestris in signum pudicitia, & honestatis. In nomine Pa ✠ tris, & Fi ✠ li, & Spiritus ✠ Sancti. Amen.

Cum ponitur Velamen album dicitur.

Accipe Velum super caput tuum, in signum obedientia, munditia, & puritatis. In nomine Pa ✠ tris, & Fi ✠ li, & Spiritus ✠ Sancti. Amen.

Induendo Clamidem dicitur.

Accipe Clamidem nigram in signum penitentia, & mortificationis: ut mortua mundo, Deo viuas. In nomine Pa ✠ tris, & Fi ✠ li, & Spiritus ✠ Sancti. Amen.

Cum datur Corona dicitur.

Nunc accipe signum orationis in manibus tuis; ut more contemplantium contempta felicitate terrena, & presentem vitam habeas in penitentia, & in desiderio futuram: cupiens dissolui, & esse cum Christo. In nomine Pa ✠ tris, & Fi ✠ li, & Spiritus Sancti. Amen.

Cantatur deinde.

Veni creator Spiritus. Totus ut ritu sequenti.

V. Emitte Spiritum tuum &c. R. Et renouabis &c.

V. Post partum &c. R. Dei genitrix &c.

V. Ora pro nobis B. Pater Augustine.

R. Ut digni efficiamur promissionibus Christi.

V. Ora pro nobis B. Mater Monica.

R. Ut digni efficiamur promissionibus Christi.

V. Domine exaudi &c. R. Et clamor meus &c.

V. Dominus vobiscum. R. Et cum Spiritu tuo.

O R E M V S.

Deus, qui corda fidelium Sancti Spiritus illustratione docuisti, da nobis in eodem spiritu recta sapere, & de eius semper consolatione gaudere. Per Dominum nostrum &c. In unitate eiusdem spiritus &c.

Concede nos famulos tuos. quasumus Domine Deus perpetua mentis, & corporis sanitate gaudere, & gloriosa Beata Maria semper Virginis intercessione a presenti liberari tristitia, & aeterna perfrui latitia. Per Dominum &c.

Adesto supplicationibus nostris omnipotens Deus, & quibus fiducia spe-

Speranda pietatis indulgēs, intercedente B. Patre nostro Augustino Confessore tuo, atq; Pontifice, consueta misericordia tribue benignus effectum. Per Dominum &c.

Deus parentium consolator, & in te sperantium salus, qui B. Monica piās lacrimas in conuersione dilectissimi filij sui Augustini, misericorditer suscepisti: da nobis vtriusque interuentus peccata nostra deplorare, & gratia tua indulgentiam inuenire. Per Dominum &c.

Pratende Domine famulis, & famulabus tuis dexteram celestis auxilij, ut te toto corde perquirant, & qua dignè postulant consequi mereantur. Per Dominum &c.

His finitis: Prior porrigendo librum in earum manibus dicat eis.

Promittitis vos seruare obedientiam, & viuere secundum vitam, & ordinationem Dominarum uestrarum.

Si promittunt, tunc Prior subiungit dicens

Dominus, qui capit in vobis opus bonum, ipse perficiat ad augmentum gratiæ, & gloriæ, meritis Beatissimi Patris nostri Augustini, eiusque deuotissima Matris Monica. Amen.

Et ego auctoritate Patris nostri Reuerendissimi Vicarij Generalis, qua fungor, indultuq; Apostolico mihi commissio, vos recipio, atque accepto, & participes omnium bonorum, qua sunt per totam Congregationem nostram constituo. In nomine Patris, & Filij, & Spiritus Sancti. Amen.

Ite in Pace.



R I T V S XXVII.

*Erigendi, & fundandi Societatem Cinturatorum
in Ecclesijs secularibus.*

T vniformis circa foundationem, & erectionem societatis Cinturatorum extra Religionis nostræ Ecclesias teneatur Ritus, modum hic apponere statui, illi consimilem, quo Ordinis Prædicatorum Patres in erectione Confraternitatis Rosarij passim vtuntur, vtpotè cæteris omnibus perfectiorem, & calculis omnibus adæquatum.

2 Habitis instantijs pro Cōfraternitatis erectione à Parocho, vel Rectore illius Ecclesiæ, in qua societas est fundanda, imò & à loci Communitate, si opus fuerit, Priori Conuentus Ciuitatis, vel loci in cuius Diçcesi, vel districtus Ecclesia illa fuerit, vel saltem Priori Conuentus vicinioribus factis. Tunc idem Prior, vel alius ex grauioribus Patribus de eius commissione ad locum, cum plenaria facultate societatem erigendi se transferat, cui Prior huiusmodi literas consignabit.

Nos Frater N. de N. Prior Conuentus S. N. Ordinis Eremitarum S. August. Congr. Obs. Lomb. dilecto filio R. P. A. de B. eiusdem Ordinis, & instituti in Domino salutem.

Requisti instantèr fuimus à R. Rectore, & alijs multis loci de A. vt societatem Cinturatorum Beatissimæ Virginis Maria Consolationis, & S. M. Monica in Ecclesia S. N. dicta terra, vel loci A. Diçcesis B. erigere, plantare, & instituere vellemus. Nos autem eorum supplicationibus nobis porrectis inclinati, & informati dictam terram nullam aliam habere huiusmodi societatem, deuotionem ipsorum commendantes, Tibi R. P. Fr. N. præfato committimus, vt nostra auctoritate Tibi hac vice tantum specialiter collata, dictam sodalitatē Cinturatorum in prædicta Ecclesia S. N. Terra L. loci A. media predicatione instituas, plan-

plantas, & erigas, omnes utriusq; sexus personas in eam ingredi deuotè petentes recipias, & in libro ad hoc deputato scribas, corrigias benedicas, orandi ritum explices, & suadeas; omnia denique, & singula facias, quæ per nostri Ordinis Fratres in nostris Ecclesijs ad id deputatos fieri solent, & possunt; Poterisq; aliquem idoneum R. Sacerdotem deputare supra erectam societatem cum facultate scribendi, benedicendi, & recipiendi Confratres. Quos admoñebis, quod si contigerit aliquando Fratres nostros Ecclesiam habere in dicto loco A. ipsâ factò absq; alia declaratione ad nostram Ecclesiam ipsa societas cum omnibus bonis suis spiritualibus, & temporalibus statim deuoluetur; Tenebunturque se regere iuxta ordines, & statuta Archiconfraternitatis Sanctissimæ Virg. Consolationis in Ecclesia S. Iacobi Bononiæ erectæ; & ulterius quam primum à Reuerendiss. Patre Generali aggregationem præfatæ Archiconfraternitati per Ad. R. P. Procuratorem Generalem nostrum obtinere, qua mediante omnibus gratijs, & indulgentijs gaudebunt. eidem Archiconfraternitati concessis. In nomine Patris &c. In quorum fidem his sigillo nostri Conuentus S. N. munitis manu propria subscripsimus.

Dai.

die

mensis

anni

F. N. de N. Prior qui supra manu propria.

3 Ad designatum locum cum literis patentibus Pater qui supra peruentus, congregato in Ecclesia populo, hora opportuna, de excellentia huius sodalitatis, gratijs, indultis, indulgentijs, priuilegijs, Confratrum obligationibus &c. sermonem habebit; quibus peractis coram Altari: *Veni Creator spiritus* intonanabit, quem cæteri prosequuntur. Deinde dictis consuetis versiculis, & oratione; Item antiphona B. Mariæ Virginis. *Sub tuum præsidium*, cum versiculo: *ora pro nobis* &c. & oratione: *Concede nos famulos tuos* &c. & ulterius pro S. Matre Monica. *Augustini mater deuotissima, quem carne prius pepererat mundo, charitatis visceribus postmodum multo semine lachrymarum genuit Christo.* ¶ *Ora pro nobis* &c. R. *Vt digni* &c.

O R E M V S.

Deus mentium consolator, & in te sperantium salus, qui B. Monica pijs lacrymas in conuersione filij sui Augustini misericorditer suscepisti da nobis utriusq; interuenient peccata nostra deplorare, & misericordie tue gratiam inuenire. Per Christum &c.

4 Ad populum versus facultatem, & auctoritatē sibi concessam.

cum

cum omnibus clausulis, & conditionibus in literis contentis explicabit; quæ omnia si populus acceptauerit, tunc alia, & intelligibili voce pronuntiabit.

Ego F. A. de B. Ordinis &c. auctoritate mihi commissa ab Ad. R. P. N. de N. Priore Conuentus S. N. de L. in cuius Diocesi sita est præfens Ecclesia, instituo, erigo, & planto societatem Corrigatorum Sanctissimæ Virginis Mariæ Consolationis, & S. Matris Monicæ in hac Ecclesia Sancti N. loci N. ad Altare Sancti B. (hic nominabit Altare, cui societas est vnienda) eamque institutam, erectam, & plantatam declaro cum omnibus gratijs, privilegijs, & indulgentijs, quibus huiusmodi societates potiri, frui, & gaudere solent, postquam à Reuerendissimo P. Generali aggregationem Bononiensi Archiconfraternitati obtinuerit. Ad laudem, & honorem Omnipotentis Dei, Beata semper Virginis Mariæ Consolationis Regina, ac B. Patris Augustini, & S. Matris Monicæ, & omnium Sanctorum, & Sanctarum Dei, ad animarumque salutem. In nomine Patris, & Filij, & Spiritus Sancti. Amen.

5 His completis per Notarij manus documentum conficere curabit, in quo huiusmodi foundationis actio à principio ad finem cum literis patentibus, clausulis, & conditionibus supra expositis diligenter describatur. Exinde benedicat corrigias, si quæ sunt benedicendæ, lumbos petentium præcingat, omnesque in libro scribere faciat, & demum, vel Rectorem pro tempore, vel alium idoneum Presbyterum designet, qui impofterum societati fideles aggreget, & in libro scribat tanquam Confraternitatis custos, & tandem: *Te Deum laudamus* genuflexus cum alijs cantabit, vel recitabit, & in fine *V. Saluos fac seruos tuos &c. Domine exaudi &c. Dominus vobiscum &c.*

O R E M V S.

Descende quæsumus Domine B. Maria semper Virgine intercedente istam ab omni aduersitate societatem toto corde tibi prostratam, & ab hostium propitius tuere clementer insidijs.


Actiones nostras quæsumus Domine aspirando præueni, & adiuvando prosequere, ut cuncta nostra Oratio, & operatio à te semper incipiat, & per te cæpta finiatur.

Agimus tibi gratias omnipotens Deus pro vniuersis beneficijs tuis,
qui

qui vivis, & regnas in sacula saculorum. Amen.

Postea benedicat populum dicens : *Benedictio Dei omnipotentis Patris, Filij, & Spiritus Sancti descendat super vos, & maneat semper. Amen.*


6 Sciendum denique, quod si Prior ipse Conuentus personaliter ad fundandam societatem perrexerit absque literis patentibus ibit, sed nihilominus clausulas omnes, conditiones, & circumstantias in ipsis literis supra exaratis contentas populo manifestabit, & in instrumento manu Notarij confecto describere diligenter curet ad rei perpetuæ memoriam, ijs tantum omiſſis, quæ præcisam Prioris commissionem concernunt. Sic in ipsa societatis erectione præstabit dicens : *Ego Fr. N. Prior &c. in cuius Diocesi sita est præsens Ecclesia nomine Reuerendissimi &c.* In reliquis omnia seruando, quæ supra explicata sunt.








R I T V S X X V I I I .

Recipiendi aliquem, & aggregandi Confraternitati Cincturatorum.

I  Tſi paſſim hic Ritus in libellis ſacræ Cincturæ ita-
lica deſcriptis lingua inueniatur, (*Ex libro Cinct. Bo-
non. & Verona*) inutile non erit tamen hic illum re-
ponere, vt facilius præ manibus habeatur. In pri-
mis igitur Pater Cuſtos varias faciat interrogationes ijs, qui ſan-
ctam Confraternitatem ingredi cupiunt, purâ an velint recipi in
Societate Cincturatorum D. N. I. C., Glorioſæ Virginis Mariæ
Conſolationis, ac Sanctorum Patris Auguſtini, & Matris Monicae.
An firmo ſint animo, & voluntate exequendi, ac obſeruandi huius
ſanctæ Confraternitatis ordinationes, Domino adiuuante &c.
Quod ſi affirmatiuè reſponderint. Tunc Pater Cuſtos ſubdat.

*Et Ego vos accipio in hac ſancta Societate Saluatoris noſtri Jeſu Chri-
ſti, Beatiffimæ Virginis Conſolationis, ac Sanctorum Patris Auguſtini,
& Matris Monicae, Fratres, vel Sorores Confratrum omnium huius Socie-
tatis, participesq; omnium gratiarum, quæ ipſi conceſſæ ſunt. In nomi-
ne Pa- tris, & Fi- lij, & Spiritus  Sancti. Amen.*

2 Poſtea benedicat Corrigiam dicens.

- V. Adiutorium noſtrum &c. R. Qui fecit Cælum, & terram.*
- V. Domine exaudi &c. R. Et clamor &c.*
- V. Dominus vobiſcum. R. Et cum ſpiritu tuo.*

O R E M V S.

Omnipotens ſempiternæ &c.

Præcamur te Domine &c.

Quæ ſupra ponuntur in Ritu 25. induendi Mantellatum, vel Man-
tellatam num. 2.

Exinde Pater Custos benedicat Coronam.

Domine Iesu Christe, qui per Discipulos tuos orare docuisti, suscipe quesumus benedicendo ✠ orationes famulorum, famularumq; tuarum, ut illorum oratio à te semper incipiat, & per te capta finiatur. Qui vivis, & regnas in sacula &c.

O R E M V S.

Adesto Domine supplicationibus nostris, ut hos famulos tuos (vel in singulari) quibus in tuo Sanctissimo nomine Corrigham nostrae sacrae Religionis imponimus, te largiente semper devotè in religione persistant. Per Christum Dominum &c.

O R E M V S.

Deus misericors, Deus clemens, Deus, cui cuncta bona placent, sine quo nihil boni inchoatur, nullumq; bonum perficitur, ad sine nostris humilibus precibus tuae pietatis aures, & hos famulos, vel famulas tuas, quibus in tuo sancto nomine Corrigham nostrae sacrae Religionis imponimus, à mundi impedimento, vel seculari desiderio defende, & concede in hoc sancto proposito devotè semper perseverare, ut remissione peccatorum percepta, ad Sanctorum electorum tuorum valeant pervenire confortium. Per Christum Dominum nostrum &c.

O R E M V S.

Domine Iesu Christe lux vera, quae illuminat omnem hominem venientem in hunc mundum infunde bene ✠ dictionem tuam super has creaturas tuas, & eas sancti ✠ fica lumine gratiae tuae, ut gratia Spiritus Sancti illustrata, omnium vitiorum cacitate careant, ut purgato mentis oculo, & cernere possint, quae tibi sunt placita, & suae salutis utilia, & post huius saeculi caliginosa discrimina ad lucem indeficientem pervenire mereantur per te Iesu Christe Saluator mundi. Qui in Trinitate vivis, & regnas Deus per infinita saecula saeculorum. Amen.

3 Demum Pater Custos aqua benedicta aspergat Corrighas, Coronas, & personas dicendo: *Asperges &c.*

Postea accipiat Corrigham, & cingat personam dicens.

Accipe Corrigham super lumbos tuos, ut sint lumbi tui praecincti in signum castitatis, & temperantiae. In nomine Patris &c.

Accipiat deinde Coronam, & ponat in manibus illius.

Accipe signum orationis in manibus tuis, ut more contemplantium, contempta felicitate terrena, & praesentem vitam habeas in patientia, & in

in desiderio futuram, cupiens dissolui, & esse cum Christo. In nomine Patris &c.

Postmodum accipiat candelam accensam, & porrigat illi dicens.

Accipe candelam in manibus tuis in signum superna illustrationis, & inflammantis charitatis, ut sis lucerna ardens super candelabrum sanctum in signum pudicitie, & honestatis, In nomine Patris &c.

4 Deinde subiungat.

V. Saluos fac seruos tuos. R. Deus meus sperantes in te.

V. Domine exaudi &c. R. Et clamor &c.

V. Dominus vobiscum. R. Et cum Spiritu tuo.

O R E M V S.

Domine Iesu Christe, qui dixisti Discipulis tuis: Qui vult venire post me abneget semetipsum, & tollat Crucem suam, & sequatur me, da famulis, & famulabus tuis post te venire desiderantibus hanc sanctam Societatem ingressis semper, & ubique tibi placere, se se abnegare, Crucem suam tollere; Te sequi, & ad te tandem venire. Qui cum Patre, & Spiritu Sancto vivis, & regnas Deus in sacula saculorum. Amen.

H Y M N V S.

Veni Creator Spiritus,
Mentes tuorum visita,
Imple superna gratia,
Qua tu creasti pectora.

Qui diceris Paraclitus
Altissimi donum Dei,
Fons vivus ignis charitas,
Et spiritalis unctio.

Tu septiformis munere
Digitus paterna dextera,
Tu rite promissum Patris,
Sermonem ditans guttura.

Accende lumen sensibus,
Infunde amorem cordibus,
Infirma nostri corporis
Virtute firmans perpeti.

Hostem repellas longius,
Pacemq; dones protinus,

*Ductore sic te prauio,
Vitemus omne noxium.*

*Per te sciamus da Patrem,
Noscamus atq; filium,
Teq; vtriusque spiritum
Credamus omni tempore.*

*Deo Patri sit gloria,
Et Filio, qui à mortuis
Surrexit, ac Paraclito.
In seculorum sacula. Amen.*

V. Emitte spiritum tuum, & creabuntur.

R. Et renouabis faciem terra.

V. Post partum Virgo inuiolata &c.

R. Dei genitrix intercede pro nobis.

V. Ora pro nobis B. Pater Augustine.

R. Vt digni efficiamur promissionibus Christi.

V. Ora pro nobis B. Mater Monica.

R. Vt digni efficiamur promissionibus Christi.

O R E M V S.

*Deus, qui corda fidelium Sancti Spiritus illustratione decuisti,
da his famulis tuis in eodem spiritu recta sapere, & de eius semper con-
solatione gaudere.*

*Concede nos famulos tuos, quasumus Domine Deus perpetua men-
tis, & corporis sanitate gaudere, & gloriosa Beata Maria super Virgi-
nis intercessione à præsenti liberari tristitia, & æterna perfrui letitia.*

*Concede quasumus omnipotens Deus, ut qui peccatorum nostrorum
pondere premimur Beati Augustini Patris Confessoris tui, atque Pon-
tificis patrocinio subleuemur.*

*Deus merentium Consolator, & in te sperantium salus, qui B.
Monica piis lacrimas in conuersione filij sui Augustini misericordi-
ter suscepisti, da nobis vtriusque interuentu peccata nostra deplorare, &
gratie tuae indulgentiam inuenire.*

*Pratende Domine fidelibus tuis dexteram celestis auxilij, ut te toto
corde perquirant, & quæ digne postulant consequi mereantur.*

*Actiones nostras, quasumus Domine aspirando præueni, & adiuvan-
do proficere, ut cuncta nostra oratio, & operatio à te semper incipiat,
& per*

& per te capta finiatur. Per Christum. &c.

His habitis Custos subiungat.

Dominus, qui capit in vobis opus bonum ipse perficiat, & augmentum gratia, & gloria meritis B. P. N. Augustini, eiusq. deuotissima Matris Monica vobis concedat. Amen.

Et ego auctoritate, qua fungor, indultoq. Apostolico mihi commisso vos recipio, atque accepto, & participes omnium bonorum, qua sunt per totam Congregationem nostram constituo.


Benedictio Dei omnipotentis Patris, ✠ & Filij, ✠ & Spiritus Sancti descendat super vos, & maneat semper. Amen.

Moneat tamen eos de agendis, & adimplendis in hac sancta Societate, & dimittat.



R I T V S XXIX.

Informationes capiendi pro Nouitio in Congregatione vestiendo, easq; mittendi ad P. Vic. Gen.

1  N executione decreti Sanctissimi D. N. Alexandri Papæ VII. pro Nouitijs in Congregatione nostra vestiendis ante omnia à Capitulo conuentuali duo deputandi sunt Patres, qui vna cum Priore Monasterij diligenter perquirant, & in quantum possunt certiores se reddant de conditionibus, quas petentes habitu nostro vestiri iuxta præcitatum decretum, & Congregationis statuta, habere debent.

2 In primis itaq; si quis in Congregatione pro Clerico recipi petierit, non ei statim annuatur, sed probetur spiritus, si ex Deo sit; diligenterque perquiratur, si sit persona idonea, an bonæ famæ, cuius ætatis, nam nisi quintum decimum annum compleuerit recipi non potest, an legitimo thoro, honestisq; parentibus natus, ac vitam honestam duxerit, ab alia Religione, ordine, seu Congregatione non recesserit, Ecclesiastica censura, & irregularitate non sit deuinctus, nullis ratiocinijs obligatus, nullaue occulta infirmitate detentus, aut aliqua corporis deformitate maculatus, & an latinam linguam sufficientem ad ordines sacros habeat, quarum omnium, vel alterius conditionum defectu minimè erit recipiendus.

3 Requirit deinde repetitis vicibus, an iuuenis ille perfectionis zelo, & Deo liberius in Sancta Religione seruiendi, aut potius leuitate, necessitate, vel alio fine inordinato ductus postulet admitti. Insuper illi exponant ea, quæ ad religiosam pertinent vitam, nimirum abiectiorem propriæ voluntatis, vilitatem ciborum, asperitatem vestium, vigilias nocturnas, labores diurnos,

pau-

paupertatem, mendicitatem, ieiunia, disciplinas, & claustrarium, & similia.

4 Quod si allatas conditiones, habilitatem, ac promptitudinem in eo inuenerint, illum ad confessionem generalem suorum peccatorum hortabuntur, postea Capitulo Conuentus omnia referant, à quo per secreta suffragia, scilicet per balottulas nomine ipsius Conuentus, maiori parte votorum concurrente, si placet, acceptabitur, quibus habitis Prior cum duobus Prioribus deputatis P. Vicario Generali attestationem idoneitatis prædictæ, nec non acceptationis transmittant, ab eo facultatem petendo, vt ad habitum recipi possit, & vt locum nouitiatus, vbi annum probationis agere queat, designet. Talis autem formula erit attestationis, & petitionis.

Reuerendissime Pater.

5 Exponunt reuerenter P. V. R. Prior, & Fratres Monasterij S. Andree Ferrariae, quod cum à multis mensibus elapsis Paulus de Paulinis, filius D. Pauletti de Paulinis à Ferraria (si ex Ciuitate non fuerit dicatur loci N. Diœcesis N.) vehementer cupiat Congregationis nostræ habitum pro Clerico (vel pro laico) vestiri, & hanc suam intentionem sapse, sapiensq; præfati Monasterij Patribus manifestauerit, ipsius sancto desiderio annuentes capitulariter ad sonum campanella, vt moris est, congregati deputauerunt PP. Eleonorum de Bononia, & Cassiodorum de Taurino, qui vna cum Patre Priore debitas, & requisitas caperent informationes; Quibus habitis, & inuentis per eosdem Patres deputatos in præfato Paulo omnibus conditionibus, & qualitatibus, quæ in decreto Sanctissimi D. N. Alexandri Papæ VII. super hoc emanato continentur, in capitulo iterum congregati auditis relationibus ipsorum Patrum deputatorum illum proposuerunt, & proinde ad præscriptum definitionum nostrarum per vota secreta, seu balottulas ad habitum nostræ Congregationis admissus, nec non nomine supradicti Conuentus acceptatus fuit. Quamobrem Nos Prior, & Patres deputati hisce literis iuramento nostro firmatis de idoneitate prædicti Pauli fidem facimus, nec non P. V. R. humiliter rogamus hunc eundem Paulum auctoritate vestra acceptare, ad habitum nostræ Congregationis nomine huius nostri Conuentus admittere, nec non eidem aliquem nouitiatus locum pro anno probationis peragendo adsignare, & deputare dignetur. Quod &c.

Dat. in Conuentu nostro S. Andrea Ferrariae die . . . mensis . . . anni

Ego N.

Ego N.

Ego N.


5 Sic literæ exaratae mittantur P. Vicario Generali, qui decreto suo (si ei placuerit) acceptationem confirmabit, iuuenem ad habitum recipiet, eiq; locum nouitiatus deputabit: sine quo decreto Prior loci Nouitiatus, nec iuuenem induere, nec in Nouitiatu poterit retinere. Aduertant tamen Prior, & dicti duo Patres deputati, quod si in aliquo fuerint mendaces erunt ipso facto Prioratu, & vtraq; voce indispensabiliter, & perpetuò priuati.

6 Circa Laicorum, seu Conuersorum cōditiones est obseruandū, quod habere debeant vigesimum annum completū, sint bonæ famæ, probatæ vitæ, ex honestis parentibus legitimè nati, nec non bonæ valetudinis, vt in exercitijs corporalibus Conuentus inferuire valeant. Recipiuntur eodem modo, quo supra, sed prius recipi debent ad habitum Comissorum, in quo per triennium integrū inseruiant: deinde ad annum probationis in Conuentu Nouitiatus, à quo per annum integrum non poterunt remoueri, & tandē poterunt completo anno probationis ad professionē admitti, dummodo tamen vigesimum quintum annum compleuerint, non secus.



RITVS XXX.

Recipiendi aliquem ad habitum Religionis.

1  Priore acceptis informationibus Nouitij ad habitum recipiendi ad præscriptum decreti S. D. N. Alexandri Papæ VII., (*Const. cap. 15.*) illisq; ad Patrem Vicarium Generalem missis, vt ritu superiori dictum est; nec non designato eidem Nouitio nouitiatu pro anno probationis peragendo; hora, qua sibi videbitur, Prior loci designati congregatis Fratribus Conuentus ad Nouitium induendum accedet, hocq; vel in Ecclesia, vel in Capitulo, vel in Sacristia iuxta exigentiam, & opportunitatem. Si Nouitij plures fuerint in plurali omnia peraget, quæ infra disponuntur, si vnicus, in singulari, Tunc qui induendus est ductus, & doctus à Magistro, vel alio Fratre, qui vicem Magistri gerat pro hac functione, exutus vestibus sæcularibus, vt moris est, & habitibus albis, non tamen talaribus, vestitus, ad pedes Prioris sedentis in suo loco se prosternat. Cui Prior interrogando dicat:

P. Quid petis? Ipse autem respondeat: *Misericordiam Dei, & vestram.*

2 Deinde iubeat Prior eum surgere, ab eo diligenter inquirens, num spontè, & voluntariè ad religionem accesserit, num animo perseuerandi, num benè perpenderit ea, quæ in religione exercentur, puta asperitatem Ordinis, abdicationem propriæ voluntatis, vilitatem ciborum, & vestium, vigiliis nocturnas, labores diurnos, voluntariam paupertatem, tædium claustrî, & his similia (reliquis omisiss, quæ circa conditionem, sanitatem, scientiâ, statum, obligationes, defectus, censuras &c. in habitis informationibus expressa sunt) Qui si responderit ad omnia benè dicat Prior.

Accipiemus te ad probationem anni sicut mos est fieri; & subdat: Dominus, qui incipit in te opus bonum perficiat; et Fratres respondeant. Amen.

3 Tunc

3 Tunc Cantores Hymnum incipient: *Magne Pater Augustine, &c.* & dum cantatur Hymnus; prius tonsis crinibus, religionis habitu induitur Nouitius, scilicet tunica alba cum scapulari, & capucio, & desuper cappa nigra cum capucio, illum præcingendo Prior pellicea zona, & hymno finito dicatur:

V. Ora pro nobis B. Pater Augustine.

R. Vt digni efficiamur &c. Et Prior.

O R E M V S.

Adesto Domine supplicationibus nostris, & hunc famulum tuum bene dicere dignare, cui in sancto nomine tuo sacra religionis habitum dedimus, ut te largiente deuotus in Ecclesia persistere, & vitam percipere mereatur aternam. Per Christum &c. Amen.

4 Induto Nouitio dicat Prior.

V. Saluum fac seruum tuum.

R. Deus meus sperantem in te.

V. Ostende nobis Domine misericordiam tuam.

R. Et salutare tuum da ei.

V. Esto ei Domine turris fortitudinis.

R. A facie inimici.

V. Nihil proficiat inimicus in eo.

R. Et filius iniquitatis non apponat nocere ei.

V. Mitte ei Domine auxilium de Sancto.

R. Et de Syon tuere eum.

V. Domine exaudi &c. R. Et clamor &c.

V. Dominus vobiscum. R. Et cum spiritu tuo.

O R E M V S.

Deus, qui à seculi vanitate auersos ad brauium superna vocationis accendis, & qui renuntiantibus saculo mansiones paras in Cælo, dilata famuli tui cor cælestibus bonis, ut fraterna nobiscum teneatur compagine charitatis, unanimis regularia instituta custodiat, sobrius, simplex, & quietus, gratis sibi datam suæ conuersionis græciam fuisse cognoscat, eiusque vita perfecta sentiatur in opere. Per Christum &c. Amen.

O R E M V S.

Domine Iesu Christe Dux, & fortitudo nostra humiliter petimus, ut famulum tuum, quem compunctionis ardore ab hominum ceterorum proposito

posito separasti, à conversatione carnali, & ab immunditia terrenorum actuum infusa ei calitus sanctitate discernas, & gratiam, quam te donante affectat, opere adimpleas, ut sic sua conversionis excusator effectus, ad ea, quæ persuerantibus in te promittere dignatus es, peringat bona. Qui vivis, & regnas in secula seculorum. Amen.

5 Detur postea Nouitio candela accensa in manu, & canetur Hymnus: *Veni Creator Spiritus* &c. supra Ritu 27. & dum cantatur (nisi ceremonia in Ecclesia fiat) ducatur Nouitius processionally (si placet) ante Altare maius, Priore, & Nouitio post alios remanentibus. Et finito hymno dicatur.

V. *Emitte spiritum* &c. R. *Et renouabis faciem* &c.

V. *Dominus vobiscum.* R. *Et cum spiritu tuo.*

O R E M V S.

Deus, qui corda fidelium Sancti Spiritus illustratione docuisti, da huic famulo tuo in eodem spiritu recta sapere, & de eius semper consolatione gaudere. Per Dominum nostrum &c. in unitate eiusdem &c. Amen.


O R E M V S.

Deus, qui de Beata Maria Virginis utero Verbum tuum Angelo nuntiante carnem suscipere voluisti præsta supplicibus tuis, ut, qui verè eam genitricem Dei credimus, eius apud te intercessionibus adiuuemur. Per eundem Christum &c. Amen.

Adesto supplicationibus nostris omnipotens Deus, & quibus fiduciâ sperandæ pietatis indulges intercedente B. Patre nostro Augustino Confessore tuo, atq; Pontifice consueta misericordiæ tribue benignus effectum. Per Dominum nostrum Iesum Christum &c. Amen.


6 Expletis his omnibus ab instructore capitur candela de manu Nouitij, & extinguitur, & ducitur ad Priorem, à quo accipit pacem dicente Priore: *Pax tecum ipse autem respondeat: Et cum spiritu tuo*; & sic successivè ab alijs Fratribus. Expleta pace reducit Nouitius ad Priorem, ante quem genibus flexis, audit ab ipso Priore Apostolicum oraculum: *Non qui inceperit, sed qui persueraverit usque in finem hic saluus erit.* Tandem Prior mutato Nouitij nomine, habitoque ad ipsum breui sermone, tradat sub obedientia Magistri, qui eum dirigat in via Dei, & doceat ea, quæ in Religione necessaria sunt.

7 In induendis Laicis, puta Conuersis, vel Commissis idem erit seruandus Ritus, præterquam quod ipsis non tondentur à Superiore capilli, minoriꝫ cum solemnitate præfata omnia implebuntur. Pro Tertiarijs, & Mantellatis peculiarem Ritum assignauimus in superioribus.



RITVS XXXI.

Professionis à Fratribus emittenda.

 Onpleto probationis termino, Prior ad sonum campanellæ congregaris in Capitulo Fratribus audiat instantiam Nouitiorum quærentium ad professionem admitti. Deinde faciat illos exire de Capitulo, ac Patribus proponat, an digni existimentur, vt eorum petitionibus annuat. Qui si annuerint, & per vota secreta, concurrente maiori parte votorum, id statutum fuerit, tunc, supposito etiam consensu Patris Vicarij Generalis, pariter ad sonum campanellæ congregatis iterum, vel eodem, vel sequenti die in Capitulo Patribus, (*Const. cap. 18*) introducatur nouitius, tunica alba indutus, à Magistro suo in loco vbi Patres omnes congregati sunt: Hic flexis genibus ante Priorem ab ipso interrogatur, velitne discedere ab ordine absolutus, an ordini potius se obligare. Si professionem responderit se potius velle facere; deferatur ad pedes Prioris habitus niger professorum. Qui illum benedicens hoc modo incipiat.

V. Adiutorium nostrum &c. R. Quiescit celum, & terram.

V. Domine exaudi &c. R. Et clamor meus ad te &c.

V. Dominus vobiscum. R. Et cum spiritu tuo.

O R E M V S.

Domine Iesu Christe, qui tegumentum nostræ mortalitatis induere dignatus es, obsecramus immensam tuæ largitatis abundantiam, vt hoc genus vestimentorum, quod Sancti Patres ad humilitatis indicium, abrenuntiantes seculo, ferre sanxerunt, tu ita bene ✠ dicere digneris, vt postquam hic famulus tuus eo usus fuerit, te induere mereatur. Qui vivis, & regnas &c. Amen.

Deus æternorum bonorum fidelissimè promissor, & certissimè persolutor, qui vestimentum salutis, & indumentum iocunditatis tuis fidelibus

bus promisti, clementiam tuam humiliter exposcimus, ut hac indumenta humilitatem cordis, & contemptum mundi significantia, quibus hic famulus tuus visibili est informandus proposito propitius bene ✠ dicere, ut beata abnegationis habitum, quem te aspirante suscepit, te protegente custodiat, & quem vestibus veneranda religionis induere volumus beata facias immortalitate vestiri.

Domine Deus bonorum virtutum dator, & omnium benedictionum largus infusor te obnixius deprecamur, ut has vestes bene ✠ dicere, & sanctificare digneris, quas famulus tuus pro iudicio agnoscenda religionis induere vult, ut inter reliquos Fratres tibi agnoscatur dicatus. Per Christum &c. Amen.

2 His completis tam Nouitius, quam vestes aspergantur aqua benedicta, & adoleantur incenso. Postea Prior exuat Nouitium veste nouituali dicendo: Exuat te Dominus veterem hominem cum actibus suis. Et consequenter induat eum vestibus benedictis dicens: Induat te Dominus nouum hominem, qui secundum Deum creatus es in iustitia, & sanctitate veritatis.

3 Interim dum induitur cantent Fratres Hymnum Magne Patris &c. Postea.

V. Ora pro nobis B. Pater Augustine.

R. Vt digni efficiamur &c.

V. Dominus vobiscum. R. Et cum spiritu tuo.

O R E M V S.

Adesto supplicationibus nostris omnipotens Deus, & quibus fiducia sperande pietatis indulges, intercedente B. Patre nostro Augustino Confessore tuo, atq; Pontifice, consueta misericordia tribue benignus effectum. Per Christum &c. Amen.

Induto Nouitio Prior genibus flexis incipiat Hymnum: Veni creator Spiritus &c. & Fratres decantent totum, ut supra Ritu nu^o 4. Postea.

V. Emitte spiritum tuum, & creabuntur.

R. Et renouabis faciem terra.

V. Dominus vobiscum. R. Et cum spiritu tuo.

O R E M V S.

Deus, qui corda fidelium Sancti Spiritus illustratione docuisti, da huic famulo tuo in eodem spiritu recta sapere, & de eius semper conso-

la.

latione gaudere. Per Dominum nostrum &c. in unitate eiusdem &c. Amen.

5 Et sic inuocato Spiritu Sancto accipiat Nouitius Regulam, & genibus flexis deponat apertam in gremio Prioris sedentis, tenens iunctas manus super eam in modū orantis, quam Prior apprehensam teneat in manibus eius professionem in tono lectionum decantet hoc modo.

In nomine D. N. I. C. benedicti. Amen. Anno Natiuitatis eiusdem millesimo sexcentesimo die mensis

Ego F. de B. filius Domini N. de G. facio professionem, & promitto obedientiam Deo omnipotenti, & Beata Maria semper Virgini, & tibi Fratri C. de F. Priori S. Barnabe Brixie, nomine, & vice Reuerendiss. in Christo Patris Magistri P. de R. Prioris Generalis Ord. Fratrum Eremitarū S. Augustini, & successoribus eius canonicè intrantibus, viuere sine proprio, & in castitate secundum regulam Beati Patris nostri Augustini usque ad mortem.

6 Finita professione dabitur Nouitio candela accensa, & immediatè dicitur oratio.

Oremus Fratres carissimi, ut quod Frater noster ore professus est opere feliciter compleat auxiliante Domino N. I. C. qui cum Patre, & Spiritu Sancto uiuit, & regnat in secula seculorum. Amen.

7 Et postea Cantores incipiunt: *Te Deum laudamus*, & bini procedant Fratres in Ecclesiam Nouitio cum candela accensa in manu penes Priorem incedente. Ingressi Ecclesiam stet Nouitius flexis genibus ante Altare maius; & finito *Te Deum &c.* ter dicat hunc versum plus vocem eleuando secunda, quam prima vice, plus tertia, quam secunda.

V. Suscipe me Domine secundum eloquium tuum, & viam.

Chorus respondeat.

R. Et non confundas me ab expectatione mea, & in fine tertij addat in eodem tono Nouitius nouiter professus.

V. Gloria Patri, & Filio &c. R. Sicut erat &c.

8 Post hæc Prior mediocri voce cantando dicat: *Kyrie eleison. Christe eleison. Kyrie eleison. Pater noster.*

V. Et ne nos inducas &c. R. Sed libera &c.

V. Saluum fac seruum tuum.

R. Deus

- R. *Deus meus sperantem in te.*
 V. *Ostende nobis Domine misericordiam tuam.*
 R. *Et salutare tuum da ei.*
 V. *Ego ei Domine turris fortitudinis.*
 R. *A facie inimici.*
 V. *Nihil proficiat inimicus in eo.*
 R. *Et filius iniquitatis non apponat nocere ei.*
 V. *Mitte ei Domine auxilium de Sancto.*
 R. *Et de Syon tueri eum.*
 V. *Domine exaudi &c.* R. *Et clamor &c.*
 V. *Dominus vobiscum.* R. *Et cum spiritu tuo.*

O R E M V S.

Omnipotens sempiterne Deus, cuius charitatis ardore succensus hic famulus tuus stabilitatem suam tibi in hoc ordine promittendo, tuo iugo, collum submittit concede propitius, ut in ultimo tui examinis die in dextera tua collocatus, cunctaq; deuotionis sue promissa se adimplesse laetetur. Per Dominum nostrum &c. Amen.

O R E M V S.

Agnosce Domine Iesu Christe famulum tuum inter oues tuas, ut ipse te agnoscat, & te abnegando alienum pastorem non sequatur, nec audiat vocem alienorum, sed tuam, qui dicis: Qui mihi ministras me sequatur. Qui uiuis, & regnas Deus per omnia secula seculorum. Amen.

O R E M V S.

Sancte Spiritus, qui te Deum, ac Dominum reuelare dignatus es, postulamus immensam tua Maiestatis gratiam, ut sicut ubi vis spiras, sic, & huic famulo tuo, affectum deuotionis indulgeas, & quoniam tua sapientia est conditus, tua quoque providentia gubernetur, quem iuxta consuetam tibi gratiam unctio tua de omnibus doceat, & per intercessionem Sanctissimi Patris nostri Augustini, quem precipuum huius Sanctae Institutionis legislatorem dedisti, nec non, & aliorum Sanctorum ad obseruantiam Sancti propositi fac eum ita certatim feruere, ut in tribulationibus, & angustiis, tua indeficienti consolatione valeat respirare, & iuste, ac pie per veram humilitatem, atq; obedientiam in fraterna charitate fundatus, quod te donante promittit felici perseuerantia compleat.

Om-

Omnipotens sempiterne Deus, qui sub magno Patre Augustino in Ecclesia tua Sancta grandem filiorum exercitum contra hostes inuisibiles adunasti Fratrem nostrum nouiter collum iugo sub tanti Patris militia supponentem amore Sancti Spiritus accende, ut per obedientiam, paupertatem, & castitatem, quam modo professus est ita militando tibi Regi regum presentis vite stadium percurrere valeat, ut remuneratus felicitatis aeternae coronam de victo, triumphatoq; mundo, cum pompis suis te donante percipiat. Per Dominum &c. in unitate eiusdem &c. Amen.


Deus, qui Beatissimum P. N. Augustinum de tenebris gentium reuocasti, mundoq; spreto tibi soli militare fecisti, tribue quasumus huic famulo tuo, sub eiusdem magisterio ad tuum seruitium festinanti, & perseveranti constantiam, & perfectam usq; in finem victoriam. Per Christum &c. Amen.

9 Orationibus finitis ducatur professus à Magistro ad pacem dandam singulis Fratribus dicendo : *Pax tecum. R. Et cum spiritu tuo*, incipiendo à Priore. A quo postea genibus flexis hortationem audiat ad Deo reddendum, quod vouit, & benedictionem accipiat.



R I T V S XXXII.

*Trina electionis, seu postulationis
Priorum.*

1  D Trinam electionem, seu postulationem Priorum Monasteriorum iuxta præscriptum antiquarum constitutionum, (*Const. cap. 28.*) olim per viam scrutinij præcedebant Fratres, quod usque ad nostra tempora seruatum vidimus; & quia debita cum libertate hoc fieri non poterat, cum vota vocalium scrutatoribus innotescerent, idcirco, ut in huiusmodi, cæterisque omnibus electionibus, actionibus, & resolutionibus libertas à Sacris Canonibus, & præsertim à Sacr. Concil. Trid. cõmuniter data, & requisita plenè seruetur; (*1644. num. 19.*) in definitionibus iussu definitoriij Capituli Generalis Romæ celebrati de anno 1644. emanatis, decretum fuit, ut in futurum omnes electiones capitulares, & quæcumque aliæ actiones, & resolutiones, quæ per vota Fratrum debent expediri, non amplius per scrutinium, in quo vota vocalium scrutatoribus, seu alijs innotescere possunt, sed per secreta suffragia fieri omninò debeant, & aliter factæ nullius fiant roboris, & momenti.

2 His igitur stantibus ad trinam Priorum electionem, seu postulationem sic in præsentī procedendum erit. Ut appropinquante Capitulo Generali Congregationis Prior ad sonum campanellæ, Fratres omnes conuocet in Capitulo, & inuocato Spiritu Sancto, admoneat omnes ad eligendum, seu petendum Priorem, qui sibi in gubernando succedat, aprium, idoneum, prudentem, vigilantem, obseruantem, zelantem, ætate maturum, bonæ famæ, moribus decoratum, literis sufficienter præditum, ac omnibus illis conditionibus refertum, quas in Conuentuum Prioribus Constitutiones requirunt. (*Const. cap. 30. cap. 28. cap. 31.*) Deinde
egres-

egressis de capitulo illis, qui in electione Prioris vocem non habent; hi autem sunt Commisfi, Conuersi, & Laici omnes, Clerici ante triennium à professione, Hospites, alter ex duobus consanguineis in primo, & secundo gradu, nec non ob aliquam penam voce priuati; proponere incipiant tres Patres vnus post alium incipiendo per ordinem, qui pro Conuentus regimine idonei iudicantur, & bussolis circumcirca delatis singuli singillatim per secreta Fratrum suffragia ballotentur. Interea Prior duos ex senioribus deputet Patres, qui simul cum Discreto Conuentus prius electo, vt infra dicemus (in illis videlicet Monasterijs, qui discretum eligunt) videant, & enumerent vota vocalium, & diligenter notent quot vnusquisque ex propositis in Priorem vota habuerit fauorabilia, & quot contraria. Completa autem ballotatione, scribantur literæ Præsidenti, & Definitoribus Capituli Generalis directæ tenoris sequentis.

3 *Reuerendi Patres inuocato prius Spiritu Sancto celebrauimus Capitulum nostrum Conuentus Sancti A. de C. pro vt moris est in nostra Congregatione. In quo quidem capitulo per secreta suffragia ad prescriptum definitionum nostrarum elegimus primo in Discretum nostrum Fratrem B. de C., deinde procedentes ad electionem Priorum, & egressis de capitulo his, qui vocem non habent in electione Prioris remansimus in summa vota*

Et in prima quidem electione electus fuit Ven. P. in Christo Frater D. de C. qui per secreta suffragia ballotatus habuit in fauorem vota

contra vero vota

In secunda pariter per secreta suffragia electus fuit Ven. Pater in Christo Frater E. de F. qui in fauorem habuit vota

contra autem vota

In tertia vero eodem modo per secreta suffragia electus fuit Ven. Pater in Christo Fr. A. de B., qui habuit in fauorem vota

contra autem vota

Quare Reuerendas Paternitates vestras rogamus, vt vnum ex his tribus nobis detis in Patrem, & Priorem, aut aliud, quem dare melius visum fuerit Paternitatibus vestris, quibus nos, & hunc locum nostrum intimè commendamus.

Dat. C. in Conuentu nostro Sancti N. die mensis anni

4 Postea Fratres singuli nominatim se subscribant, & literis sigillo Conuentus sigillatis, vel Prioris, si Conuentus non habuerit

H 2

sigil-

figillum per Discretum, vel per ipsum Priorem, si Monasterium Discretum non elegerit ad Capitulum Generale transmittatur cum hac superscriptione.

Reuerendis Patribus in Christo Praesidenti, & Definitoribus Capituli Generalis Congregationis Obs. Lomb. Ord. FF. Erem. S. August. in Conuentu Sancti A. de B. celebrandi.

5 In Monasterijs autem, qui Discretum non eligunt, literæ Definitorio directæ tali methodo conficiantur.

Reuerendi Patres. Inuocato prius Spiritu Sancto celebrauimus Capitulum nostrum Conuentus Sancti A. de C. pro ut moris est in nostra Congregatione, & egressis ut capitulo his, qui vocem non habebant in electione Prioris remansimus in summa vota Sicq; procedentes ad Prioris electionem per secreta suffragia ad praescriptum definitionum nostrarum; in prima electione electus fuit Ven. Pater in Christo Frater &c. reliqua, vt in litera superius descripta.



RITVS XXXIII.

*Eligendi Discretum, Vicarium, Sacristam,
& alios Officiales.*



1 Conuentus, in quibus decem Fratres professi de familia degunt, (*Rub. 6. c. 2.*) eligere possunt Discretū, qui pro Capitulo loci, seu domus, cum Priore Conuentuali ad Capitulum generale ire debebit; (*Const. c. 28.*) eligendus est autem Pater, qui sit de familia illius Conuentus, ita vt in eo pro maiori anni parte permanserit, in sacris constitutus, & ad minus ætatis 24. annorum per triennium professus, & qui in Capitulo generali antecedenti eodem officio functus non fuerit; & eligi debet ante electionem Prioris non amplius per secreta scrutinia, vt mos erat in Congregatione, sed iuxta Definitiones anni 1644. n. 19. Ritu superiori extensas, per ballotationē, & secreta suffragia. Proponatur à Priore, & ballotetur, quod si propositus, partem maiorem votorum contrariam habuerit alter proponatur, & alter quoadusque pro maiori votorum parte sit aliquis electus. Si autem vota sint paria Prior potest determinare electionem partis sanioris. In Discreti electione voce carent illi omnes, qui votare nequeunt in electione Prioris, exceptis Conuersis, qui ex gratia, elapso triennio suæ professionis, possunt ad electionem Discreti concurrere. (*Rub. c. 2.*)

2 Duo ex senioribus Patribus à Priore deputati bussolas aperiant, & vota vocalium obseruent, & enumerent, & Patrē illum, qui plura vota habuerit, senior ex duobus deputatis, coram omnibus publicet, & in Discretum eligit, sic dicendo. *In nomine Domini N. Iesu Christi Benedicti. Amen. Anno eiusdem millesimo sexcentesimo*

die mensis
Ego Frater N. vnus scrutatorum huius Capituli nomine meo, & nomi-

ne omnium ad quos spectat electio; eligo Fratrem A. de L. in Discretum huius Conuentus nostri Sancti A. B.

3 Hic idem ordo per secreta suffragia in electione Vicarij Conuentus seruandus est, casu videlicet quo Capitulum Conuentuale Vicarium eligit, vt facere potest; dum accedente ad Capitulum generale Priore sine Vicario Conuentum relinquat, vel mortis casu Prioris, & Vicarij; & idem pariter in electione Sacristæ, Procuratoris, Syndicorum, & eorum omnium Officialium, qui per Fratrum vota eligi solent. (*Const. c. 26. n. 1. Const. c. 18. n. 8. Rub. 2. c. 2. Const. c. 19. n. 3.*) Cum hoc tamen discrimine, quod in electione Vicarij, sicuti & aliorum officiorum curam animarum concernentium, vocem non habeant Commissi, Conuersi, Clerici, nisi post triennium à professione, Hospites, alter ex duobus consanguineis in primo, & secundo gradu, & ob aliquid delictum priuati voce; in alijs verò electionibus solum Commissi, Hospites, Conuersi ante triennium à professione, alter ex consanguineis in primo, & secundo gradu, & voce priuati excludantur.

4 Electis Sacrista, Procuratore, & Syndicis à Conuentus Priore his verbis confirmabuntur.


Auctoritate, qua fungor confirmo te in Sacristam, vel Procuratorem huius Monasterij, dans tibi omnem auctoritatem, quam ceteri Sacristæ, vel Procuratores solent habere. In nomine Patris, &c.

Omnes demum capitulares actiones, electiones, & resolutiones per vota secreta expediendæ erunt, & in libro peculiari à Priore describendæ.



RITVS XXXIV.

*ſeu Forma actiones omnes capitulares in peculiari
libro deſcribendi.*

I  VM in Definitione decimanona Capituli generalis Romæ de anno 1644. n. 19. celebrati, ſingulis Priorib⁹ in virtute ſanctæ obedientiæ præcipiatur, vt in ſuis Cōuentibus librum habeant, in quo omnia, & ſingula acta capitularia ſcribantur, primò quidem numerus, & nomina vocalium, deinde propoſitiones, & ballotationes, ac tandem reſolutiones inde reſultantes cum ſubſcriptione Prioris, & duorum Syndicorum, ſeu ipſis, vel altero ex his abſentibus, vnius, ſeu alterius ex antiquioribus Conuentus, decreta renouando, aliàs circa hoc emanata. (*Rub. 18. c. 4.*) Propterea formulam, vel modum huiusmodi acta capitularia in peculiari libro deſcribendi hic adnotabimus. Exemplar autem ſingulare proponemus, vt conſimili methodo, & ordine actiones omnes, & reſolutiones deſcribantur.

Die

Mensis

Anni

Conuocato Capitulo Conuentuali Monaſterij Sancti A. B ſonitu præmiſſo campanella, vt moris eſt, in quo quidem Capitulo ſequentes interfuerẽ vocales videlicet.

R. P. B. de C. Prior Conuentus.

P. D. de C. Vicarius.

P. F. de G. Sacriſta.

P. Honorius de I. Procurator.

P. L. de M. Syndicus.

P. N. de Q.

P. P. de Q.

Qui omnes ex tribus duas, & amplius partes vocalium huius Conuentus conſtituunt, propoſitus fuit ad Procuratoris Monaſterij officium exer-

sendum P. I. de V. sicque facta ballotatione per vota secreta omnibus nullo excepto (vel si aliquod votum contrarium fuerit dicatur exceptis duobus, vel tribus) concurrentibus suffragijs, electus fuit, & acceptatus.

Ita est F. B. de C. Prior Conuentus.

Ita est P. B. de E. Vicarius, & Syndicus.

Ita est P. L. de M. Syndicus.

2 Alio etiam parum dissimili modo contingit acta capitularia in libro exarare, cum videlicet initio actionis motiuum proponit talis actus capitularis, exempli gratia.

Die

Mensis

Anni


Cum Dominus Z. de A. Filius Domini P. de B. & Domina C. de F. Zelo religionis incensus vehementer cupiat, & petat sacro Congregationis nostra habitum vestiri, propterea conuocato Capitulo, &c. vsupra, vsque ad illa verba, Propositus &c. tunc sic. Propositi fuerunt ad necessarias informationes capiendas iuxta Decretum Sanctiss. D. N. Alexandri Papa V. Patres G. de N. & M. de L. sicque facta ballotatione &c. modo supra explicato electi fuerunt, & deputati.

Ita est &c.

Ita est &c.

Ita est &c.

Possunt autem huiusmodi actus in libro describi etiam vernacula lingua, pro libito Superioris.



RITVS XXXV.

*Celebrandi Capitulum Generale Congregationis ,
vbi de intronizatione P. Præsidentis, electione
P. Vic. Generalis, Definitorum,
& Visitatorum.*



1. **A**D Capitulum Generale Congregationis studeant omnes vocales opportuno tempore conuenire , (*Const. cap. 30.*) videlicet fer. 5. ante Dominicam tertiam post Pascha. Qua die omnes in Ecclesia congregati Missæ adstabant de Spiritu Sancto cum *Gloria, & Credo* à Patre Vicario Generali solemniter cantatæ , vel saltem singuli missam de Spiritu Sancto celebrabant.

2. Feria sexta sequenti statim post vespervas ad sonum campanellæ, Pater Vicarius Generalis omnes tam vocales, quam non vocales ad Capitulum, vel refectorium, vel Ecclesiam, vel locum alium aptum, & capicem conuocabit, vbi omnibus considentibus dicto *Adiutorium &c. Benedicite Deus. Dominus vos benedicat &c.* vt de more, sermonem opportunum habebit. Hoc peracto antiquiorem ex Definitoribus anni elapsi iuxta formam indulti Apostolici Præsidentem pronuntiabit. Qui statim surgens, grauis, & humilis in loco suo genua flectet, cui Pater Vicarius Generalis, & Patres circa illum sedentis accedentes reuerenter, & modestè illū cleuabunt, & ad titulum Capituli ductum in loco superiori, facient consedere. Tunc Pater Vicarius Generalis ante ipsum insignum obedientiæ genua flectens reuerenter eius manum deosculabitur (quod successiue per ordinem Fratres omnes prestabunt), & ad sinistram ipsius Præsidentis se collocabit. Pater autem Præsidentis dicto *Adiutorium &c.* Ceremonia nempe recognitionis eius completa, pro vt sibi videbitur sermonem ad Fratres habebit.

Dein-

Deinde de Patrum consilio duos ordinabit Capituli celebrandi correctores, eorumque singulis baculum in manibus dabit, quem ferent in signum potestatis acceptæ; Quibus tamquam Prioribus Capituli omnes in foro exteriori obedire debebunt, nec absque eorum speciali licentia .s. alterius cuiquam domo exire licebit.

3 Die autem Sabbati R. Pater Præsidens missam de Spiritu Sancto cum *Gloria*, & *Credo* solemniter cantabit, pariterque vocales missam de Spiritu Sancto celebrabunt, vel saltem communicent, qui fortè celebrare nequibunt. Quibus compietis, pulsata campanella pro Capitulo conuocando omnes tam vocales, quàm non vocales ad Ecclesiam conuenient, vbi cantores genibus ad terram flexis incipiant cum nota solemni hymnum: *Veni Creator Spiritus* &c., & alternatim ex utroque Choro vsq; ad finem cantabitur. Postea Cantores *Ps. Emitte spiritum tuum, & creabuntur. R. Et renouabis faciem terra.* Tunc Pater Præsidens. *Ps. Domine exaudi &c. R. Et clamor &c. Ps. Dominus vobiscum. R. Et cum spiritu tuo.*

O R E M V S.

Deus, qui corda fidelium Sancti Spiritus illustratione docuisti, da huic famulo tuo in eodem spiritu recta sapere, & de eius semper consolatione gaudere. Per Dominum nostrum &c. in unitate eiusdem &c. Amen.

O R E M V S.

Actiões nostras quasumus Domine aspirando praueni, & adiuvando proficere, ut cuncta nostra oratio, & operatio à te semper incipiat, & per te cepta finiatur.

Adesto supplicationibus nostris omnipotens Deus, & quibus fiduciā speranda pietatis indulges, intercedente B. Patre nostro Augustino Confessore tuo, atq; Pontifice, consueta misericordia tribue benignus effectum. Per Christum &c. Amen.

4 His peractis sedent, & Pater Socius, qui iuxta consuetudinem habiturus est sermonem de electione, genibus flexis coram Patre Præsidente dicat: *Iube Domne benedicere.* Et Pater Præsidentis benedicendo dicat: *Dominus sit in corde tuo, & in labijs tuis, ut dignè, & competenter annuncies verbum suum: In nomine Patris &c.* Si autem Pater Socius defuerit, ipse P. Præsidentis quantum ei videbitur ad electionem R. P. Vicarij Generalis animo libero, purè,

purè, reètè, zeloq; Dei, & religionis celebrandam hortabitur, & inducet. Completo sermone dicat P. Præfident : *Recitentur obitus fratrum, sororum, familiarum, propinquorum, confratrum, & benefactorum nostræ Congregationis, & particularium locorum nostrorum, qui diem obierunt à Capitulo Generali ultimo præterito usque ad hanc diem.* Tunc P. Vicarius Generalis per se, vel per alium recitabit nomina defunctorum Fratrum nostrorum, & deinde benefactorum in genere. Postea P. Præfident (si sic videbitur) moneat de eodem singillatim Priores omnes, eos sic vocando : *Prior S. Augustini Cremæ.* Tunc statim surgens Prior Cremæ omnibus commendabit animam fel. rec. quondam Magnif. D. Ioannis Thomæ de Vicomercate Fundatoris Conuentus Cremæ, & consequenter totius Congregationis &c., & sic ordinatè fiat de reliquis Prioribus; Hac terminata actione P. Præfident hæc verba alta voce dicat : *Debitum missarum, & officiorum tam fratrum, & sororum, quam Confraternitatis literas habentium, & istorum omnium propinquorum, & benefactorum nostræ Congregationis defunctorum in fine capituli reservamus iniungendum, cum benefactores vini recitabuntur, ut pro his omnibus integrè satisfaciamus. Nihilominus in communi omnium memoria ipsorum dicamus in presentiarum : De profundis clamaui &c. Et dicerur à Capitulo viq; ad finem cum Requiem æternam &c.* Postea Pater Præfident. *Pater noster &c.*

V. *Et ne nos inducas &c.* R. *Sed libera nos à malo.*

V. *A porta inferi.* R. *Erue Domine animas eorum.*

V. *Requiescant in pace.* R. *Amen.*

V. *Domine exaudi &c.* R. *Et clamor &c.*

V. *Dominus vobiscum.* R. *Et cum spiritu tuo.*

O R E M V S.

Deus venia largitor, & humana salutis amator, quasumus clementiã suam, ut nostræ Congregationis fratres, sorores, confratres, familiares, propinquos, & benefactores, qui ex hoc seculo transierunt, B. Maria semper Virgine intercedente cum omnibus Sanctis tuis, ad perpetua beatitudinis consortium pervenire concedas. Qui vivis, & regnas cum Deo Patre &c. Amen.

5 Post hæc P. Præfident sedeat, & cum eo cæteri omnes, exinde clara voce dicat : *Omnes fratres tam vocales, quam non vocales acce-*

acce-

accedant ad Capitulum. Tunc Fratres bini, & bini ad medium coram altari se inclinantes cum silentio maturè accedant ad Capitulum, & postquam ordinatè confederint, P. Præsident dicat *Admonitorium &c. Benedicite Deus. Dominus nos benedicat &c.* His dictis P. Vicarius Generalis surgens genua flectat in medio Capituli versus Patrem Præsidentem, & officium Vicariatus Generalis simpliciter renunciēt, sigillumque in manibus Patris Præsidentis consignans ab officio petat absolui, verba similia dicens: *Ren. Pater officium Vicariatus Generalis Congregationis nostræ, quod indignè hucusque exercui in manibus tuis sponte, & hilari animo renuncio, & a Ren. Paternitate tua absolutionem humiliter peto.* Et P. Præsident respondebit: *Et ego auctoritate Apostolica, qua fungor in hac parte accepto renuntiationem tuam, & absolvo te ab officio Vicariatus Generalis nostræ Congregationis. In nomine Patris, & Filij, & Spiritus Sancti. Amen.* Deinde P. Vicarius Generalis absolutus suam dicat culpam consimilibus verbis. *Ren. Pater dico meam culpam Deo, & tibi de omnibus vitijs, & negligentijs meis. In primis quod Congregationem meo regimini usq; in hodiernum diem destinatam debita cum charitate, clementia, vigilantia, diligentia, zelo, & exemplaritate non gubernaverim; Iustitiam, ut par est meis subditis integrè non administraverim, dignos premio, indignos convenienti pena non affecerim, spiritualia simul, ac temporalia negligenter curaverim, constitutiones, ac definitiones nostras exequi admissim non fecerim, & tandem si in aliquo, vel dicto, vel facto, vel commissione, vel omissione offendi, dico meam culpam, & peto veniam.* His dictis P. Præsident eidem penitentiam iniungat de psalmo, vel *De profundis &c.* vel *Laudate Dominum omnes gentes &c.*

6 Antequam verò ad electionem noui Vicarij Generalis deueniatur P. Præsident protestetur omnibus, & dicat hæc verba: *Si quis nouerit causam, cur vocem quis actiuam, vel passiuam habere non debeat in hac statim futura R. P. Vicarij Generalis nostræ Congregationis electione id dicat apertè, aliàs enim sine vitio pertransibit electio.* Deinde alta, & intelligibili voce subdat: *Omnes quot quot non habent vocem actiuam in hac statim celebranda Vicarij Generalis nostræ Congregationis electione, Capitulum egrediantur, & ad Ecclesiam accedentes missam solemniter cantent pro Defunctis.* Ad cuius

cuius iussione omnes simpliciter obedient. His habitis aperiantur, & legantur literæ Eminentissimi Protectoris, vel P. Generalis, si quæ sunt Cap. Gener. directis, & deinde P. Præsidentis Patre Vicarium Generalem absolutum requirat, ut iuxta morem tres ex vocalibus nominet, in celebrandi Capituli scrutatores eligendos. Quibus nominatis P. Præsidentis omnium vocalium vota viva voce requirat; in quibus si maior pars consenserit, eos ad se venientes confirmabit dicens: *Et ego auctoritate Apostolica in hac parte mihi commissa confirmo vos in scrutatores huius Capituli nostri Generalis celebrandi, dans vobis omnem auctoritatem, & potestatem, quam ceteri scrutatores Capituli huiusmodi solent habere; In nomine Patris &c.* Si verò contingeret scrutatores nominatos à P. Vicario Gener. absoluto, vel omnes, vel aliquem non acceptari, tunc P. Præsidentis alium, vel alios eorum loco proponat, donec de tribus provisum fuerit.

7 Scrutatores igitur electi, & confirmati numerum vocalium tunc præsentium diligenter enumerent, & notent. Interea singulis vocalibus listæ, seu schedæ impressæ cum nominibus eorum, qui pro Vicariatu Generali vocem passivam habent distribuuntur; & quisque tres Patres, ex quibus unum in Vicarium Generalem eligere veller, ex ibidem impressis, iuxta conscientiam suam sceligat, & nomina reliquorum ex scheda abstrahat, illa tria adhuc listæ adhærentia seorsim retinendo usque quo scrutatores venerint ad nomina colligenda. Scrutatores itaque à singulis vocalibus accipiant in (ut vulgò dicitur) baculis cartulam cum nominibus trium Patrum, ab unoquoque vocalium nominatorum, ita tamen, ut scrutatores nomina non videant, nec sciant, quem hic, vel ille nominaverit, sed omnes cartulas in unum colligant, & confundant. His præstitis scrutatores à cæteris vocalibus se se elongantes, ita sc. quod à cæteris videri possint, non autem audiri, sceligant ex cæteris tres illos Patres, in quibus plures vocales consenserunt, scribendo nempe à quot vocalibus fuerit hic, vel ille nominatus, usquequo omnes cartulæ compleantur, & clarè appareat, qui sint tres illi Patres à pluribus nominati. Si autem contingat aliquem ex scrutatoribus esse de numero trium, manifestetur P. Præsidenti, qui statim alium vice eius deputabit. Post hæc selectos tres Pa-

trēs,

tres, in quibus plures consenserunt, antiquior scrutatorum ad medium Capituli cum socijs accedens, alta voce pronunciet hoc modo. *Hi sunt tres Patres, in quibus plures consenserunt, ut unus eorum in Vicarium Generalem nostræ Congregationis eligatur, videlicet Rer. Patres in Christo Fr. Alipius de Bononia; Fr. Nembridius de Genna; Fr. Euodius de Papia.*

8 Postea nomina illorum trium Patrum super tribus distinctis bussulis affigent, quas super publicam tabulam, ubi ab omnibus videri possint, reponent, dabuntq; scrutatores singulis vocalibus singulas ballotulas ex panno confutas in manibus, numerum earum notantes; Qui per ordinem ad locum bussularum accedentes, unum, in qua ballotulam tenent super singulas bussulas prædictas apponent, & in eius, quem in Vicarium Generalem nostræ Congregationis eligere volent bussulam, ballotulam immittent successivè. Tamen antequam bussulæ aperiuntur, scrutatores ad mediū Capituli venientes, omnibus audientibus senior eorum dicat hoc modo: *Ut electio P. Vicarij Generalis nostræ Congregationis unanimis fiat, & celebretur, requirimus vos Patres, qui estis super bussulas electionis inscripti, & ballotati, si estis contenti renuntiare ballotulas, & voces, quot quot, sint vobis datas, illi, qui ex vobis habuit plures? Et si responderint: Renuntio, ut requisitis.* Interrogent præterea omnes vocales hoc modo: *Et vos Patres electores, qui dedistis vota vestra, & ballotulas illis duobus, qui non habent plures, estisne contenti dare illas ei, qui plures habuit in bussula nomini suo inscripta? & respondentibus illis; Sumus contenti dare, ut requisitis, & damus.*

9 Tunc scrutatores accedant ad aperiendas bussulas, & calculandas ballotulas, quas in singulis earum inuenerint, quod si duo, vel omnes inueniantur æquales, id pronuncient in Capitulo, & iterum faciant eos ballotari. Quod si iterum omnes, vel duos eorum æquales inuenerint, statuitur, quod minor, seu minores secundum professionis primogenita renuncient maiori vota sua. Exinde iterum ter campana pulsata pro Capitulo, antiquior scrutatorum in altum ascendens electionem publicè, & alta voce pronunciet, eamq; in tono lectionum cantet dicendo:

In nomine Domini Nostri Iesu Christi. Benedicti. Amen. Anno eius.

*eiusdem millesimo sexcentesimo sexagesimo
mensis*

die

*Ego F. Sinforianus de Strambino senior scruta-
torum huius Capituli nomine meo, & nomine omnium, ad quos presens
spectat electio, eligo in Vicarium Generalem nostræ Congregationis R.
P. in Christo F. Alipium de Bononia.*

10 Et tunc campanæ omnes pulsentur, & statim Cantores in-
cipiant cum nota *Te Deum laudamus, &c.* & omnes Fratres bini,
& bini, ut moris est ad titulum Capituli se inclinantes processiona-
liter cantantes ingrediantur Ecclesiam, post alios incedentibus P.
Præsidente, & Vicarijs Generalibus, electo .s. à dextris Præsiden-
tis, & absoluto à sinistris. Ad Altare peruenti Vic. Gen. electus
genua flectat in medio super gradum Altaris, & P. Præsidentis stabit
post eum erectus, qui Cantico finito dicat cum nota in tono Capi-
tuli horarum: *Ps. Domine exaudi &c. R. Et clamor &c.*

V. Dominus vobiscum. R. Et cum spiritu tuo.

O R E M V S.

*Deus, qui corda fidelium Sancti Spiritus illustratione docuisti,
da huic famulo tuo in eodem spiritu recta sapere, & de eius semper con-
solatione gaudere. Per Dominum nostrum &c. in unitate eiusdem &c.*

O R E M V S.

*Omnipotens sempiterne Deus, qui facis mirabilia magna solus, præ-
tende super famulum tuum, & super congregationem illi commissam
spiritum gratia salutaris, & ut in veritate tibi complacet perpetuum
ei rorem tue benedictionis infunde: Per Christum Dominum nostrum.
Amen.*

11 Quibus expletis P. Præsidentis ante P. Vicarium Generalem
ad medium Altaris accedat, & sedente è regione coram P. V. G.
electo adhuc genuflexo ibi stante, illumq; confirmabit, tradens
figillum Congregationis, ac dicens sine nota: *Et ego auctoritate
Apostolica, qua fungor in hac parte confirmo te in Vicarium Generalem
nostræ Congregationis, dans tibi omnem auctoritatem, & potestatem in
temporalibus, & spiritualibus, quam ceteri Vicarij Gener. eiusdem Cō-
gregationis solent habere. In nomine Patris, &c.* Deinde P. Præsidi-
dens erigat illum, & sedere faciat contra medium Altaris, & geni-
bus flexis ante illum deosculabitur ei manum. Postea surgens se-
deat ad dexteram illius, simili modo P. Vicarius Generalis ab-
solu-

solutus genua flectat, & deosculata manu sedebit ad sinistram. Et sic cæteri omnes successiuè manum deosculabûntur eidem in signû obedientiæ, & reuerentiæ, & ad loca sua secedent per ordinem. Facto tandem signo, & ceremonia expleta, omnes Ecclesiam bini, & bini exeuntes, ad prandium ibunt.

12 Post prandium hora, quæ Patri Præsidenti videbitur opportuna, congregato Capitulo vtsupra, in quo P. Præsicens sedebit in medio, à dextris Vic. Gen. electus, & à sinistris absolutus, P. Præsicens vocales omnes hortabitur ad electionem Patrum Definitorum ritè, & providè faciendam. In quorû electione seruabitur modus supra positus in electione P. Vicarij Generalis, & dabitur vnicuique vocalium schedula cum nominibus omnium eorum, qui vocem passiuam habent in electione Definitorum. Vocales autem habitis huiusmodi listis, sceligent nomina quatuor Patrum ex vocalibus, quos in Definidores eligi voluerint, & omnibus alijs nominibus detractis tantû illa quatuor nomina listæ adhærentia relinquant, & ea in vase ad id præparato, vel circumcirca delato à scrutatoribus, istis videntibus, sed non legentibus nomina ipsa ponant. (Sciendum tamen, quod non possunt eligi, qui Capitulo proximè præterito Definidores electi fuerunt, sicuti nec potest aliquis seipsum eligere, quod dicendû etiam est in electione P. Vicarij Generalis, & Visitatorum; quapropter ex lista bonum erit auferre nomen eius, cui lista datur, sicuti etiam nomina P. Vic. Gener. Definitorum, & Visitatorum præteritorum;) Subinde scrutatores nomina ipsa in lista vocalium relicta calculantes, illos quatuor, quorum nomina à pluribus posita inuenerint, notabunt in scriptis, & eos antiquior scrutatorum publicè in Capitulo pronûciabit hoc modo.

In nomine Domini N. Iesu Christi Benedicti. Amen. Anno eiusdem millesimo sexcentesimo sexagesimo die mensis Ego Fr Sinforianus de Strambino antiquior scrutatorum huius Capituli nomine meo, & nomine omnium, ad quos presens pertinet electio, eligo in Definidores presentis Capituli Generalis nostræ Congregationis R.R. PP. in Christo Fratrem Pantaleonem de Crema. Fr. Aurelium de Ferraria. Fr. Melchisedech de Taurino, & Fr. Polidorum de Macerata. Et tunc, qui electi fuerint coram P. Præsidente genuflectant, qui

eos confirmabit, dicens. *Et ego auctoritate Apostolica, qua fungor in hac parte confirmo vos in Definidores huius Capituli Generalis nostre Congregationis dans vobis omnem auctoritatem, & potestatem, quam ceteri Definidores Capituli nostri Generalis huiusmodi solent habere; In nomine &c.* Et deosculata manu P. Præsidentis sedeant post P. Vicarium Generalem absolutum ordinem seruantes professionis. Si in electione Definitorum, & Visitatorum inueniantur aliqui in vocibus æquales illius præualebit electio, qui anterior fuerit professione.

13 Sequitur electio duorum Patrum Visitatorum, qui maiores dici solent, quæ vel ipsa die Sabbati, si tempus erit, vel etiam post celebratum definitorium antequam soluat Capitulum pro libito P. Præsidentis poterit fieri. Sic itaq; P. Præsidentis coram toto Capitulo congruum de Visitatoribus eligendis pro biennio sequenti sermonem habebit, & postea per scrutatores singulis vocalibus vna dabitur scheda, vel lista cum nominibus Patrum vocem passiuam pro Visitatoratu habentium, & ea omnia seruabunt, quæ diximus in electione Definitorum, sed postquam scrutatores calculauerint electiones scribant nomina quatuor Patrum, in quos plures conuenerint, & antiquior eorum, alta, & intelligibili voce pronuntiabit hoc modo.

In nomine Domini nostri &c. isti sunt quatuor Patres, qui habuerunt plures voces in electione Visitatorum .s. R. Patres in Christo Fr. Possidonius de Forolinio, F. Misael de Luca, Fr. Rusticus de Romano, & Fr. Bonus homo de Sorexina. Quibus pronuntiatis singulis vocalibus dabitur vna ballotula, & antiquior scrutatorum acceptis in manibus duabus bussulis procedet ad ballationem singulorum quatuor nominatorum, incipiendo à maioribus secundum professionem. Sed prius dicat: Patres vocales, nunc proponitur Rev. D. in Christo Frater Possidonius de Forolinio, qui vestrum vult eum in Visitatorem nostre Congregationis eligere, ponat ballotulam suam in bussula alba, qui autem non, ponat eam in nigra.

14 Et ordinatè præsentabit bussulas omnibus modo consueto. Et illi duo, qui ex prædictis quatuor habuerint plures ballotulas in bussula alba electi esse censeantur; Quos antiquior scrutatorum alta voce pronuntiabit, dicens. *In nomine D. N. I. C. benedicti.*

*Amen. Anno eiusdem millefimo sexcentesimo sexagesimo die mensis Ego Fr. Sinforianus de Strambi-
no senior scrutatorum huius Capituli nomine meo, & nomine omnium,
ad quos presens spectat electio eligo in Visitatores nostræ Congregatio-
nis Rcu. Patres in Christo. Fr. Misael de Luca, & Fr. Rusticum
de Romano; tunc electi genua flectant coram P. Præsidente, quos
confirmabit dicens: Ego auctoritate Apostolica mihi in hac parte
commissa confirmo vos in Visitatores nostræ Congregationis dans vobis
omnem auctoritatem, & potestatem in spiritualibus, & temporalibus,
quam ceteri Visitatores eiusdem solent habere. In nomine Patris.*

15 De modo celebrandi definitorium sicuti de rebus in Defini-
tori expendendis ordinem habebis Ritu sequenti. Completis
autem omnibus, quæ tum à Capitulo, tum à Definitorio saltem,
quoad dispositionem Priorum, & familiarum facienda sunt, hora,
quæ P. Præsidenti congrua videbitur, ad sonum campanellæ, con-
uocabitur Capitulum, ad quod omnes tam vocales, quam non
vocales conuenire debent. Quibus ordinatè congregatis, P. Præ-
siciens dicat: *Adiutorium nostrum &c.* Deinde clara subdat voce.

*Recitentur nostræ Congregationis, et singulorum locorum ipsius Be-
nefactores viui.*

Tunc P. Vicarius Generalis electus, & confirmatus assurgens
dicat.

*Sacrificijs, & orationibus omnium Congregationis nostræ Patrum, ac
Fratrum Beatissimum Patrem Christi Vicarium Alexandrum Papan-
septimum commendo, Eminentissimorum Cardinalium Sacrum Collegiū,
sed præcipuè nostrum Eminentissimum, totiusq; Ordinis Protectorem N.
de N. sic Patrem Priorem Generalem Religionis nostræ, ac Episcopos
Ordinarios locorum, in quibus, domus, & Monasteria nostræ Congre-
gationis existunt. Commendo pariter Serenissimum Imperatorem, Re-
ges, Republicas, Duces, & alios Principes, & Vniuersitates fidelium,
cum iustitia regentes, præcipuè verò Ordini nostro, & Congregationi
fauentes. Denique Benefactores omnes in genere, & specie commen-
do, præsertimque Dominos N. N. (hic si placet recolendi sunt no-
minatim Benefactores illi, qui specialia beneficia eo biennio Con-
gregationi, vel Monasterijs in particulari contulerunt; sin autem
omittantur.) Idem subindè facient singuli Priores Conuentuum,*

si nempe P. Præsidenti videbitur, commemorando per ordinem viuos ipsorum Benefactores.

15 Pro quibus P. Præsidentis omnibus Conuentibus in genere, & cuilibet Fratri nostræ Congregationis in specie missas, psalmodias, & alias orationes iniungat, præcipuè verò dicat.

Quilibet Prior in Conuentu suo cum ad locum peruenierit missam unam pro defunctis fratribus, sororibus, familiaribus, confratribus, & benefactoribus nostræ Congregationis, & aliam de Spiritu Sancto pro viuis decantare faciat; Et quilibet Sacerdos tres missas pro defunctis prædictis, & tres de Spiritu Sancto. Quilibet Clericus unum Psalterium cum Gloria Patri pro viuis, & alterum cum Requiem pro defunctis. Quilibet Conuersus quingenta Pater noster cum requiem pro defunctis, & alia quingenta Gloria Patri pro viuis benefactoribus dicat.

16 Quibus expletis omnes surgant, & stantibus in locis suis Cantor incipiat sine nota psal. *Ad te leuavi oculos meos &c. Gloria Patri &c.* Deinde P. Præsidentis dicat.

V. Saluos fac seruos tuos, & ancillas tuas.

R. Deus meus sperantes in te.

V. Domine exaudi &c. R. Et clamor meus &c.

V. Dominus vobiscum. R. Et cum spiritu tuo.

O R E M V S.

Pratende Domine fidelibus famulis, & famulabus tuis dexteram celestis auxilij, ut te toto corde perquirant, & qua dignè postulant consequi mereantur. Per Dominum nostrum Iesum &c.

17 Deinde, vel immediatè post, vel alia hora agatur de culpis generaliter coram P. Præsidente, surrecto nempe vno ex vocalibus; qui positus genibus coram P. Præsidente nomine omnium, culpam dicat: *Pater Ren. dico meam culpam &c.* vtendo formula posita Ritu 2 i. num. 3. & Pater Præsidentis penitentiam de more iniungat. Post hæc Priores sigillatim officiū Prioratus in manibus P. Præsidentis sigillum præsentantes simpliciter renuntiabum, quæ sigilla P. Præsidentis acceptando, & eisdem ab officio Prioratus absoluendo dicat singulariter.

Et ego auctoritate Apostolica, qua fungor in hac parte accepto renunciationem tuam, & absoluo te ab officio Prioratus Conuentus S. Augustini N. In nomine Patris &c.

Et sic de singulis suo modo respectu fiat.

18 His peractis legantur (post hortationem P. Præsidentis ad perfectam omnium in Capitulo statutorum obedientiam) definitiones, si quæ factæ sunt, nec non Priorum, & familiarum dispositiones. Cum autem pronunciatum fuerit, quem Priorem constituerint S. Augustini Cremæ; is qui nominatus fuerit statim surgat, & coram P. Præsidente genua humiliter flectat in terram. Cui P. Præsidentis sigillum illius Conuentus tradens in manibus, ipsum in officio Prioratus confirmabit dicens hæc verba: *Et ego auctoritate Apostolica, quas fungor in hac parte confirmo te in Priorem S. Augustini Crema dans tibi omnem auctoritatem, & potestatem in spiritualibus, & temporalibus, quam ceteri Priores dicti Conuentus solent habere. In nomine Patris &c.* & Prior deosculata manu P. Præsidentis sigillum accipiat; & ad locum accedat suum, & successiue legatur familia. Eodem modo de cæteris Prioribus ordinatè fiat. Cantabitur postea *Te Deum laudamus &c.* & tunc omnes bini, & bini ad titulum Capituli se inclinantes ad Ecclesiam procedant, & omnes campanæ pulsentur. Finito verò Cantico P. Præsidentis stans in medio coram Altari maiori, dicat, in nota alta voce.

V. Saluos fac seruos tuos.

R. Deus meus sperantes in te.

V. Mitle eis Domine auxilium de Sancto.

R. Et de Sion tuere eos.

V. Domine exaudi orationem &c. R. Et clamor &c;

V. Dominus vobiscum. R. Et cum spiritu tuo.

O R E M V S.

Adesto supplicationibus nostris omnipotens Deus, & viam famulorum tuorum in salutis prosperitate dispone, ut inter omnes viæ, ac vitæ huius varietates tuo semper protegantur auxilio. Per Dominum &c.

19 Deinde P. Præsidentis, & P. Vicarius Generalis electus condescant, & cæteri genibus flexis dicant: *Confiteor Deo omnipotentis &c.* Postea P. Vicarius Generalis, aut P. Præsidentis de ipsius commissione, & auctoritate dicat: *Misereatur vestri omnipotens &c. Indulgentiam, absolutionem &c. Dominus Iesus Christus vos absoluat, & ego auctoritate, quod vigore indulgi apostolici fungor in hac parte, absoluo vos à vinculo excommunicationis maioris, & minoris, si quam,*
vel

vel quas incurristis, & à participatione cum excommunicatis, & restituo vos Sacramentis Ecclesiae, & communioni fidelium. In nomine &c. Eadem auctoritate absoluo vos à sententia suspensionis, & interdicti, & dispenso vobiscum super macula irregularitatis, si quam, vel quas fortè contraxistis, & habilito vos executioni, & susceptioni ordinum, & officiorum Sanctae Matris Ecclesiae, & nostri ordinis. In nomine &c. Eadem auctoritate absoluo vos à communibus transgressionibus regula constitutionum, definitionumq; nostrarum, ac praeceptorum superiorum vestrorum, & à penitentij neglectis. In nomine &c. Subdat postea. Concedo licentiam omnibus, & singulis, ut vobis eligatis Confessorem idoneum, & approbatum de nostra Congregatione, qui auctoritate sua vos absoluerè possit in foro conscientiae, quemadmodum ego ipse prestare possem, hocq; semel tantum infra Pentecostem, quo ad eos, qui nunc Capitulo Generali adsunt, quo ad absentes vero infra quindecim dies postquam hoc sciuerint.

20 Demum R. P. Praesidens potestatem sibi, ac definitorio reservabit, hoc modo pronuncians clara voce.

Reservamus nobis auctoritatem, & potestatem determinandi, definiendi, statuendi, reformandi, corrigendi, & emendandi, nec non mutandi, & confirmandi quaecunq; gesta sunt, quamdiu Nos, & Definidores omnes simul erimus. Quo dicto P. Praesidens, vel P. Vicarius Generalis omnibus benedicat, dicens.

Pax, & Benedictio Dei Patris omnipotentis, & Filij eius Domini nostri Iesu Christi, & Spiritus Sancti descendat super vos, & maneat semper. Amen.

V. Adiutorium &c. R. Qui fecit &c.

Sicq; soluat Capitulum.

21 Quia verò alia multa occurrunt, quae durante Capitulo Generali exequi oportet; idcirco sciendum est primò, quod in primo Definitorio Capituli Gener. eligendi sunt tres Patres periti, & experti ex vocalibus Capituli, qui sint iudices causarum omniù Capituli, tam Fratrum, quam etiam secularium cum Fratribus, qui singulorum causas audientes, literasq; rationum Conventuum, & ipsorum debita, & credita calculantes, grauiora definitorio referant, leuiora verò iudicent, & terminent.

Secundò iuxta decretum Sacrae Congregationis 21. Sept. 1624.

de mādato Vrbanū VIII. sex alij Patres ex grauiorib⁹ eligi debent, quorū assensu, & consilio eijsi possint à Congregatione incorrigibiles, seruatis tamen ijs, quæ in eodem decreto seruanda statuuntur.

Tertiò, quod coram toto Capitulo Bulla legatur ad Sanctam Inquisitionem attinens Urb. VIII. 14. Aprilis 1633. incipit: *Sanctissimus Dominus noster sedulo incumbens*, qua commonentur omnes de iniuncta omnibus obseruantia, & executione literarum Apostolicarum ad sacre Inquisitionis officium pertinentium.

Quartò, quod Capitulo Generali durante non solum in Conuentu, vbi Capitulum celebratur, sed in omnibus Congregationis Monasterijs, & Ecclesijs celebrari possit officium duplex iuxta indultum Alexandri Papæ VI., qui de anno 1498. 26. Martij postquam prorogauit auctoritatem Præsidentis ad totam Capituli durationem subdit. *Quodq; huiusmodi vestro Generali Capitulo durante liceat vobis singulis diebus eiusdem duplici maiori officio fungi, seu illud celebrare indulgemus.*

Quintò, quod officium diuinum in loco Capituli celebrandum, & missæ cantandæ, de die in diem à Correctoribus iuxta ordinem, & seriem nationum deputentur; hoc videlicet ritu, vt semper Fer. 5. post Dominicam 2. cantetur missa à P. Vicario Generali absoluendo, & ab omnibus Fratribus chorus officietur, præsertimque à nationalibus eius, quorum etiam erit munus Altari inferuire; Sabato autem à P. Præsidente Capituli, & ab omnibus officietur chorus, & præcipuè à nationalibus, ex quibus seligendi erunt Ministri. Si autem contingat P. Præsidentem, & P. Vicarium Generalem absoluendum esse eiuidem nationis, tunc pro libito eorum eligendi erunt Ministri, vel alia natio poterit subrogari. Cæteris verò diebus seruabitur ordo Patriarum, & nationum, qui talis erit.

Natio Veneta, quæ omnes continet Conuentus Veneti Dominij.

Natio Pontificia omnium Monasteriorum status Ecclesiastici.

Natio Mediolanensis omnes Conuentus comprehendens Mediolanensis Ducatus.


Natio Genuensis, & Tusca omnium Monasteriorum Liguriæ, & Tusciæ.

Na-

Natio Pedemontana omnium Conuentuum, quæ sub Dominio Ducis Sabaudia continentur.

Natio Ducalium, quæ Monasteria Mantuani, Mutinensis, Placentini, & Bozoli Ducum comprehendit.

Sextò singulis tandem diebus Capitulo durante sint prædicatores deputati, qui ante prandium concionem habeant, quorum vnus Ciuitati, vel loco annunciet Capitulum Dominica secunda post Pascha, alter verò singulis Ciuibus Dominica quarta pariter post Pascha gratias agat, & Lectores, seu Cathedratici, qui post prandium expositas conclusiones eorum omnibus defendant.



R I T V S XXXVI.

*Celebrandi Definitorium Capituli Generalis,
vel Diata.*

I Reato in Capitulo Generali Patre Vicario Generali, (*Const. cap. 26. cap. 27. cap. 30. Rub. 11. & 17. cap. 1. & 3.*) electisq; Definitoribus, sequentibus diebus conuocabitur Definitorium, ad quod spectabit Prior- res locorum instituere, Visitatores minores eligere, Conuentuum Vicarios deputare, Procuratorem Generalem, Socium, & Secretarium, item Sacristam, & Procuratorem Conuentus Romæ creare, definitiones facere, cæteraq; omnia præstare, quæ in constitutionibus enumerantur, passimq; inueniuntur. Constituitur autem Definitorium ex Patribus Præsidente, Vicario Generali electo, Vicario Generali absoluto, quatuor Definitoribus electis, & quatuor Visitoribus anni tunc proximè præteriti; nec vnquam minus, quam ex nouem Patribus confici potest, ita vt si aliquis ex Visitoribus fuerit in Vicarium Generalem electus, & alius, aut alij, vel mortis causa, vel alio accidente defecerint, eo casu subrogandi sint illi, qui post quatuor Definidores, electos plures habuerunt voces.

2 Congregatis itaq; Patribus istis in loco decenti, & secrete, & omnibus genua in terram flectentibus, P. Præsiciens incipiat sine nota: *Veni Creator spiritus &c.* & alternatim totum dicatur.

V. Emitte spiritum &c. R. Et renouabis &c.

V. Domine exaudi &c. R. Et clamor &c.

V. Dominus vobiscum. R. Et cum spiritu tuo.

O R E M V S.

Deus, qui corda fidelium Sancti Spiritus illustratione docuisti, da nobis in eodem spiritu recta sapere, & de eius semper consolatione gau-

gaudere. Per Dominum nostrum &c. in unitate eiusdem &c.

O R E M V S.

Actiones nostras quesumus Domine aspirando praeueni, & adiuuando prosequere, ut cuncta nostra oratio, & operatio à te semper incipiat, & per te cepta finiatur. Per Christum &c.

3 Deinde surgentes ad paratam ibidem tabulam, super quam commodè scribere possint, hoc ordine confedebunt videlicet primò P. Præsides in capite mensæ; à dextris P. Vicarius Generalis electus, à si sinistris P. Vic. Gen. absolutus, subindè quatuor Definidores, duo à dextris, & duo à sinistris iuxta primogenita professionum, & eodem ordine quatuor Visitatores. Sic igitur confedentibus dicat P. Præsides.

V. Adiutorium nostrum. R. Qui fecit &c. V. Benedicite. R. Deus. V. Dominus nos benedicat, & ab omni malo defendat. Et fidelium anima per Dei Misericordiam requiescant in pace. R. Amen.

Subindè idem P. Præsides omnes hortetur, ut omnibus tractandis, ac definiendis solum Deum, religionis zelum, & obseruantiae augmentum, remotis passionibus, odio, ac amore, præ oculos habeant; Præcipiatq; eis, ut ea, quæ in definitorio tractari proponi, aut decidi contigerit, nulli extraneo, quouis modo, à corpore definitorii reuelent, absq; ipsius definitorii speciali commissione, & licentia; In fine vero, quando collegium soluere, & locum definitorii exire voluerint, puta ratione prandij, vel cenæ; dicat P. Præsides. *V. Adiutorium &c. R. Qui fecit etc.*

4 Quandocunq; verò ad ipsum locum definitorii deinceps eodem, vel sequentibus diebus, durante definitorio, collegialiter eos congregari continget, postquam (ut præmissum est) ordinatò confederint. P. Præsides dicat.

V. Adiutorium &c. R. Qui fecit &c.

V. Benedicite. R. Deus.

V. Dominus nos benedicat &c.

V. Domine exaudi &c. R. Et clamor meus &c.

V. Dominus vobiscum. R. Et cum spiritu tuo.

O R E M V S.

Deus, qui corda &c. Actiones nostras &c. ut supra. Exinde sedentes ad ea, quæ tunc instabunt exequenda procedant.

5 Eligantur pariter vnus, vel plures Cancellarij definitorij, qui notent, & scribant ea, quæ ex mandato P. Præsidentis notanda, & scribenda sunt.

Item duo Hostiarij ordinentur, quorum alter semper prope hostium definitorij præsto sit, alter verò per domum citatos inquirendo, sicut oportuerit, matura festinatione discurrat.

6 Priorum electiones, item Visitatorum, nec non decreta, & decisiones maioris ponderis fiant per secreta suffragia; propositionesq; ac determinationes in peculiari, quinterno notentur, ac describantur, & in fine definitorij manu propria P. Præsidentis, nec non omnium definitoris assistentium subscribatur. Quæ autem possint, vel debeant in definitorio tractari expressè habes in constitutionibus exarata cap. 30. à num. 3. & deinceps. Item passim in Rubricis definitionū, ac in alijs definitionibus posterius editis.

7 Cum autem dicta celebranda est, tunc conuocabitur à P. Vicario Generali definitorium, quod ex nouem Patribus constitutum erit .s. Patre Vicario Generali, Patribus Definitoribus, ac Visitatoribus electis in Capitulo Generali proximè præterito. In quo idem omninò ritus seruandus erit, ac in definitorio Capituli Generalis. Cæterum tempore Dietæ non minus quam tempore Capituli Generalis publicè legenda erit Bulla de iniuncta omnibus obseruantia, & executione literarum Apostolicarum ad sacræ Inquisitionis officium pertinentium; Incipit: *Sanctissimus Dominus noster &c.* 14. Aprilis 1633. Si autem aliquis ex definitorio assistentibus defuerit, poterit P. Vicarius Generalis alium, vel alios subrogare, illum .s. vel illis cæteris proponendo, & per vota secreta eligendo, antequam definitorium incipiatur.



R I T V S XXXVII.

*Seu formula disponendi, & describendi in Capitulo
Generali familias quorumcumq; Conuen-
tuum Congregationis.*

Ilpoſitis in Capitulo Generali Prioribus, & familijs ſingulorum Congregationis Conuentuum, collocatis collocandis, remotisq; remouendis in peculiari folio ſingillatim ſingulae familiae deſcribentur cum reuiſione P. Socij appoſitione ſigilli maioris Congregationis, & ſubſcriptione Patris Vicarij Generalis in fine cuiuslibet. Formula autem huiusmodi diſpoſitiones deſcribendi talis erit.

In nomine D. N. I. C. benedicti. Amen. Anno eiſdem milleſimo ſexcenteſimo ſexageſimo primo (exprimitur annus, quo celebratum eſt Cap tulum) de menſe Maij (vel Aprilis ſi hoc in menſe contigit) celebratum eſt Capitulum Generale noſtrae Congregationis in Conuentu noſtro Sancti A. de B. In quo quidem Capitulo Praeſidens fuit Ren. Pater in Chriſto F. Narnus de Bergamo (ponuntur nomina propria omnium, & ſingulorum Patrũ, & Fratrum in diſpoſitionibus relatorum) antiquior Definitor Capituli Generalis immediatè præteriti (ſi Definitores fuerint per Breue Apoſtolicum dicitur: Antiquior, Definitor ut in Breui Sanctiſſimi D. N. proximè præterito.) Et inuocato prius Spiritu Sancto unanimiter, & una voce electus fuit in Vicarium Generalem noſtrae Congregationis Ren. in Chriſto Pater Honofrius de Papia. Definitores fuerunt RR. PP F. Rabanus de Roma, F. Conſaluis de Cremona, F. Amator de Ipporedia F. Fernandus de Faentia. (ſi fuerint Priores alicuius Monafterij exprimitur poſt ſingulorum nomina,) Adſuit quoq; Ren. Pater in Chriſto F. Iuniperus de Bononia Vicarius Generalis abſolutus. Interfuerunt etiam RR. PP. Viſitatores biennij immediatè præteriti F. Candidus de Tolentino; F. Gelafius de

Sa.

Saudna, F. Odoardus de Mutina, & F. Samuel de Pontenico. Qui omnes defunierunt, & ordinauerunt, ut infra.

Dispositio Conuentus S. Augustini Crema.

R. P. Vriel de Crema Conf. Præd. S. T. L. Prior Conuentus.

R. P. Timoteus de Crema C. P. L. Prior vacans.

V. P. Quietus de Crema C. Vicarius.

V. P. Alipius de Bergamo C. P. Lector.

P. Sinibaldus de Mediolano C.

P. Rolandus de Pontenico C.

ex Brixia.

P. Pallans de Soroxina.

ex Cremona.

P. Tiberius de Forolinio.

ex Imola.

P. Balthassar de Gabiano C. P.

P. Eliseus de Crema C. P. L.

P. Pompilius de Alexandria.

P. Gernasius de Nimbro C.

P. Puccius de Castilono.

ex Bergijs.

Clerici.

F. Ersilius de Bononia Diac.

F. Rosmundus de Bozulo.

ex Mediolano.

F. Filidaurus de Mantua.

ex Mantua.

E. Andronicus de Crema.

Conuersi, & Commissi.

Santinus de Bagnatica.

ex Bergamo.

Carolinus de Caluatonno.

Humiliatus de Luzzana.

Melodius de Saxeto.

ex Roma.

Pacificus de Crema.

Remoti.

R. P. Annibal de Crema Prior.

Ferraria.

P. Fabricius de Crema Lector.

Ferraria.

P. Ionita de Brixia.

Brixie.

P. Possedonius de Papia.

Roma.

F. Reginaldus de Macerata cl.

Bononia.

Serenus de Asula.

Lemine.

Visitatores nostra Congregationis erunt RR. PP. Macarius de Como,

P. Sempronius de Genua, P. Palladius de Crema, P. Nembridius de

Bo.

Bořulo. Procurator Generalis in Curia Romana P. Adeodatus de Taurino. Socius R. P. Vic. Generalis P. Erculanus de Ferraria. Futurum Capitulum Gener. ponimus in Conuentu nostro Sancti B. de V. Omnia demum, ac singula ponimus in pectore, arbitrio, & voluntate R. P. Vic. Gener. Congregationis.

Socius vidit.

F. Honofrius de Papi Vic. Gen. manu propria.


Locus ✠ sigilli.

Et hic ordo seruandus est in dispositione omnium familiarum mutatis mutandis, hac perpetua regula, vt semper priores vacantes ponantur statim post Priorem Conuentus, postea Vicarius, deinde Patres, & Fratres iuxta primigenia professionis eorum, cum ipsorum titulis, & officijs. Si in Conuentu adsunt Nouitij collocantur immediatè post Clericos, & ante Conuersos. Conuersorum Nouitij vltimum locum tenent; Præsules verò Congregationis ante ipsum Monasterij Priorem poni debent. Sic exarata Conuentus cuiuslibet dispositione electo Priori tradetur in proprio Conuentu publicè legenda.



R I T V S XXXVIII.

*Mittendi ad P. Reuerendiss. Generalem Ordinis
acta Capitularia Congregationis.*

I  Eracto Capitulo Generali Congregationis notificanda sunt P. Reuerendiss. Generali Ordinis, quæ in eodem Capitulo acta sunt, simul ab eo petendo confirmationem P. Vicarij Generalis, iuxta ea, quæ in instrumento concordie leguntur. Forma autem, & exemplar literarum mittendarum Reuerendiss. P. Generali, in quibus acta capitularia continentur huiusmodi erit.

In nomine D. N. I. C. benedicti. Amen. Celebratum est hoc anno
die mensis Capitulum Generale Congregationis nostra Lombardia Ordinis Fratrum Eremitarum S. Augustini in Conuentu Sancti A. de C. in quo quacumq; acta sunt, ut moris est Paternitati tua Reuerendiss. mittimus. In eo presuit iuxta morem nostra Congregationis antiquior Definitor anni prateriti R. Pater B. de D. & Vicarius Generalis electus fuit R. Pater E. de F. Definidores fuerunt Pater G. de H., Pater L. de I., Pater H. de M., & Pater O. de N. Definitiones nullas fecimus, quæ contraria sint constitutionibus Ordinis, & nostris definitionibus antiquis.

Dispositiones Priorum, Vicariorum, & Lectorum, sunt infra scripta vtz.
Dispositio Conuentus Sancti Augustini Crema.

R. P. Vriel de Crema. Prior.

P. Quietus de Crema. Vicarius.

P. Alipius de Bergamo. Lector.

Dispositio Conuentus S. Maria de Populo Roma.

R. Pater Ascanius de Bononia. Prior.

P. Marcellus de Mediolano. Vicarius.

P. Gaudentius de Novaria. Lector.

Dis

Dispositio Conuentus S. Nicolai de Tolentino.

- R. P. Tadeus de Luca. Prior.
P. Anselmus de Mantua. Vicarius.
P. Geminianus de Mutina. Lector.

Dispositio Conuentus S. Mariae de Cella Ianna.

- R. P. Sirus de Genna. Prior.
P. Baudolinus de Alexandria. Vicarius.
P. Prosperus de Regio. Lector.

Dispositio Conuentus Sancti Augustini Bergomi.

- R. P. Seraphinus de Bergamo. Prior.
P. Faustinus de Brixia. Vicarius.
P. Petronius de Bononia. Lector.

Dispositio Conuentus S. Mariae Coronatae Mediolani.

- R. P. Ambrosius de Mediolano. Prior.
P. Cassianus de Imola. Vicarius.
P. Caterus de Tolentino. Lector.

Dispositio S. Iacobi Florentiae.

- R. P. Pastor de Taurino. Prior.
P. Euasius de Casali. Vicarius.
P. Homobonus de Cremona. Lector.

(Sic enumerabuntur dispositiones reliquorum Conuentuum eodem ordine, & ritu.) *Visitatores electi sunt, P. Macarius de Como, P. Sempronius de Genna, P. Palladius de Crema, P. Nembridius de Bozelo, Socius P. Vicarij Generalis P. Ercolanus de Ferraria. Futurum Capitulum Generale Congregationis, positum fuit in Conuentu S. Mariae de M. Ut ergo R. P. Vicarius Generalis nostrae Congregationis animo promptiori suum munus exequatur à P. T. Reuerendissima petimus, ut suam benedictionem, & confirmationem illi mittere dignetur. Et si qua de re cum monere voluerit, moneat, atq; ad vigilandum super gregem sibi commissum hortetur. Parati namq; sumus ad complectendum monita, & obtemperandum Paternis exhortationibus Paternitatis tuae Reuerendissima, quam Deus conseruet. Et subscribantur manu P. Praesidentis, P. Vicarij Generalis, & P. Definitorum.*

RITVS XXXIX.

Recipiendi Patrem Vicarium Generalem, & Patres Visitatores cum ad Monasterium visitandum peruenerint.




Ntequam P. Vicarius Generalis ad aliquod Monasterium pro Visitatione accedat, ornetur illius Ecclesia, sicuti in solemnibus, & præsertim Altare maius cum cereis, seu candelis tempore debito accendendis. Die antecedenti ipsius P. Vicarij Generalis aduentum pulsentur in sero campanæ in signum lætitiæ, & hora determinata eo accedente ad Ecclesiam armonico sono, sicuti præcedenti die pulsentur campanæ, nec non organa, si quæ sunt. Adstent Fratres omnes hinc inde versis vultibus intra Ianuam Ecclesiæ, & P. Superior, vel Vicarius superpelliceo indutus, aspersorium tenens aqua benedicta madefactum, illud P. Vicario Generali in ingressu Ecclesiæ porrigat, qui accipiens seipsum prius, deinde Fratres omnes profundè inclinatos aspergat, & Superiori aspersoriū reddet. Ex inde Fratres bini, & bini versus Altare maius ante P. Vicarium Generalem incedant, qui ad reclinatorium ad hunc finem paratum peruentus genua flectat, & oret, quod etiam cæteri omnes post ipsum Patrem Vicariū Generalem præstabunt. Completa oratione, à Priore, vel Superiore loci deducatur P. Vicarius Generalis ad sedendum super sedem, in loco opportuno paratam, ad quem Prior ipse, & Patres omnes, ac Fratres cum debitis reuerentijs accedent, ad illius manus deoscultationem; non tamen turmatim, sed ordinatim incipiendo ab antiquioribus, genuflectentes vno saltem genu in signum obedientiæ; Quos P. Vicarius Generalis grato animo recipiet, & hilari facie admitter. Finita deoscultatione manus, P. Vicarius Generalis omnes Fratres suos genuflexos,

flexos, facieq; ad ipsum Conuersos benedicet dicens Pax, & Benedictio Dei omnipotentis Patris, ✠ & Filij, ✠ & Spiritus Sancti ✠ descendat super vos, & maneat semper. R. Amen.


Quibus terminatis Prior, vel Superior accipiendō P. Vicarium Generalem illum ad cubiculum suum cum alijs Patribus comitabuntur.

2 In minoribus tamen Conuentibus poterit R. Vicarius Generalis peracta oratione Fratres Monasterij ad manus deosculationem stans recipere, illosque genuflexos benedicere. Idem ferè ritus seruandus erit in receptione Patrum Visitatorum, præterquamquod non erit necesse campanas, & organa pulsare, sicuti neque post orationem sedem adaptare pro Fratribus ad manum deosculationem recipiendis; sat enim erit, si Patribus Visitatoribus stantibus eorum manus Fratres deosculentur.



RITVS XXXX.

Visitationis Patris Vicarij Generalis.

I  Ostquam Pater Vicarius Generalis ad aliquem Congregationis Conuentum peruenerit, sequenti, vel altera die demandabit missam cantari de Spiritu Sancto, vel priuatim celebrari pro f. lici visitationis successu, postea die, & hora, quæ sibi videbitur opportunior, cunctis Fratribus ad sonum campanellæ in Capitulum (vt moris est) conuocatis, flexis genibus, & sine nota incipiet hymnum: *Veni Creator Spiritus &c.* quem alternatim de more prosequuntur cæteri, quo finito dicitur.

Kyrie eleison. Christe eleison. Kyrie eleison. Pater noster &c.

V. Et ne nos inducas &c. R. Sed libera &c.

V. Memento nostri Domine in beneplacito populi tui.

R. Visita nos in salutare tuo.

V. Domine exaudi &c. R. Et clamor &c.

V. Dominus vobiscum. R. Et cum spiritu tuo.

O R E M V S.

Deus virtutum, cuius est totum, quod est optimum insere pectoribus nostris amorem tui nominis, & presta in nobis religionis augmentum, vt quæ sunt bona, nutrias, & pietatis studio, quæ sunt nutrita custodias. Mentes nostras quesumus Domine lumine tue claritatis illustra, vt videre possimus quæ agenda sunt, & quæ recta sunt agere valeamus. Per Christum &c.

Subdat deinde P. Vicarius Generalis.

V. Adiutorium nostrum &c. R. Quisecit &c.

V. Benedicite. R. Deus.

V. Dominus nos benedicat &c. R. Amen.

2 Tunc consedentibus omnibus verbum habebit aliquod opportunè sibi benè visum de aliqua spiritali, & vtili materia, omnes

nēs in fine hortando, vt Deum solum, & conscientiam prae oculis habentes, semotis, amore, odio, timore, atq; omni humano respectu, sincerè, fraternè, paternè, & ex religionis zelo eidem dicant, quæ in Monasterio, atq; etiam circa personas nouerint correctione, aut emendatione digna, inutilia omittendo, & friuola, vel ea, quæ alias fuerunt correctæ. Quapropter vt facilius vitia, & excessus, si qui sint, expurgentur, statim cunctis à P. Secretario legi mandabit excommunicationis sententiam in Constitutionibus contentam, tenoris sequentis.

Nos Frater Fulgentius Alchifus Casalen. Congregationis obseruantia Lombardia Ordinis Fratrum Eremitarum S. Augustini Vicarius Generalis, licet indignus. Vos omnes, & singulos Patres, & Fratres huius Conuentus S. Augustini N. eiusdem Congregationis, ac voti rogamus, hortamur, & in Domino monemus, primo, secundo, & tertio, & vobis in virtute Sancti Spiritus precipimus per obedientiam salutarem, quatenus remotis, odio, amore, timore, pretia, & precibus dicatis nobis quantum in Domino poteritis veritatem in omnibus, de quibus à nobis requisiti, & interrogati fueritis; Ac insuper, quod si aliquid notabile scitis, vel audiistis de R. Priore, vel Fratre aliquo, quod tolerari non debeat, nec deceat illud nobis charitatiuè reuelatis; quod si aliquis vestrum hoc presens nostrum mandatum obseruare contempserit, ex nunc, pro ve ex tunc trina canonica monitione premissa in his scriptis, licet inuiti, cum vinculo excommunicationis innodamus. Lecta, & lata fuit hac sententia anno Domini die mensis in Capitulo Sancti Augustini N. Legatur etiam subscriptio.

Fr. Fulgentius Alchifus Casalen. Vicarius Generalis manu propria. Deinde in aliquo loco patenti, & publico affigatur, vt ab omnibus commodè huiusmodi sententia legi possit.

3 His habetis die, & hora P. Vicario Generali benè visis ad visitandam Sanctissimam Eucharistiam accedat, quapropter accensis super Altare cæreis, & intorricijs, ipse P. Vicarius Generalis superpelliceo, albaq; stola indutus, & eodem modo P. Superior Conuentus, vel Parochus, vel Sacrista, cum Acolito thuribulum cum incenso tenente, & Ceroferarijs, (si commodè fieri potest) cæterisq; omnibus Conuentus Fratribus comitantibus, ante maius Altare

care genuflexi sistant, solo tamen P. Vicario Generali in supremo Altaris gradu morante. Tunc surgens P. Sacrista in medio Altaris explicabit Corporale, deinde Tabernaculum aperiet, & extracto Sanctissimo Sacramento, illud super huiusmodi corporale collocabit. Mox P. Vicarius Generalis ministrante nauculam sine osculis P. Sacrista incensum sine benedictione ponet in thuribulum, terque de more Sacramentum incensabit. Peracta incensatione, & reddito thuribulo vocē parum elēuata Hymnum intonabit, vel cantabit. *Pange lingua gloriosi &c.* quem usque ad versum: *Tantum ergo Sacramentum &c.* exclusiue Fratres omnes prosequuntur. Et facta pausa ad dictum versiculum *Tantum &c.* ipse P. Vicarius Generalis cum P. Sacrista à sinistris ascendet Altare, & facta genuflexione, apertaque pixide visitabit, & scrutabitur.

An ea, quæ decet decencia Eucharistia asseruetur.

Quot sint particulæ in pixide, an recentes sint, & sine fragmentis.

An saltem bis in mense renouentur.

An Pixis sit argentea, intus deaurata, firmiter occludatur, commodè in nodo capiatur, in summitate operculi sit parua Crux, aut imago Crucifixi, & sub ea sit substrata aliqua corporalis pars.

An Tabernaculum sit intus serico coopertum, præsertim rubeo; aliquid aliud in eo præter pixidem asseruetur, eius ostiolum firmiter occludatur, clauis deaurata, an vermes ingredi possint, aut minuta animalia, super illud sit conopæum, & vltcrius vmbraculum, seu baldachinum.

4 Quibus diligenter perlustratis, factisque iterum debitis reuerentijs Pixidem teget, & tunc descendet ad gradus Altaris, ac genuflexus intonabit *Tantum ergo &c.* Deinde ministrabitur, vt prius incensum, & thuribulum, quo triplici ductu Sacramentum eodem modo incensabit. Deinde tempore debito dicetur.

V. *Panem de cælo præstitisti eis alleluia.*

R. *Omne delectamentum in se habentem alleluia.*

OREMVS.

Deus, qui nobis sub Sacramento mirabili passionis tuæ memoriam reliquisti, tribue quasumus, ita nos corporis, & sanguinis tui sacra mysteria venerari, vt redemptionis tuæ fructum in nobis ingiter sentia.

tiamus. Qui vivis, & regnas per omnia secula seculorum. R. Amen.

5 Post hæc P. Vicarius Generalis, & Fratres omnes genuflexi, pro libito ipsius P. Vicarij Generalis orabunt, pro Summo Pontifice, Eminentiss. Cardinali Protectore, Rege, Principe, vel Domino loci, Prælati, & Fratribus Congregationis, Ciuitate ipsa, & loco, vbi situm est Monasterium, ac tandem pro Benefactoribus viuis dicendo Psalmum. *Ad te leuavi &c.* cum solitis versiculis: *Saluos fac &c. Mitte eis &c.* ac oratione. *Præstende Domine &c.* & demum pro fratribus, sororibus, ac Benefactoribus in Domino defunctis dicendo Psalmum: *De profundis &c.* cum solitis versiculis, & oratione: *Deus venia largitor &c.* quibus pro libito peractis P. Sacrista, & Acholitus, vel duo alij velum oblongum super humeros P. Vicarij Generalis imponent, qui solus ad Altare ascendet, & velatis manibus sumpta Pixide vertens se ad Fratres, illos semel signo crucis benedicet, & girum perficiens Pixidem reuerenter reponet super corporale: Tum genuflexione facta descendet ad gradum, vti prius, & amoto velo, Sacrista cum debita reuerentia Pixidem intra Tabernaculum collocabit, & ostiolū claudet, sicq; omnes postea discedent: Est tamen adnotandum, quod si in visitatione Sanctissimi Sacramenti P. Vicarius Generalis particulas tetigerit parata debet esse aqua cum purificatorio, vt possit digitos abluere, & tergere, quam aquam P. Sacrista in sacrario reponet.

6 Post Visitationem Sanctissimæ Eucharistiæ poterit P. Vicarius Generalis Ecclesiæ Altaria, cæteraque eius partes visitare, deposito superpelliceo, & assumpto pro assistente P. Socio, à maiori Altari visitationem incipiendo. Diligenter autem inuestigabit.

An Altare longitudinem habeat, latitudinem, & altitudinem, pro missa celebranda proportionatam; super illud sit nitida crux; tribus tobaleis operiatur, quarum Superior sit ita oblonga, vt hinc inde vsque ad terram pertingat; adsit in eo tabella secretarum, & Euangelij S. Ioannis; habeat aram debitæ mensuræ; in medio aliquantulum eleuatam, integram, & firmam cum tabula lignea subtus, & ante maius Altare semper lampas colliceat, & in lateribus infimi gradus sint candelabra maiora pro eleuatione Sanctissimi Sacramenti.

An reliquię Sanctorũ decenter teneantur, (*Def. 1644.*) & sub duabus clauibus diuersis, quæ à diuersis Patribus custodiantur.

An Confessionalia sint in loco patenti, & munita laminis, vel craticulis ferreis, aut ligneis cum foraminibus minutis, ac in ipsis affixa sit Bulla Cęnæ Domini, & casus Episcopales.

An vas aquæ benedictæ sit integrum, & mundum, & aqua sæpe in eo renouetur, & sit in Ecclesia piscina, in quam lotiones rerum sacrarum mittantur.

Videbit denique, an omnes Ecclesiæ partes, eo cultu, & nitore fulgeant, quæ domum Dei decet, & præsertim, si in ea aliquid reparandum, aut construendum fuerit.

7. Visitabit deinde Chorum, & Sacristiam. Circa Chorum obseruabit an adsint in eo libri necessarij, non laceri, vel vetustate consumpti, .s. Plalterium, Hymnarium, duo Antiphonaria de Tempore, & Sanctis, duo Gradualia pariter de Tempore, & Sanctis in nota, Breuiaria pro lectionibus, Manuale, martyrologium; Officium Ordinis S. P. Augustini, Octauarium, Officium Sanctorum, de quibus non sit mentio in Breuiario, vel quia nouiter inserti Officio, vel quia peculiare loci, Rituale Romanum, & Congregationis, Ordinarium loci, & an Hymni sint reformati ad præscriptum Bullæ Urbani VIII., & hoc modo decantentur.

8. Circa Sacristiam videbit; An omnia illius ornamenta, paramenta, suppellectilia, & vasa sint integra, & nitida, non lacerata, vel deturpata; adsint vestes sacre cuiusvis coloris pro temporis diuersitate, benè, & rectè conseruentur, & custodiantur in armarijs, & locis proprijs; An Calices, patenæ, & alia sacra vasa, sint argentea intus perfectè inaurata, & rectè firmata, & non maculata, ostensorium pro Sanctissimo Sacramento sit deauratum, vel argentatum, lunula semisphericalis sit aurea, vel argentea, benè occludatur chrystallo, & in summitate sit parua crux, vel imago Crucifixi. An sint ibi missalia sufficientia tam pro viuis, quàm pro defunctis, integra, & non lacera cum suis signaculis; Sit Rituale Romanum Pauli V. & Congregationis. Sit in aliquo loco affixa Bulla Cęnæ, Bulla ad Sanctam spectans Inquisitionem: Incipit: Sanctissimus Dominus noster &c. Edictum S. Officij Inquisitionis; Tabula festorum, quæ ex præcepto, consuetudine, voto,

aut

aut deuotione seruantur in illa Ciuitate, nec non Tabella obligationum, anniuersariorum, & missarum Monasterij. An adsit pariter Inuentarium omnium suppellectilium Sacristiæ. Item liber, in quo sint obligationes descriptæ, & alter, in quo mortui, qui in Ecclesia, vel Cemeterio sepeliuntur, exarentur, & vltcrius liber introituum, & expensarum Sacristiæ. An tandem supra mensam, vbi Sacerdotes sacris vestibus induuntur sit aliqua crux, vel sacra imago, quæ pariter esse debet ad Oratorium præparationis Sacerdotum ad sacrum faciendum cum necessarijs tabellis precum, & orationum ante, & post celebrationem missæ recitandarum.

9 Inspectis ijs, quæ spectant ad Ecclesiam, Chorum, & Sacristiam poterit P. Vicarius Generalis visitare publicas Monasterij officinas, vel saltem inquirere ab eis, ad quos attinet ipsarum cura.

An sit in Monasterio inuentarium bonorum omnium, & suppellectilium, quæ siue in cellis Fratrum, siue in publicis reperiuntur officiis. An sit Archiuum, & quomodo custodiatur scripturæ, & instrumenta. An sit liber actuum capitularium, Item Regula B. P. Augustini, cum constitutionibus, & definitionibus Congregationis, nec non libri necessarij pro prima, & secunda lectione mensæ. An sit Bibliotheca cum inuentario librorum, & quomodo custodiantur &c.

10 Peracta huiusmodi generali visitatione, in arbitrio erit P. Vicarij Generalis cellas Fratrum visitare, diligenterque perquirere: Si inueniat vestimenta non alba, & non religiosa; item cappas, quæ non sint ex panno, vel rascia appanata, calceos, & crepidas sæcularitatem spirantes, picturas profanas, pileos non decentes, arma prohibita, gladios extraordinariæ mensuræ, item aleas, vel taxillos, quæ indicent ludos prohibitos &c.

11 Post hæc poterit P. Vicarius Generalis accipere scrutinium Fratrum procedendo ab infimis vsque ad supremos, in quo quidem scrutinio examinabit de omnibus, quæ ad rectum spectant gubernium, tum spirituale, tum corporale Monasterij, reducendo ad capita sequentia examen.

Primum circa Chorum, & Ecclesiam, si pulsantur campanæ debitæ horis, si diuinum officium, tam diurnum, quam nocturnum

scrutinium, quod in visitatione Monasterij S. Augustini N. dedit P. Fulgentius Alchisus Vicarius Generalis Patribus, ac Fratribus Conuentus eiusdem. Anno mense die
Vocatus accessit P. B. de L. qui diligenter interrogatus, respondit vt infra, scilicet.

Super primum caput scrutinij respondit omnia, benè.

Super secundum respondit sic, & sic.

Super tertium respondit hoc, vel illud &c. & ita super singula capita supra enumerata interrogabitur, & in fine propria manu subscribat.

Qui ordo seruabitur in scrutinio cæterorum.

13 Peracto scrutinio, & visitatis omnibus, quæ visitanda sunt correctæ, & reformata, quæ correctione indigent, vel reformatione, ac examinatis Clericis, studentibus, Confessoribus, ac Prædicatoribus, prout in definitionibus, hora P. Vicario Generali benè visa, pulsataq; campanella Capituli Patres omnes, ac Fratres in Capitulo congregabuntur; vbi Pater Vicarius Generalis dicit.

Ps. Adiutorium nostrum &c. R. Qui fecit &c.

Ps. Benedicite. R. Deus.

Ps. Dominus vos benedicat, & ab omni malo vos defendat, & ad vitam perducatur æternam, & fidelium anima per misericordiam Dei requiescant in pace. R. Amen.

Postea sedentibus; idem P. Vicarius Generalis verbum habebit aliquod opportunum ad regularem obseruantiam restituendam, & in fine per P. Secretarium alta, & intelligibili voce publicare faciet ordinationes, si quas fecerit; quibus habitis dicit: *Agamus de culpis;* & statim omnes genua flectant, & culpam suam dicant, & vnus ad pedes P. Vicarij Generalis accedens nomine suo, & omnium culpam recitabit, dicens. *P. R. dico meam culpam Deo, & tibi &c.* vt habetur in Ritu 21. de actione culparum, num. 3. Exinde ad nutum P. Vicarij Generalis omnes pariter genuflexi dicent. *Confiteor Deo omnipotenti &c.* & P. Generalis Vicarius accepta stola subdet: *Misereatur &c. Indulgentiam, absolutionem &c.* Postea: *Dominus noster Iesus Christus per suam piissimam misericordiam &c.* cum reliquis vsq; ad finem, quæ habenter in Ritu 13. de Absolutione Generali num. 1.

14 Data absolutione generali iterū sedentibus omnibus mentionem, faciet P. Vicarius Generalis omnium Benefactorum in genere Congregationis, & illius Conuentus, tam viuorum, quam mortuorum dicens.

Multa sunt beneficia, Patres, & Fratres in Christo dilectissimi, quae quotidie nobis à Domino Deo per fideles suos misericorditer conferruntur, quibus viuimus, sustentamur, & recreamur; Vnde ne Domino Deo, & Benefactoribus vestris inueniamur ingrati, commendo sacrificijs, & orationibus nostris Summum Pontificem Alexandrum VII. Eminentissimum Dominum Cardinalem Protectorem, & me Generalem Congregationis Vicarium, & R.R. Patres Praefules, Procuratorem Generalem, Socium, Definidores, Visitatores, Priores, Patres, ac Fratres omnes totius Congregationis nostrae (extra statum Ecclesiasticum, subdet.) Commendo etiam vobis Sreniss. Regem N. vel Ducem, vel Principem huius Domini, sub quo viuimus, ac omnes Benefactores, amicosue Confratres, ac familiares nostrae Congregationis, & praecipue huius Conuentus; omnes item habitatores istius Cinitatis, vel districtus. Multae etiam sunt personae, quae in tribulationibus, & angustijs posita, saepe rogant commendari orationibus vestris habentes fiduciam, & deuotionem in eis, illas igitur vobis commendo, omnes, & singulas secundum earum fidem. Praeterea commendo sacrificijs, & orationibus vestris animas omnium fidelium Defunctorum, in particulari vero animas parentum nostrorum Fratrum, & sororum, & amicorum Congregationis nostrae, & Benefactores, qui vobis annuales eleemosinas, vel quotidianas reliquerunt, vel pro quibus à suis nobis collatae sunt, & conferruntur. Insuper commendo etiam animam Fratris N. (hic recolendi sunt Fratres, vel Benefactores insigniores nuper defuncti) vel talis persona, quae his diebus ex hac vita migravit.

Et si quae essent obligationes, vel eleemosina data pro aliquibus animabus, pro quibus non esset plenarie satisfactum ob aliquam negligentiam, vel obliuionem. Ego accepto eas ad participationem missarum, & omnium bonorum operum nostrorum, donec fuerit pro eis satisfactum coram Domino Deo, pro quibus omnibus, & alijs merito nominandis tam viuīs, quam defunctis dicamus: Retribuere dignare Domine omnibus nobis bona facientibus propter nomen tuum vitam aeternā. & Am. Et tunc à Fratribus dicatur Psal. Ad te leuavi &c. Postea Kyrie eleison. Christe eleison. Kyrie eleison Pater &c.

V. Et ne nos inducas &c. R. Sed libera nos &c.
V. Saluos fac seruos tuos, &c. R. Deus meus &c.
V. Domine exaudi &c. R. Et clamor meus &c.
V. Dominus vobiscum. R. Et cum spiritu tuo.

O R E M V S.

Deus omnium fidelium Pastor, & Rector famulum tuum Alexandrū, quē Pastorem Ecclesia tua praeesse voluisti, propitiū respice, da ei quāsumus verbo, & exemplo, quibus praestit proficere, ut ad vitam vna cum grege sibi credito perueniat sempiternam: Et famulos tuos Cardinalem Protectorem, me Vicarium Generalem cum tota Congregationis nostra familia ab omni aduersitate custodi: Salutem, & pacem tuam nostris concede temporibus, & ab Ecclesia tua cunctam repelle nequitiam, & gentes Paganorum, & Hereticorum, quae in sua feritate, & peruersitate confidunt, dextera tua potentia contrahantur. Præstende Domine famulis, & famulabus tuis dexteram celestis auxilij, ut te toto corde perquirant, & qua digne postulant consequi mereantur. Per Christum &c.

Post hæc dicatur pro Defunctis Psal. De profundis &c. cum Requiem &c. in fine. Kyrie eleison. Christe eleison. Kyrie eleison. Pater noster &c. V. Et ne nos &c. R. Sed libera nos &c. V. A porta inferi. R. Erue Domine animas eorum. V. Requiescant in pace. R. Amen. V. Domine exaudi &c. R. Et clamor &c. V. Dominus vobiscum. R. Et cum spiritu tuo.

O R E M V S.

Deus venie largitor, & humana salutis amator quāsumus clementiā tuam, ut nostrae Congregationis Fratres, propinquos, & Benefactores, qui ex hoc saeculo transierunt, B. Maria semper Virgine intercedente, cum omnibus Sanctis tuis ad perpetua beatitudinis consortium peruenire concedas. Fidelium Deus omnium conditor, & redemptor, animabus famulorum famularumq; tuarum remissionem cunctorum tribue peccatorum, ut indulgentiam, quam semper optauerunt, pijs supplicationibus consequantur. Qui vivis, & regnas in saecula &c. V. Requiem aeternam &c. R. Et lux &c. V. Requiescant in pace. R. Amen.

*Tandem P. Vicarius Generalis omnes benedicat genuflexos dicens: Pax, & Benedictio Dei omnipotentis Patris, ✠ & Filij, ✠ & Spiritus Sancti, ✠ descendat super vos, & maneat semper. R. Amen. V. Adiutorium nostrum &c. R. Qui fecit calum &c. Et sic com-
 mune Vistatio.*

RITVS XXXI.

Visitationis Patrum Visitorum.

Item ferè Ritus erit in Patrum Visitorum visitatione seruandus, ac P. Generalis Vicarij, cum hoc ramentum discrimine, quod id, quod P. Vicarius Generalis per se solum præstare potest Patres Visitatores semper associati exequantur, unde ea, quæ in singulari à P. Vicario Generali proferuntur, puta dicendo: *Commendo, præcipio absoluo &c.* A Patribus Visitoribus in plurali erunt dicenda; & si vnus ramentum ex ipsis loquatur. Debent autem Patres Visitatores acta describere visitationis ad præscriptum legum nostrarum, & hoc præcipuè in illis Monasterijs, in quibus maiorem agnouerint necessitatem. Ritus autem acta describendi erit huiusmodi.

In nomine Patris, & Filij, & Spiritus Sancti. Amen. Hac est visitatio generalis, quam fecerunt Patres Pacomius de Florentia, & Macharius de Carignano Visitoris in Conuentu S. Augustini N. ad quem quidem Conuentum peruenti die mensis anni prius eodem (vel sequenti) die habito à P. Macario, altero Visitorum breui sermone coram omnibus Monasterij Patribus, ac Fratribus Capitulariter congregatis, visitationem intimaui, omnes hortando, singulisq; præcipiendo in virtute sanctæ obedientiæ, & sub excommunicationis pena, ut clarè, & distinctè veritatem aperirent, pro ut fuerint à nobis interrogati, & pro ut necessitas videbitur postulare.

Deinde eadem (vel altera) die accessimus ad Sanctissimam Eucharistiam, Ecclesiam, Chorum, & Sacristiam, & diligenter Visitauimus ea, quæ visitanda sunt, aliquas ordinationes faciendo, quæ infra ponentur. Post hæc vocauimus Fratres ad scrutinium hoc ordine videlicet die vocatus accessit P. N. de A. qui diligenter interrogatus respondit, ut infra.

Super primum caput &c.

Super secundum &c. & sic de singulis modo dicto in Ritu visitationis P. Vicarij Generalis, & in fine interrogatus manu propria subscribet.

2 Die completo scrutinio visitauimus callas Fratrum, & inuenimus &c. Post hac circa horam iterum conuocauimus Capitulum, & coram omnibus habito sermone à P. Pacomio altero Visitatorum, omnes hortati sumus ad regularem obseruantiam, ob cuius conseruationem in eo Monasterio has ordinationes statuimus.

Prima quod nullus &c.

Secunda quod unusquisq; &c. & sic de alijs. Deinde singulis impartita absolutione generali, & benedictione, commendatisq; Benefactoribus viuis, & defunctis licentiam accepimus, & die sequenti discessimus.

In commendatione Benefactorum, vbi supra in Ritu visitationis P. Vicarij Generalis dicitur, & me Vicarium Generalem &c. Patres Visitatores dicent: & P. Vicarium Generalem Congregationis. RR. Praefules, et nos Visitatores, Procuratorem Generalem etc.

F I N I S.

INDEX RITVVM

In hoc Rituali contentorum.

Ritus I.	C irca diuini Officij ceremonias in choro seruandus.	pag. 9
R. II.	<i>Psallendi, & canendi diuinum officium in Choro.</i>	14
R. III.	<i>Canendi Martyrologium cum alijs, quæ in Peruigilio Natiu. Domini exequentur.</i>	18
R. IV.	<i>Matutinas canendi ipsa nocte Natiuitatis Domini Nostri Iesu Christi.</i>	20
R. V.	<i>Vesperas solemniter celebrandi.</i>	21
R. VI.	<i>In Choro Missa conuentualis.</i>	26
R. VII.	<i>A Clericis in Missa solemnè ad Altare seruandus.</i>	28
R. VIII.	<i>Subdiaconi in Missa solemnè.</i>	31
R. IX.	<i>Diaconi in Missa solemnè.</i>	31
R. X.	<i>Celebrantis in Missa solemnè, ubi de incensatione, modo dandi pacem, ac celebrandi coram Sanctissimo Sacramento, Papa, Cardinali, & Episcopo.</i>	39
R. XI.	<i>Processionis, & stationum super sepulturas in die commemorationis omnium Fidelium defunctorum.</i>	44
R. XII.	<i>Laicorum diuinum Officium B. Mariae Virginis, & Defunctorum recitandi.</i>	48
R. XIII.	<i>Dandi absolutionem generalem in solemnitatibus.</i>	50
R. XIV.	<i>Fratrem absoluedi à censuris in Foro exteriori, & dispensandi super irregularitate.</i>	52
R. XV.	<i>Absolutionis generalis in articulo mortis, tum Fratribus danda, tum corrigiatis gratiam habentibus à Sanctissimo Domino N. Papa.</i>	54
R. XVI.	<i>Depositionis Fratris defuncti.</i>	57
R. XVII.	<i>Communione generalis Fratrum in solemnitatibus.</i>	59
R. XVIII.	<i>Benedicendi panem Sancti Nicolai de Tolentino, & eo vtendi.</i>	61
R. XIX.	<i>Orationis serotina, quæ vulgò dicitur Asperges.</i>	69
R. XX.	<i>Disciplinam faciendi in sextis Ferijs.</i>	73
R. XXI.	<i>Agendi de culpis in sextis Ferijs, & Benefactores commendandi.</i>	74
R. XXII.	<i>Accedendi ad Capitulum ante, & post mensam, de benedictione eiusdem, & gratiarum actione.</i>	77
R. XXIII.	<i>Legendi in prima, & secunda mensa.</i>	80
R. XXIV.	<i>Itinerarij Fratrum.</i>	84
R. XXV.	<i>Induendi mantellatum, vel mantellatam.</i>	85
R. XXVI.	<i>Induendi Pizzocheras.</i>	89
R. XXVII.	<i>Erigendi, & fundandi Societatem Cinturatorum in Ecclesijs Sacularibus.</i>	93
R. XXVIII.	<i>Recipiendi aliquem, & aggregandi Confraternitati Cintura-</i>	

	torum.	97
R. XXIX.	Informationes capiendi pro Nonitis in Congregatione vestien- do, easq; mittendi ad Patrem Vic. Generalem.	102
R. XXX.	Recipiendi aliquem ad habitum religionis.	105
R. XXXI.	Professionis a Fratribus emittenda.	109
R. XXXII.	Terminatio electionis, seu postulationis Priorum.	114
R. XXXIII.	Eligendi Discretum, Vicarium, Sacristam, & alios officiales.	117
R. XXXIV.	Seu forma actiones omnes capitulares in peculiari libro descri- bendi.	119
R. XXXV.	Celebrandi Capitulum Generale Congregationis, ubi de introni- catione P. Presidentis, electione P. Vic. Generalis, Definito- rum, & Visitatorum.	121
R. XXXVI.	Celebrandi Definitorium Capituli Generalis, vel Dietæ.	136
R. XXXVII.	Seu formula disponendi, & describendi in Capit. Generali Fa- milias quorumcumq; Conuentuum Congregationis.	139
R. XXXVIII.	Mittendi ad P. Reuerendiss. Generalem Ordinis acta capita- laria Congregationis.	142
R. XXXIX.	Recipiendi P. Vic. Generalem, & PP. Visitatores cum ad Mo- nasterium visitandum peruenerint.	144
R. XXXX.	Visitationis Patris Vicary Generalis.	146
R. XXXXI.	Visitationis Patrum Visitatorum.	157



